


082. 91
Ty992



00014617





東國輿地勝覽 二

朝鮮古書刊行會


東國輿地勝覽 卷之二

朝鮮群書大系續第七輯

東國輿地勝覽 二

朝鮮古書刊行會

082.91
Ty 992



14617

新增東國輿地勝覽第二目錄

卷之十四

忠清道

忠州鎮 清風一八 丹陽二 槐山三八
延豐三 陰城三四 永春三六 堤川三九
已上屬忠州鎮

卷之十五

清州鎮 天安六三 沃川六九 文義七六

卷之十六

稷山八〇 木川八五 懷仁八八 清安九〇
鎮川九四 報恩九七 永同一〇五 黃澗一〇七
青山 已上屬清州鎮 一一三

右屬左道

卷之十七

東國輿地勝覽第二目錄

公州鎮 林川二五 韓山二四〇

卷之十八

全義一八 定山二五 恩津二五 懷德二五七
鎮岑二五 連山二六 尼山二七 扶餘二六九
石城二七 燕岐 已上屬公州鎮 二七九

卷之十九

洪州鎮 舒川一九〇 瑞山一九三 泰安一九八
沔川二五 溫陽二八 平澤二一三 鴻山二一五
德山二七 青陽二二〇

卷之二十

大興三三 庇仁三三五 藍浦三九 結城三三三
保寧三六 牙山三四 新昌三四 禮山二四八
海美三五 唐津 已上屬公州鎮 二五三

右屬右道

卷之二十一

慶尙道 二五七

慶州鎮 二五八

卷之二十二

蔚山 三二七 梁山 三三〇 永川 三三九 興海 三四八

卷之二十三

東萊 三五四 清河 三六五 迎日 三六九 長鬐 三七六

機張 三七九 彦陽 已上屬 三八二 慶州鎮

卷之二十四

安東鎮 寧海 四〇〇 青松 四二二 醴泉 四二六

卷之二十五

榮川 四三六 豐基 四四二 義城 四五二 盈德 四五七

奉化 四六五 眞寶 四七五 軍威 四八六 比安 四七六

禮安 四六六 龍宮 已上屬 四七九 安東鎮

卷之二十六

大邱鎮 密陽 四九三 清道 五二一

卷之二十七

慶山 五二七 河陽 五三〇 仁同 五三四 玄風 五二七

義興 五三三 靈山 五三九 昌寧 已上屬 五四四 大邱鎮

右屬左道

以 上

卷之二十八

公限 林田 韓山

新增東國輿地勝覽卷之十四

忠清道

古馬韓之域。高句麗百濟分據其地。後皆為新羅所并。高麗成宗十四年。分境內為十道。以忠州剛歡等十三州為中原道。以公運等十一州為河南道。睿宗元年。合于關內道。稱楊廣忠清州道。明宗元年。分為二道。忠肅王元年。復合為一道。稱楊廣道。恭愍王五年。稱忠清道。辛禰末。割道之平昌郡。移屬交州道。本朝太祖四年。以楊廣州所領郡縣屬京畿。忠清公洪州所領郡縣。仍稱忠清道。各置觀察使。恭靖王元年。割寧越郡屬江原道。以江原道永春縣來屬。太宗十三年。割驪興安城陰竹陽城陽智屬京畿。以慶尙道沃川黃澗永同青山報恩來屬焉。領牧四郡十二縣三十人。[官員]觀察使一人。兵馬節度使二人。一觀。水軍節度使二人。一觀。察使兼。兵

馬虞候一人。從三品。諸道同。水軍虞候一人。正四品。諸道同。都事一人。審藥二人。一觀察使道。檢律一人。兵馬節度使道。檢律一人。

忠州牧

東至清風郡界二十八里。南至槐山郡界四十八里。至延豐縣界三十一里。西至陰城縣界五十一里。至京畿驪州界七十八里。至同道陰竹縣界六十六里。北至堤川縣界四十五里。至江原道原州界五十八里。距京都二百八十二里。

〔建置沿革〕本高句麗國原城。

一云未乙省。一云薺長城。

新羅取之。真興王置小京。

徙貴戚子弟及六部豪民以實之。景德王改中原京。高麗太祖二十三年。改今名。成宗二年。置牧。十四年。置節度使。號昌化軍。隸中原道。顯宗三年。廢為安撫使。九年。定為八牧之一。高宗四十一年。陞為國原京。後還為牧。本朝因之。世宗三十一年。以觀察使兼判牧使。尋罷之。世宗朝。置鎮。〔鎮管〕郡三。清風。丹陽。槐山。縣四。延豐。陰城。永春。堤川。〔官員〕

牧使

判官

教授

各一人。

〔郡名〕國原

大原

藥城

中原

昌化軍

〔姓氏〕本州徐石崔劉康梁秦安朴

梅

賜○中原濟南。

嵇魚池盧延

並村。堅

鄭並來〔德山〕石延〔所仍林〕石崔〔甘勿內彌〕金盧劉石〔伊次吞〕蔡朴尹

〔翼安〕池魚〔廣反石〕崔安

〔風俗〕民俗儉嗇。

地志。

〔形勝〕拱南方咽喉之地。

鄭麟趾記。

〔山川〕大林山

在州南十里。鎮山。

未訖山

在州北三十里。

心項山

在州東北九里。

馬山

在州西三十里。

夷山

在州西九十一里。

月岳山

在州東四十五里。又見清風郡。○李崇仁詩。瞻彼月岳橫中原。漢江之水初發源。

天龍山

在州西五十里。

淨土山

一云開天山。在州北三十三里。

犬門山

在州西八里。其下有犬川。曰琴休浦。

風流山

在州南二十里。

迦葉山

在州西四十五里。

國望山

在州西五十一里。

薔薇山

在州西二十八里。有古石城。

天燈山

在州

北四十里。有開天寺碑。俗傳唐開元間所立。碑文剝落不可讀。

梧桐山

在州東七里。

金鳳山

在州東五里。

宗堂山

在州

北十三里。產異石。**惡峴** 在州西陰城縣界。○李承召詩。盤回石逕若升天。倦細密可作碑碣。

連珠峴 在州南五里。諺傳連珠女仙遊風流。山或遊是峴。其巷名。至今稱飛仙洞。**北津** 在州北十里。源出江陵府五臺山。

在州西十里。**月落灘** 在州西十五里。即今金遷月灘也。于勒所遊之地。即北津下流。○安崇善詩。琴休浦口孤帆遠。月落灘頭白浪平。**達川**

或名德川。或名獺川。在州西八里。源出報恩縣之俗離山頂。其水分為三派。其一西流為達川。有船。冬則置橋。○本朝李行能。辨水味。以達川水為第一。好飲之。○高麗高宗時。州奴軍作亂。遣李子晟等。率三軍討之。三軍至達川。水深未涉。方造橋。賊曰。欲斬謀首。出降。子晟曰。如此。不必盡殺汝輩也。賊斬魁僧牛木首以來。官軍遂擒餘黨悉誅之。

辰浦 即北津上流。在州東十五里。澄深無底。俗傳龍淵。天旱沉虎頭有應。或稱澶洄江。

土產 鐵 出周連里。海松子 松葦 活石 水獺 蜂蜜 紫草 棗

人參 麝香 安息香 錦鱗魚 石葦[新增]石硫黃 出老烏柴 勿兩谷

城郭 邑城 石築周三千六百五十尺。高八尺。中有三井。

烽燧 大林山烽燧 南應延豐縣周 心頂山烽燧 東應清風郡吾 峴西應馬山 馬山烽

燧 東應大林山及心頂山。望夷城烽燧 東應陰城縣迦葉山。南應鎮川縣 所乙山。西應京畿竹山縣巾之山。

宮室 實錄閣 在客館東南。藏本朝實錄。每三年。遣史官曝曬。星州全州同。○姜希孟記。世祖 睿宗實錄成。命印三件。分藏于外史庫。癸

巳年秋。遣臣希孟。奉安于忠州星州。知事臣梁誠之。奉安于全州。實錄凡七十。一帙。分入五櫃。藏度既訖。希孟竊惟。自古聖帝明王之治。天下國家也。其廣大光明之體。聖神功化之妙。直與天地同其量。鬼神合其運。固難以薄識。窺其涯涘。然窮天地之變。見聖人之心者。非易無以盡。見聖人之治。見聖人之心者。非典謨無以稽。所謂典謨。即古之實錄也。自唐虞下迄于今。代各有籍。所載者無非實蹟。所蘊者無非實心。則欲觀百王之治。欲究百王之心。舍是無以據也。恭惟 世祖大王。天錫勇智。拯溺亨屯。化家為國。精一執中之學。博施濟衆之治。復越千古。卓冠百王。睿宗大王。嗣大曆服。夙夜祇懼。無敢逸豫。重熙累洽之美。奚足多讓於成康哉。今夫四境無憂。民皆奠枕。耕田鑿井。日用飲食而已。夫

豈知二聖相承治化之所為歟。究其治化之所自，則亦在乎世祖大王確強不弛之妙。睿宗大王祇懼敬畏之勤而已。然則是錄也。當與二典三謨並傳不朽矣。嗚呼！秦燭一熾，六籍無餘。尚書諸篇，賴汲冢孔壁之所藏，補其萬一。此我聖朝分別史庫，尊閣實錄之微意也。後之觀者，尚克欽承。
[新增]南別館 在西 新別館 在南 門內

[樓亭]慶迎樓

在客館東。舊名東樓。○鄭麟趾記：忠之為州，拱南方咽喉之地。境壤遼廣，戶口繁夥。由是簿書雲委，賓客沓至。苟非明睿出人

之材，莫能治其煩也。金使君仲誠、勳臣之胄，長於吏材，搢紳之所推服也。出牧三年，政成人和，百廢俱新。其佐治者黃君永也，正統壬戌秋，今上遣大臣奉迎我太祖，辟容于慶州，道過于忠。使君率州人具冠袍，出迎于境上。以正廳卑陋，安於客館之東樓，肅恭瞻仰。上香四拜而退。翼日，乃祇送于郊，歸而語諸人曰：今日御容之駐駕，誠此州難遇之幸，而臣子所當盡心祇奉也。州之建最古，為三韓必爭之地。在新羅為漢江郡，在高句麗為國原城，而舊樓隘且傾危。官府無憩息之處。况御容來還之日，復安於此。於臣子心安乎。咸曰：誠不安。曰：然則盍圖所以新乎。遂以白監司李公益朴、都事康君履，於是招集遊手，斬材陶瓦，山之僧信靖，幹其事。邑之人閔修董其役。二旬而功告訖。名之曰慶迎樓。蓋取奉迎御容之義也。○李承召詩：藥城佳麗古名區，當面嵐光入座。

隅。風月幾多工部詠，溪山都是輞川圖。侵人爽氣星河近，滿地青陰野鳥呼。盡日登臨無限意，斜陽冉冉下平蕪。
[新增]金宗直詩：辰韓千載國原區，更有層樓壓良隅。路出玉鉤森作界，地分金盞簇成圖。雄風且可披襟受，醉墨休妨露頂呼。西北望京何處是，孤帆渺渺接平蕪。
○成倪詩：地秘天慳別有區，竹籬茅屋壓城隅。四山雲物迷遐睇，萬里鷗鷺展壯圖。楊柳康衢飛絮亂，菰蒲斷岸暝禽呼。東風不惜春光老，吹擺殘紅點綠蕪。
○四野瓜疇接芋區，水清沙白露陬隅。琅玕竹颺風前葉，錦繡山開雨後圖。百畝稻花秋穰穰，萬家燈火醉歡呼。昇平不見催租急，吠犬生蹊路欲蕪。
○瑤花閃々漾寰區，白玉峰巒湧坐隅。滿樹寒梅新破萼，侵階明月寫成圖。貪看激灑千樽凸，不怕奔騰萬竅呼。到處君恩深似海，莫嫌三逕日荒蕪。
○楊熙止詩：名途十載抱區區，駐節中原地一隅。官柳青連陶令宅，村花紅入輞川圖。泥深巷口燕爭集，日暮渡頭人亂呼。歸計未成身又老，故園松菊已荒蕪。
○洪貫達詩：秀水佳山作勝區，萬家烟火罨城隅。軒窓人臥神仙宅，風雨天成水墨圖。花裡咏懷春鳥和，酒邊取睡美人呼。繁華身世還堪笑，其奈萬景樓。
在州西三里。○徐居正詩：萬景高樓插半霄，登臨佳湖田一半蕪。
致儘難消，瀨川綠接金灘去。鳥嶺青連月岳高，浩蕩白鷗盟未熟。夷猶黃鶴賦堪招，送拱宸樓。
即城北 南風樓 即城南 望京樓 門樓

在客館東。○洪貴達記中原南北之衝也。自京都而南者，館西〔新增〕清燕堂。水浮陸走，聚于中原，岐而踰二嶺，乃抵其所指。自南而北者，亦各由二嶺，蓋簪于中原，復由水陸，達于京。若遇南北相值，官舍不能容，本道三使，職高而尊同，或時齊到，則館待實難，此為州者之久病，而莫有作之者。牧使崔侯，通判李君，皆時之良也，志同氣合，相與臨民，有其道，四境滄然，隨以化。唯所令之，則乃相隙地，入門之東，高其棟宇而樓之，廣其延袤而廳之，夏有涼室，冬有溫房，客來有徙倚燕巒之處，主人有接賓聽治之所，然後客舍始無有欠闕。而知崔李之作，為出於尋常萬萬也。既成，兩君抵書于京，請余名樓而記之。余不獲辭，則曰：中原山水之根也，天地之清氣萃于此，乃其故館欲老，新構既就，於是乎天地之清氣寓於山水，及茲樓觀傑出，丹雘輝光，則山水之清氣盡在簷楹之間，是宜尊俎燕息於斯，料理簿領於斯，合名之曰清燕，工始於四月，越三月而畢，何其速也，不勞民力，役六七而足，何其簡也。崔侯諱潏，李侯允中。

自警堂 在客館東。鄉射堂 在西門外。牧其。使李龜建。

〔學校〕 鄉校 在西北二里。

〔驛院〕 連原驛 在州北五里。察訪本道屬驛十四。丹月驛 古丹月部曲之地，在嘉興。用安驛 黃江壽山長林靈泉吾賜泉南安陰。○察訪一人。嘉

興驛 在州北三十里。用安驛 在州西四十五里。舊屬陰城。成宗九年移屬於州。丹月驛 古丹月部曲之地，在州南十里。驛南有溪

月樓。○鄭知常詩：飲闌欹枕畫屏低，夢覺前村第一鷄。却憶夜深雲雨散，碧空孤月小樓西。○徐居正詩：破屏孤枕短檠低，殘醉夢騰已曉鷄。吏報五更推戶出，半輪明月老梧西。乾兌院 在州西三里。若翁院 在州東二里。慶希院 在州南四十里。龍頭院 在州西十五里。

五里。敬濟院 一名大棗，在州西三十里。隅院 在州西六里。都官院 在州西七里。石院 在州西八里。金串院 在州西十里。注之院 在州南十六里。彌勒院 在州西五里。新倉院 在州西北二十里。簽

拘伊院 在州西十五里。〔新增〕金遷站 在州西十五里。嘉興站 在嘉興驛傍。

〔倉庫〕 可興倉 古稱德興倉，又稱慶原倉，在嘉興驛東二里。舊在金遷西崖。世祖朝移于此。收慶尙道諸邑及本州陰城槐山清安報恩丹

陽永春堤川鎮川黃澗永同清風延豐青山等官田稅于此。漕至京師。〔新增〕水路二百六十里。〔新增〕舊無倉舍。今上十六年始構屋，凡七十間。

〔社倉〕 在州西八十里。

〔佛宇〕寶蓮寺

在天一龍山。龍頭寺

在末訖山下。三國時。北狄數侵。乃創寺建塔。以禳之。有高麗崔彥擣所撰僧法鏡慈燈塔碑。○

李崇仁送道生上人詩。開天之西。憶井東。岩巖有此梵王宮。山圍平野曉雲白。江繞疎林霜葉紅。上人今日動歸楫。遊子昔年聞鳴鐘。同榜秘書應好在。為言早晚達。開天寺。在淨土山。○高麗歷朝實錄。初藏於陝川海印寺。因倭寇移書筒。于善山得益寺。又移于此寺。又移于竹州七長寺。恭讓二年。以其地近海。倭寇易至。復藏于此。我世宗朝。以修高麗史。皆輸于京。○李崇仁。送權使君詩。淨土山多好。開天寺足徵。踵門無俗客。面壁有高僧。百尺臺臨水。千年木臥藤。君歸足暇日。一一訪吾曾。靈鵠寺。在大林壁。俯蒼流。架空為樓。自下望之若懸。○鄭知常詩。千仞岩頭千古寺。前臨江水後依山。上磨星斗屋三角。半出虛空樓一間。○高麗陳灌詩。已臨絕壑俯長松。更踏層梯策瘦筇。還笑遊人心大躁。一來欲上最高峯。○金克己詩。古寺虛涼地絕塵。何年卜築忍辛勤。畫樓影落南湖水。殘磬聲埋北嶺雲。日暖蘆溪魚結隊。人歸柳渚鶴連群。向僧欲說區中事。端坐無言冷不聞。金生寺。在北津崖。金生。新羅人。父母微。不知其改他藝。年踰八十。猶操筆不休。隸書行草皆入神。至今往往有真蹟。學者傳寶之。崇寧中。高麗學士洪灌。隨進奉使入宋。館於汴京。時翰林待詔楊球。李革。奉帝勅至館。書圖簇。灌以金生行草一卷示之。二人大駭曰。不圖今日得見王右

軍手書。灌曰。非是。此乃新羅人金生所書也。二人笑曰。天下除右軍。焉有妙筆如此哉。灌屢言之。終不信。生修頭陁。行居是寺。因以為名。德周寺。在月岳山下。諺傳德周夫人。建此寺。因名之。蘭草寺。東

迦葉寺。俱在迦葉山。

〔祠廟〕社稷壇

在州西。文廟

在鄉校。城隍祠

在州北三里。楊津溟所祠

在犬門山下。琴休浦口。祀

典載小祀。每春秋降香祝致祭。月岳祠。在月岳山。高麗高宗四十四年。蒙兵屠州城。又攻山作。蒙兵以為神。厲壇。在州北。助不攻而退。

〔塚墓〕權近墓

權躡墓

權摩墓

俱在州西彌法谷。鄭麟趾墓

在州南三十里。李克

堪墓

孫舜孝墓

金禮蒙墓

俱在州北三十里。

〔古跡〕翼安廢縣

在州西三十里。本州之多仁鐵所。高麗高宗四十二年。以土人禦蒙兵有功。陞為縣仍屬。大林山城。石

周九千六百三十八尺。內有一井。今廢。**德周山城** 在州東四十五里。石築周三萬三千六百七十尺。內有一泉。今廢。**桐岳城** 在

東十三里。石築周二千二百八十尺。內有一井。今廢。**鳳凰城** 在州西二十八里。石築周六千一百二十一尺。內有一井。今廢。**泡母臺** 在

流山。高數十丈。諺傳昔有仙女名薔薇。自號泡母。常遊其上。香滿一洞。唐明皇聞之。遣道士迎入宮。號貞完夫人。按新羅聖德王二十二年。王遣使如唐。獻

美女抱貞及貞苑二人。玄宗曰。女皆王姑姊妹。違親屬別鄉國。朕不忍留。厚賜還之。貞完疑貞苑之誤。然香

滿一洞之說。甚恠不可信。**彈琴臺** 在犬門山。蒼壁斗絕。高二十餘丈。其上之處。後人因名。**丹月部曲** 即丹月驛之址。在州東二十五里。今稱沙乙未。**炭村部曲**

其地。曰彈琴臺。**伊次吞部曲** 在州南四十里。**甘勿內彌部曲** 在州南四十五里。**所仍林部曲** 在州東

里。越入清風郡南村。**德山鄉** 在州東五十五里。**下麥谷處** 在州西北四十五里。**上麥谷處** 淵

吞處 在州西九十里。**大鳥谷處** 在州西九十里。

〔名宦〕新羅春賦 眞興王二十六年。以**金陽** 興德王三年。高麗金允侯 爲

城防護別監。蒙古兵來圍城。凡七十餘日。糧儲幾盡。允侯諭勵士卒曰。若能效

力。無貴賤。悉除官爵。遂取官奴簿籍焚之。又分與所獲牛馬。人皆效死。赴敵。蒙

古兵稍挫。遂不復南。**李知命** 判官。朴恒 爲判官。政最。金倫 爲牧。皇甫沈 林椿送行序。余

箔垂。深居簡出。遂與人絕。其出處不吾違。朝暮不吾捨。其惟安定皇甫若水乎。

君博其學。專其志。且強於記識。而宏放於文辭。君之直。琴上之絃也。君之清。匣

中之鏡也。士之貴賤。與賢愚。以不獲從君。爲之羞。是其得於中者。果有異歟。今

將被詔。出佐雄藩。朝廷以江左粵區。倚以爲重。則其綏征更稅。振淹糾慝。而誅

求權奪之政。自君革矣。未足道也。至於推明天子之澤。以化一方。使休聲和氣

疏爲冷風。蒸爲甘澍。以煦以灑。而神雀靈芝之瑞。舉集於境內者。非吾之望而

誰耶。凡交君者。咸嘉其行。長言以餞之。噫。魚相忘於江湖。人相忘於道術。吾與

君忘道術之江湖久矣。於是別**鄭憤** 出牧。爲政嚴。李純祐 毅宗朝擢魁。崔惟

清 崔雲海 俱牧 使。本朝鄭道傳 高麗恭愍 朝。爲司錄 沈德符 柳均 金士衡

河自宗 孟思誠 權軫 金淡俱牧使 李士寬 李益朴俱判官 [新

增]鄭誠謹

為牧使。政尚廉謹。

崔潏

為牧使。以政最陞堂上。

朴祥

為牧使。剛明為治。

[人物] [新羅] 任強首

其母夢見人有角而妊身。及生。頭後有高骨。又有壓子。及壯。父昔諦問。爾學佛乎。學儒乎。曰。佛世外教也。我人間人。安用學佛。願為學儒道。父曰。從爾所好。遂就師讀孝經。曲禮。爾雅。文選。魁然為一時之傑。太宗王即位。唐使至。傳詔書。有難解處。王召強首問之。一見說釋無礙。滯。王驚喜。恨相見之晚。使製回謝表文。工而意盡。王益奇之。不名。常稱任生。家貧。怡如也。王命有司。歲賜新城租一百石。文武王時。授沙殄。增俸租二百石。神文王時。卒。官庀其葬。大臣聞其妻乏於食。願還鄉里。請王賜租百石。辭曰。妾賤者。衣食從夫。受國恩多矣。今既寡。豈敢再辱厚賜。遂不受。 [高麗] 劉兢達 太祖朝。贈太史內史令。 劉羲 狀元及翰林院。癸巳之亂。為武夫所害。 劉冲祺 羲之子也。登第。官至國子監大司成。文章富贍。操行高潔。有父之風。 劉璿 后妃之姓。劉故世為戚里。為人廉介。 崔弘嗣 家世單平。少力學。登科。以文行聞。嘗奉使如美風儀。官至門下侍中。 崔弘嗣 宋忽為颶風所飄。舟人無不拊心泣。 弘嗣神色自若。及至宋。帝厚待之。加賜金幣還。睿宗時。轉門下侍郎平章事。累加推誠。

贊化功臣。年八十卒。諡貞敬。

梁元俊

清儉淳直。終始一節。不事產業。不通餽謝。門巷蕭然。起自胥吏。監光州務。仁宗時。累遷侍御史。出為尙州副使。進門下侍郎平章事。

梁文燮

元俊之子。清直有父風。官至御史中丞。

崔遇清

以吏登第。調進禮尉。明宗以潛邸時舊僚。歷任

中外有聲績。超授樞密院事。後乞骸骨。加守司空致仕。

崔濂

出身鄉籍。官至班主檢政丞。

[本朝] 梁汝恭

登第。累遷至兵曹正

郎。有詩名。

魚有沼

魁武舉。為敵愾功臣。封藥城君。

[寓居] [新羅] 于勒

古記。伽倻國嘉悉王。見唐樂器而造琴。命樂師省熱縣人

于勒。造十二曲。後勒以其國將亂。携琴投新羅。真興王安置于國原。王遣注知階古。萬德。傳其業。三人既得十一曲。相謂曰。此繁且淫。不可不雅。遂約為五曲。勒始聞而怒。及聽其音。流涕嘆曰。樂而不流。哀而不悲。可謂正也。命奏之王前。王悅。 [本朝] 權近 高麗季。坐事流于州。居州南陽村。因號陽村。○李穡記。陽村。吾學最下。然所慕而跂之者。近而之遠也。故子曰。可遠天下之近。而又遠者。求之內。曰。誠。求之外。曰。陽。誠。惟君子然後踐之。若夫陽也。愚夫愚婦之所共知也。春而溫。夏而可畏。秋而燥。冬而可復乎。溫。歲功得以成。民生得以遂。近竊自謂。聖人之化成人材也。亦如此。詩書禮樂之教。皆所以順乎天時矣。而仲尼則嘗曰。

以我為隱乎。吾無隱乎爾。蓋仲尼猶天地也。猶日月也。廣大而無所不包。代明而無所不照。物乎其間者。形形色色。呈露靡遺。故曰。鳶飛戾天。魚躍于淵。言其上下察也。尚何幽隱之有哉。雖其陰險邪類。亦皆無所遁其情。則夫子之無所不知。無所不化。昭昭乎其明也。浩浩乎其大也。浴沂風詠之流。猶足以知和氣流行。與唐虞氣象無異。則其時雨化之者。發榮滋長。復何言哉。嗟夫。仲尼為天地為日月。於從遊三千。速肖七十之間者。皆陽道之發見。昭著者也。而見而知之者。甚寡。曾子子思。幸而著書。至於今日。濂洛之說。行然後學者讀其書。如遊仲尼之天地。如見仲尼之日月。秦漢以來。陰翳否塞。泯泯昏昏。幾於鬼臧者。如清風之興而掃之無跡。何其快哉。十月。無陽矣。然謂之陽月者。聖人之意也。觀乎碩果不食之訓。則聖人扶陽也至矣。春秋。聖人志也。麟。陽物也。而見獲。聖人傷之甚。故作春秋。書春王正月。釋之者曰。大一統也。嗚呼。士生斯世。不遇則已。遇則佐天子大一統。布四海。陽春焉而已耳。若余也。老矣。復何望哉。可遠其思。所以自號。而益勉之哉。

〔孝子〕〔本朝〕崔環 官至副正。以孝行旌門。

林季蕃 事親至孝。勉之當如何。必自誠始。

末山 軍器寺奴也。事親孝。家貧。假貸於人。取給。未嘗違志。其父邁疾。藥賞職。必嘗以進。日夜不離側。及死。哀毀盡禮。喪葬諸事。不煩諸

兄。自辦以囊。仍廬于墓。其母亦不安於他子。來就廬焉。祭父養母。一出於誠。及死。謂其妻曰。不可以家累。累吾喪。汝姑還汝家。以待吾終喪。遂遣之。事。聞旌門復。

〔新增〕河叔倫 母得惡疾。割股肉和酒以進。病即愈。後母病復作。

〔本朝〕崔氏 崔環從姝。與副使韓約定昏約。從征。日本戰亡。終身守節。事。聞旌閭。

〔新增〕慶氏 都事尹峻妻也。夫歿。臨葬自縊。幾死。賴族黨救解得蘇。既葬。撫塚哀號。塚圻數尺。服闋。猶不廢朝夕奠。寢不解衣。今。上十四年。旌閭。

〔題詠〕青山環拱水縈回 李崇仁詩。云云。布

月岳山高天縹緲 金九容詩。云云。金生

寺古水 瀉浚。 麥秀雉初雉 前人詩。攀雲穿亂嶺。截浪過長川。云云。桑稀蠶已眠。井

邑蕭條賴尾魚 鄭以吾送人出守詩。黎蒸失業食無餘。云

月從桐岳漏雲

生 李仁全詩。帆向漢 地近金遷舟客關 僧性晦詩。云云。天

撲地閭閻傍水

斜 盧叔 浮雲遠軸無心出 李承召詩。山下孤城一帶橫。青樓蔚起綵霞明。云云。芳草長堤滿。蒼生。歲歲秋禾登。大有。村村

社鼓樂昇平。我來聽得輿人頌。刺史仁明體下情。

清風郡

東至丹陽郡界三十九里。南至慶尙道聞慶縣界六十里。西至忠州界四十里。北至堤川縣界十七里。距京都三百五十五里。

〔建置沿革〕本高句麗沙熱伊縣。新羅改今名。爲奈堤郡領縣。高麗顯宗九年。屬忠州。後置監務。忠肅王四年。以縣僧清恭。爲王師。陞知郡事。本朝因之。〔官員〕郡守 訓導 各一人。

〔郡名〕沙熱伊

〔姓氏〕本郡劉全 一作 金。 症 張 丹 陽。

〔風俗〕尙火耕 鄭樞詩。俗尙火耕多種粟。

〔形勝〕山川奇秀。爲南道冠。宋處寬寒 一道澄江 鄭樞詩。千年喬木千峰合。一道澄江一邑傳。

〔山川〕因地山 在郡南一里。鎮山。 茂巖山 在郡東十里。有倉庫遺址。高麗時。輸慶尙道田賦于此。 三方山 在郡北一里。有風穴。 婦山 在郡西十五里。

北三 金谷山 在郡西二里。十六里。 猪城山 在郡東五里。有石城。 屏風山 在郡北一里。有風穴。 婦山 在郡西十五里。

城隍山 在郡東三里。 月岳山 在郡南五十里。新羅稱月兒山。爲小祀。 箭山 在郡南所山。 白夜山 在郡南三十三里。

雙巖山 在郡東五里。 鷺山 在郡南二里。有軍倉。 長善峴 在郡西二十里。 加羅峴 在郡西十六里。極險阻。

北津 在屏風山下。源出江陵府五臺山。流入金遷。 高橋川 在郡北八里。源出堤川縣界。入北津。 月川 在郡西四十五里。源出夫德山。流入忠州辰浦。

〔新增〕嚴城遷 在郡西二十里。○崔叔生詩。山腰開犖确。馬足踏凌兢。累石臨千丈。穿雲上萬層。應煩五丁鑿。正似九天登。滿眼皆清景。題詩記我曾。

〔土產〕絲 水鐵 產郡東平登山。 松茸 棗 蜂蜜 紫草 石葦 人參

茯苓 白花蛇 羚羊 墨 石硫黃 出箭山。白夜山。雙岩山。論陽里等地。 石鍾乳 產郡

北風穴及郡南 芋田里石穴。 〔新增〕青土 出郡東木洞。 緣磬 出郡北箭山。

〔烽燧〕吾峴烽燧 在郡南。東應丹陽郡所。伊山。西應忠州心項山。

〔樓亭〕寒碧樓

在客館東。俯臨大江。○河崙記。予昔屢過竹嶺路。清風郡守文節公四句詩。予聞而樂之。乃緣忿忿。未暇一入而登覽。今鄭君守弘。以書請予曰。郡之寒碧樓。名於一方。儘奇絕。可賞數十年來。雨漏風摧。殆將廢矣。予到郡。幸值國家閑暇。今年秋。請工人修之。椽棟楹軒。朽者斂者。靡不易之以新。請子幸爲記。以示後來。予謂樓觀之脩治。守令之末務耳。然其興廢。實與世道相關。世道有升降。而民生之休戚不同。樓觀之廢興隨之。夫以一樓之廢興。而一郡之休戚。可知矣。一郡之休戚。而世道之升降。可知矣。豈非相關之甚者哉。今此樓以數十年摧朽之餘。至鄭君爲政之日。而重新之。可以觀世道之有異於數十年前矣。然今之郡縣。尙有不修之樓觀。則亦豈直世道哉。若鄭君。可謂順世道而爲治者矣。予昔觀察忠清道。鄭君方知事安城。名在最中。予始識其爲人。故書此以爲記。且溪山之勝。制度之美。則非目接。無以致詳矣。清風之號。寒碧之名。聞之。尙能使人骨冷。他日尙能遂赤松共遊之計。再過竹嶺之路。則當爲君一入而登。詠文節之詩。想見其人於數百載之上。且賦君遺愛詩一篇而去。○朱悅詩。水光澄澄鏡非鏡。山氣靄靄烟非烟。寒碧相凝作一縣。清風萬古無人傳。○梁肅詩。樓外亂紅紅杏雨。溪邊軟綠綠楊煙。一區明月清風景。莫向俗人容易傳。○李承召詩。行盡湖南五十城。勝區今日愜幽情。青樓百尺凌風迥。翠壁千尋削鐵成。山好使人思蠟屐。江清邀我濯塵纓。桃源未必非人

世。擬逐漁翁送此生。〔新增〕崔叔生詩。山暗半邊跳急雨。江清一面罩輕烟。惟來炎熱都消盡。驀地長風萬壑傳。○柳雲詩。擘峽奔江賴巨靈。因來徙倚客魂醒。灘聲撼耳寒生枕。山氣籠窓翠作屏。雨洗鷗沙明似雪。月沉漁火亂如螢。無端萬里孤舟笛。一片歸心杳洞庭。〔新增〕明月亭 在寒碧樓東。

〔學校〕鄉校 在郡南一里。

〔驛院〕黃江驛 在郡西三十五里。 壽山驛 在郡南二一十六里。 安陰驛 古名安城。在郡北五里。 樓一院

在郡南二一十六里。 論陽院 在郡西三十三里。 酒餅院 在郡西二一十五里。

〔佛宇〕月岳社 在月岳山。 山房寺 霧巖寺 俱在白岳山。

〔祠廟〕社稷壇 在郡西。 文廟 在郡南。 城隍祠 在郡南。 厲壇 在郡北。

〔古跡〕木村所 在郡北一里。 箭山所 在郡北十七里。 結買所 在郡北二里。

〔名宦〕高麗安宗源

恭愍朝知郡事

〔本朝〕宋處寬

知郡事

〔新增〕金延壽

政尙清簡初郡

人得木偶人以爲神每歲五六月間奉置客軒大張祀事一境空集流弊已久延壽赴官卽收捕巫覡及首事者杖之遂火其木偶妖祀乃絕

宋譚

〔人物〕本朝金吉通

擢壬子科狀元成宗朝佐理功臣封月川郡官至戶曹判書諡文平子順命登第參敵愾功臣封清陵君

〔新增〕孝子〔本朝〕柳自河

事父母盡誠父病革嘗糞以驗死生事聞旌閭

〔題詠〕桃花村路神仙境

鄭麟趾詩云云楓葉溪山錦繡屏

入雲鳥道通人烟

安克仁詩控水

民居卽仙境云云

大江西走吸雲烟

鄭樞詩列岳東回賓日月云云

一江微雨水生烟

金伯英詩九月

清霜山作錦云云

丹陽郡

東至慶尙道豐基郡界二十九里南至同道醴泉郡界三十六里西至清風郡界二十二里北至堤川縣界五十二里至永春縣界四十三里距京都三百五十七里

〔建置沿革〕本高句麗赤山縣

一云赤城

新羅時爲奈堤郡領縣高麗初

改丹山縣顯宗九年屬原州後移屬忠州哈丹之亂以縣人能拒敵賞其功置監務忠肅王五年改今名陞爲郡本朝因之〔官員〕郡

守 訓導 各一人

〔郡名〕赤山 赤城 丹山

〔姓氏〕本郡張池李禹買叱浦皮

李池 並原州

〔形勝〕山水奇秀

李作記丹陽古郡山水奇秀其清淑之氣必無虛蓄

千岩萬壑

申概詩千岩萬壑一江回斲石緣崖小徑

行 長江襟抱

盧叔全詩長江襟抱萬山回

〔山川〕兀山

在郡西二里或稱所由兀山

加隱岩山

在郡西十七里

竹嶺

在郡東三十里慶尙道豐基郡界

乾

止山

在郡南十五里

上嶽山

在郡西十三里與加隱岩山相連甚險阻山頂有石井二旱則禱雨

餘勿眞山

在郡東十里

城山 在郡北 鷄頭山 在郡南 小白山 在郡東三十五里 頭穴山 在郡南八里 客山 在郡北三里

北三 甲山 在郡北四十里 鷲飛山 在郡西十里 高大絕險與上岳山相對 中有大川經流 卽上津巨派 錦繡山 在郡北二十里

加文峴 在買浦縣東北十里 路甚險阻 亦見永春縣 上津 在郡北十三里 或稱馬津 源出江陵府五臺山 流入忠州金遷 下

津 在郡西四里 所要項灘 在郡西五里 卽下津下流 南川 在郡西三十步 源出慶尙道醴泉郡鵲城山 經二樂樓前

入于 北坪川 在郡北五里 其源有二 一出竹嶺 一出豐基郡柵岫 合流于長林驛前 入上津 〔新增〕佛巖川 在郡南二十里

有景 島潭 在郡北二十四里 有三岩矗立潭心 自潭泝流數百步許 蒼壁萬尋 黃楊側栢 倒生石罅 岩穴如門 望之若別一洞天 龜潭 在郡西二十里

〔土產〕竹 棗 玉石 出郡東 最良 號爲 德上洞 墨 丹山烏玉 松茸 海松子 漆 紫草 蜂蜜 石葦 茯苓 安息香 白花蛇 五味子 黃楊 訥

魚 人參 辛甘菜 青石 出郡北若也村 似 〔新增〕綠礬 出郡北三十里 青金石而無金 五里坪洞

〔烽燧〕所伊山烽燧 東應慶尙道豐基郡竹嶺 西應清風郡吾峴

〔樓亭〕二樂樓 在郡西三十步 鄭擢詩 樓外長江江上山 東風吹柳送春寒 〔新增〕金駟孫記 自中原東行向竹嶺 其間山水之可樂者不一

過黃江壽山兩驛 行盡清風境 踰一帖入丹陽界 得長會院 按轡其下 漸入佳境 忽見積石斗起 巒峰疊翠 迷左右 眩東西 雖巧歷莫能較也 崖開峽拆 一江中注 溶漾藍碧 江北岸側之絕險 上數百步 有城可隱 舊名可隱岩 余立馬其前 烟霧路迷 依稀然有爛柯之想 惜絕境之無稱 肇名之曰丹丘峽 由峽而東 山益奇 水益清 行十里 峽盡 回首如別佳人 十步九顧 直東而望 赤城 無咫尺 臨江有步 小艇橫渡 卽下津也 泝津而上 十里許 又有官渡 卽上津也 鐵壁千尋 壓峙津流 悸予魂 莫可攀也 創名之曰棲鶴岩 津之源 出江陵府之五臺山 縈回壑谷 西走遙遙 五六百里 雖輕舟莫能窮其派也 返而順流 未及下津 有川自南而來 舊名南川 川之左岸 有樓翼然 日已暝 黑不可登 遂投郡館 翼日 郡守黃侯璘 請登 遂與攀檻而眺 則鷲飛而鷄啄 鵲噪而客至 嶺雲連於上岳 秋光抹於錦繡 層巒疊嶂 環擁乎一樓 而南川之流 汨瀾於欄楯之下 上津之

波合沓於林越之際。昨日所役於鞍馬舟楫之上者。皆在於杯觴几席之間。蓋兩眼所收。有加於兩脛之所得矣。視壁間匪懈堂。所扁二樂樓。三大字。爛然如明月夜光彩。不可揭。溪山含輝。予欣然樂不自支。顧謂黃口。惟仁者然後能樂山。惟智者然後能樂水。三月不違者。殆庶幾於仁。百世可知。可謂智未及於此。而徒馳情於山水。不幾於自誣乎。夫人莫不具仁智之性。而鮮能充仁智之端。能充其仁智。非吾分外之物。體山之靜而不遷。體水之流而不滯。安一心之德。周萬物之變。則二者之真樂。吾得而兼之矣。侯以安詳之資。且達於理。便養乞郡。既能仁於其親。教其孝以治一境。役鮮少之民。賦磽脊之士。措置得宜。能應簿書而供賦征。又用餘力於構臺葺其頽碎。而無廢舊貫。侯之仁且智。亦可見矣。侯能此致曲。學至於天理流行之極。而行其所無事。則高山流水。乃吾仁智之一體矣。侯其勉之哉。若弄杯杓。醉絃管。登眺以為樂。但觀其隱然峙者。山奔然逝者。水喜其秀且清而已。則又將有理屨窮山。如康樂。投金廢務。如東野。而有忝於二樂之義矣。凡我同登者。盍相與勉之。同登者誰。花山權君景裕。沙執金君世英。并侯弟璋。璋皆學孔子者也。遂以相勉。而又勉繼登者於無窮云。○金乃文詩。洞府深深抱碧流。峽中還見起高樓。峯巒縹渺環三島。笙鶴依僦下十洲。水落溪灣漁店少。雲生谷口石林幽。深秋留滯江南客。盡向今朝洗舊愁。〔學校〕鄉校 在郡南一里。有風化樓。永樂十四年。知郡李作。建有記。

〔驛院〕靈泉驛

在郡北四十里。

長林驛

在郡東十里。

普通院

在郡東二里。

鶯院

在郡東十里。

用富

院 在郡東二十里。

長會院

在郡西二十里。

有德院

在郡西二里。

〔佛宇〕原堂寺

開原寺

資福寺

俱在錦繡山。

法護寺

在乾止山。

〔祠廟〕社稷壇

在郡西。

文廟

在鄉校。

城隍祠

在兀山。

厲壇

在郡北。

竹嶺祠

祀典。載小祀。春秋降香祝致祭。

〔古跡〕買叱浦

在郡北二十里。有館舍。

金衣谷所

在郡東三十里。

加隱巖山城

石築。周三千八百尺。今皆頽落。內有三泉。險阻。麗季。堤川清風及郡人。避倭賊于此。

〔人物〕高麗季公老

明宗時。擢魁科。文章富贍。尤工四六。高宗時。出按慶尙道。令行禁止。部內大理。進右副承宣。王倚為腹心。及卒。家無擔。禹倬。登第。累遷監察糾正。時忠宣有內失。倬白衣持斧藁席詣闕。上疏石之儲。禹倬。敢諫。近臣展疏不敢讀。倬厲聲曰。卿為近臣。未能格非。而逢惡至。

東國輿地勝覽十四

此卿知其罪耶。左右震慄，王有慚色。後退居禮安縣。忠肅嘉其忠義，再召不起。俾通經史，尤深於易。卜筮無不中。程傳初來東方，無能知者。俾乃閉門月餘，參究乃解。教授生徒，理學始行。官至成均祭酒。禹仁烈，恭愍朝，累遷判繕工。禹玄寶，恭愍朝，登第，官山府院君，後封丹陽伯，諡忠靖。[新增]〔寓居〕〔本朝〕黃啓沃，登第，官至弘文。應教，有文名。〔孝子〕〔高麗〕池

重海，倭寇驅掠里閭，重海年十歲，與母竄伏林下，手採薯蕷供母，或乘夜歸家，取米養之，事聞，旌閭。池夢句，父湯死北津，求屍葬于釜谷，日夜哭踴墳前，露居，一日大虎來吼，夢句曾不怖懼，鄉人哀之，共構草廬，事聞，旌閭。

〔題詠〕雲開紫石屏，李穡詩，曉向丹陽路。云云。閑人欲向桃源宿，前人詩，云云。郵吏爭言蜀道難。閭闔

夾澗桑麻密，崔沈詩，云云。松栢凌雲洞壑幽。

槐山郡，東至延豐縣界二十二里，南至清安縣界三十八里，西至陰城縣界二十九里，北至忠州界十七里，距京都二百九十四里。

〔建置沿革〕

本高句麗仍斤內郡。新羅改槐壤郡。高麗改槐州。顯宗

九年，屬忠州。後置監務。本朝太宗三年，陞知槐州事。十三年，改

今名。例爲郡。〔官員〕郡守 訓導 各一人。

〔郡名〕仍斤內 槐壤 槐州 始安

〔姓氏〕〔本郡〕強安陰皮邦秦 智羅 並續 李盧申占白律宅物直刑朴

安 並日 本 〔毛埤〕張宗石

〔山川〕錦山 在郡西二里 鎮山 大原山 在郡東一里 元城山 在郡東二十一里 山南，卽慶尙道界。松明山

在郡東十二里。普光山 在郡南二十六里。南山 在郡南三里。軍岱山 在郡東十三里。小馬山 在郡西二

十五里。目所山 在郡北十里。松峴 在郡西二十里。茅峴 在郡東二十里。仇乙峴 在郡南十三里。道車衣

峴 在郡北二十里。槐津 在郡東七里，卽忠州達川之上流。南川 在郡南二里，其源有二。北川 在郡北一里。源

出道車衣峴。經大原山下。與南川合流入槐灘。

〔土產〕漆 紫草 人參 蜂蜜 安息香 茯苓 白花蛇 訥魚

〔樓亭〕尊賓樓 在客館北。郡守安堯卿重修。觀察使李叔城改樓扁為挹翠。○

下。細雨濛濛。洞水生。柳拂腰肢呈巧舞。山橫眉黛赴閑情。使華跌宕從人笑。莫遣紗籠護我名。避暑亭 在客館西。

〔學校〕鄉校 在郡西一里。〔新增〕今移在郡北二里。

〔驛院〕仁山驛 在郡東北二里。灘濟院 在槐津岸。楓井院 在郡南十三里。北巖院 在郡北五里。伴相院 在郡東七里。益哲院 在郡西三十四里。

〔新增〕〔橋梁〕槐灘橋 在郡東七里。〔佛宇〕義相庵 在元城山。成佛寺 在松明山。普光寺 小馬寺 俱在普光山。

〔祠廟〕社稷壇 在郡西。〔新增〕今移在郡東二里。文廟 在郡校。城隍祠 在郡東二里。厲壇 在郡北。

〔古跡〕柳倉 古稱世伊倉。在郡東二里。世于處 沙良渚處 在郡西二十里。毛坤所 主乙長伊所。

〔題詠〕今朝冒雪槐城 南兢詩。疇昔觀風楊界。云云。豈是南柯太守。亦拜東郭先生。亂山翠擁孤城 安仁詩。兩水明回沃壤。云云。心與青山有素。李缺詩。先聲已過槐邑。行色猶留藥城。云云。事回沃壤。云云。心與青山有素。隨白日還生。照鏡多嫌雪鬢。看花不禁風情。自乏芟棠遺愛。兒四山圍似層城。趙啓生詩。一水流如素練。云云。民安不知帝誰指李為名。障。杜宇月下呼名。山色溪聲俱不俗。李承召詩。披蓑衝雨傍山來。曲曲清溪響轉雷。云云。一時和雨入詩懷。〔新增〕風雨無端滿城 崔淑生詩。雲烟特地遮眼。云云。正喜軒窓暑退。忽驚枕鏡中笑。殺功名。

東國輿地勝覽十四

延豐縣

東至慶尙道聞慶縣界十一里，南至同縣界十三里，西至槐山郡界三十三里，北至忠州界五十里，距京都三百六十二里。

〔建置沿革〕本高句麗上毛縣。高麗顯宗九年改長延。與長豐縣俱屬忠州。本朝太祖三年合二縣置監務。稱長豐縣。太宗三年改今名。十三年例為縣監。世宗十一年割忠州東村以屬之。

成宗七年又割忠州水回村以屬之。〔官員〕縣監 訓導 各一人

〔郡名〕上毛 長延

〔姓氏〕長延李申陰艾尹 金石安 並來〔長豐〕安秦石祐時 金禹績 並

〔山川〕雞立嶺 俗云麻骨岾。在縣北四十三里。高句麗溫達所謂雞立峴竹嶺以西不歸於我，則不返也。此其地。周井山 在

北三十里。鳥嶺 一名草岾。在縣東北十五里。慶尙道聞慶縣界險阻要害之地。伊火峴 在縣東七里。公正山 在縣東

五里。朴達山 在縣西北。亭子山 在長豐縣。景項山 在縣東北二十里。曦陽山 在縣東南

二十里。亦見聞慶縣。馬本山 在縣西十二里。萬壽山 在縣東北三十五里。場項山 在縣北三十七里。松峴

在縣西北二十里。牛岾 在縣北十里。伊火川 在縣西五里。其源有二。一出伊火峴。一出鳥嶺。合流入于槐山郡槐灘。溫井

〔土產〕松茸 石葦 辛甘菜 海松子 蜂蜜

〔烽燧〕麻骨岾 烽燧 東應聞慶縣炭項山。西應周井山。周井山 烽燧 北應忠州大林山。東應麻骨岾

〔學校〕鄉校 一里。在縣東

〔驛院〕安富驛 在縣北二十八里。新豐驛 在縣北九里。新惠院 在縣北二十里。溫井院 在溫井傍

延慶院 在縣西二里。

〔佛宇〕覺淵寺 在亭子山。元通寺 在場項山。禪頂寺 在朴達山。深谷寺 在公正山。

〔祠廟〕社稷壇 在縣西。文廟 在鄉校。城隍祠 在縣北一里。厲壇 在縣北。

〔古跡〕長豐廢縣 在縣西二十里。

〔題詠〕山色檻前多 金汾詩。水聲溪聲隨地盡 徐居正詩。

陰城縣

東至忠州界八里。北至同州界二十五里。南至槐山郡界十八里。至清安縣界三十五里。西至鎮川縣界四十里。距京都二百四十八里。

〔建置沿革〕本高句麗仍忽縣。新羅改今名。爲黑壤郡領縣。高麗屬忠州。後置監務。本朝 太宗十三年。例改爲縣監。官員縣監 訓導 各一人。

〔都名〕仍忽 雪城 仍斤內 六翼

〔姓氏〕〔本縣〕宋尹敬鄭朴蔡 崔李申 並〔巴川〕蔡敬尹 續

〔山川〕迦葉山 在縣北八里。鎮山。亭子山 在縣東南十里。品峴 在縣西十里。沙將山 在縣西北十里。

水精山 在縣東三里。普賢山 在縣西十九里。蜜岩 在山城下。熊岩 在縣西南十里。玉川山 在縣南五里。

〔土產〕棗

〔烽燧〕迦葉山烽燧 東應忠州馬山。北應忠州望夷山。

〔樓亭〕倚松亭 在客館東。○權克和詩。南州閱遍幾臺亭。景物紛然亂我情。今日雪城饒爽氣。也宜欹枕聽松聲。〔新增〕崔淑生詩。秋高烈日透雲山。正色蒼蒼照老顏。蒲柳逢霜渾落節。對君風彩却忘還。

〔學校〕鄉校 在縣東一里。

〔驛院〕坎原驛 在縣西一里。楊惠院 在縣南九里。長信院 在縣西十九里。

〔佛宇〕西迦葉寺 上鳳岳寺 俱在迦葉山。聖住寺 在普賢山。

〔祠廟〕社稷壇 在縣西。文廟 在鄉校。城隍祠 在縣東二里。厲壇 在縣北。

〔古跡〕古山城 在水精山上。石築周一千二百七十一尺。高丈餘。內有一井。今廢。城之南有古邑遺址。號官坪。金村部曲 在縣

西十 巴川部曲 在縣南 五里。 二十里。

〔人物〕〔高麗〕蔡靖 縣吏。力學通經。登第。掌東都書記。有清德。秩滿。〔新增〕〔本補國學學正。諸生敬憚之。高宗時。拜樞密副使。〕

〔朝〕朴叔藁 登第。官至大司憲。

題詠〔古木行相引 徐岡詩。鷄鳴向官道。回首已朝暉。云云。遙岑望復圍。白馬啣莎草立。鸞拂麥風飛。倦極投空館。神疲不任衣。

鷗兼水靜 徐居正詩。陰城是古縣。陽谷淨朝暉。山好屏千幅。溪明玉一圍。云云。黃鶴與雲飛。小坐林塘密。從教翠滴衣。〔新增〕地

僻山藏縣 楊熙止詩。云云。林幽鳥喚人。窓風枯硯水。簷日射簾塵。歲月黏衰鬢。乾坤任病身。帝鄉長在日。魂夢更紛紛。

永春縣 東至慶尙道豐基郡界三十六里。南至丹陽郡界五十八里。西至堤川縣界五十五里。北至江原道寧越郡界三十一里。距京都四百六十四里。

都四百六十四里。

〔建置沿革〕本高句麗乙阿旦縣。新羅改子春。爲奈城郡領縣。高麗改

今名屬原州。本朝 恭靖王元年。移隸本道。始置監務。太宗十三

年。例改爲縣監。〔屬縣〕於上川縣 在縣西三十七里。有館宇軍倉。〔官員〕縣監 訓導 各一人。

〔郡名〕乙阿旦 子春 〔姓氏〕〔本縣〕趙尹鄭秦石 李鄭 並續

〔山川〕北丐尔山 在縣東一里。城山 在縣南三里。鎮山下有石窟。高丈餘。廣可十餘尺許。深入無際。厓有水混混而出。深可沒膝。清冷如冰。邑人持炬十柄。而穴猶未竟。炬盡而返。

小白山 在縣東南四十里。又華山 在縣西三里。於羅山 在縣西五里。加羅山 在縣西十三里。三朶山 在縣西三十八里。堤川縣界。白阿谷山 在縣南三里。

兵北山 在縣東七里。別退山 在縣東十五里。城洞山 在縣南七里。笛古之山 在縣南三里。

毗摩羅山 在縣西八里。下有大江。緣崖鑿壁開路。路甚危險。重峴 在縣西四十五里。堤川縣界。赤峴 在縣西二十五里。

馬兒峴 在縣東三十里。慶尙道榮川郡界。加文峴 在縣西南四十八里。丹陽郡界。南津 在縣南二里。源出江陵府五臺山。流

入金 訥魚灘 在縣北二里。寧越
遷。郡錦障江之下流。

土產 棗 石葷 海松子 人參 白玉 產縣西牛仇里山及昌
田山沙古介山等處。蜂

蜜 紫草 黃楊 茯苓 安息香〔新增〕羚羊角 石鍾乳 出縣南三
里岩間。

〔新增〕樓亭 蘊真亭 在客
館北。

〔學校〕鄉校 在縣北
二里。

〔驛院〕吾賜驛 在縣北四
十八里。斜院 在縣西
十八里。義通院 在縣西五
十二里。德通院 在縣南五
十四里。

〔祠廟〕社稷壇 在縣
西。文廟 在鄉
校。城隍祠 在城
山。厲壇 在縣
北。

〔古跡〕立石部曲 在縣北四十五里。
今稱駕介田村。沓谷部曲 在縣東
六里。所耻谷部曲 在縣
西五

十六里。今稱 澤坪所 在縣西三
十五里。城山古城 石築周一千五百二十三尺。高
水出只村。十一尺。內有一井。今半頽圯。

堤川縣 東至江原道寧越郡界十七里。至永春縣界十八里。南至清風
郡界二十里。至丹陽郡界二十里。西至忠州界四十三里。北至
江原道原州界三十六里。
距京都三百九十一里。

〔建置沿革〕本高句麗奈吐郡。新羅改奈堤。高麗初。改堤州。成宗十
四年。置刺史。穆宗八年。罷之。顯宗九年。屬原州。睿宗元年。置監務。
本朝 太宗十三年。例改今名。為縣監。〔官員〕縣監 訓導 各一
人。

〔郡名〕奈吐 奈堤 義川 義原

〔姓氏〕〔本縣〕智安石姜那
權近鄉
校記。

〔風俗〕民風朴略 鄭麟
趾詩。水複山重 申槩詩。行行水複又山
重。多少民居圖畫中。

〔形勝〕地勢最高 鄭麟
趾詩。水複山重 申槩詩。行行水複又山
重。多少民居圖畫中。

北四 釜谷山 在縣東十二里 永春縣界 舟遊山 在縣西十五里 豆毛谷山 在縣西五十里 與舟遊山相對 加

叱文山 在縣西六十一里 江原道原州界 虎鳴山 在縣東南十七里 末應達山 在縣南十里 伐乙山

在縣東 齊非郎山 在縣西十五里 廣灘 在縣西二十一里 源出原州 沙溪 在縣南五里 出

釜谷山 又西 屯池川 在縣西四十三里 出加叱 義林池 在縣北十里 其深不測 灌溉甚廣

〔王產〕專 出義 出縣北 棗 蜂蜜 松茸 紫草 白花蛇 安息

香 茯苓 辛甘菜〔新增〕羚羊角 防風

〔新增〕宮室〕癡軒 在客館西。○金駟孫記。吾友權子汎。爲縣三年。新其客館之西序而軒之。請記於予。予告子汎曰。先名而後記可乎。蓋名

之曰癡軒。子汎請癡之義。余笑而不應。子汎殊不得意。久乃敢告之曰。王叔璣王椽癡隱德之癡也。黠癡妬癡。巧者之癡也。文而爲書癡。武而爲虎癡。才絕而癡也。斷杯中物者癡。了官事者亦癡。古之以癡名者不一。而子之癡亦不一。而足。世人慧於辭。子獨癡其言。發而觸忌。世人便於貌。子獨癡其動止。使人生憎。

世人巧於進取。得一資而患失之。以校理清班。自貶爲僻縣之監。此則癡於仕也。世人捷於應務。臨民則先名。奉上則先譽。子獨頽然坐嘯齋閣。擊豪猾撫鰥寡爲心。而拙於催科。此則癡於政也。世之爲吏者。劣者以勞民爲辭。視館宇之弊。而任其撓壞。自著行簡之說。辨者峻宇雕牆。無不爲己。不知爲土木之妖。而大馳勤幹之聲。子之于堤。修葺弊宇。旣不爲劣者。又不能爲辦者。役遊手不欲勞民。而反勞心。此則作事之癡也。合子之癡。而扁之於此軒當矣。子汎曰。以癡嘲某則當矣。以某之癡。辱之於公館。則不可。曰噫。天地間萬物。皆造物主之達而觀之。何物非公。若倚着一物。則無非私也。苟私之。則一縣之物。爲六期之私物。公之。則一身一家。百年之公物耳。柳宗元猶能愚柳之溪。今豈不可癡堤軒乎。夫癡者。愚之轉也。又轉則爲拙。顏之愚。柴之愚。竊武子之愚。皆見稱於孔門。而周茂叔之拙。至於刑清弊絕。然則以癡名軒。非軒之辱。乃軒之榮也。得癡縣監。造物者亦幸於此軒也。世之以智巧名者。雖欲爲此軒。亦不得矣。子汎曰。諾。將守癡以終身。旣乃告之曰。子羔之不徑不竇。何如孔子之微服過宋。呂端之糊塗似癡也。而其鎖王繼恩。則事君不癡也。司馬伯康兄弟。腳踏實地。平生無僞。而賂葬師以班族人。事親不癡也。易尙奇禮尙變。古之賢聖適變而能通。此類不一。子又不可專守癡也。子汎曰。吾厭世之巧。而欲守吾之癡。若子之言。未至於大中。而恐吾之癡駁矣。余笑曰。子誠癡矣。子汎瞪目不答。倚軒而睡。

〔學校〕鄉校

在縣東二里。○權近記。堤州在楊廣地最僻民最朴畧官為監務。秩亦甚卑。鄉學廢已久。洪武戊辰。陞諸州縣令監務。皆以參上官為之。且有興學令。今上即祚。尤重學校。己巳冬。吾同鄉金君綏。由觀察判官。量田稱職。選補是州監務。理任踰年。弊祛民安。可興功役。乃謀於衆曰。理民以教化為本。此邑雖小。黌舍無所。若不營構。以育人材。殊非國家委任興學之意。乃相舊址。剗荆榛。除砂土。鳩材埴瓦。豎屋一間。左右前後。皆翼以簷。奉安先聖之神。以為釋采之殿。東西置廊各四楹。以為諸生講業之所。其南置門一間。旁置庖厨亦四楹。仍飾煥室。以為教官燕息之處。制約而位備。功簡而事成。自辛未正月而始役。及秋而訖。乃聚邑中子弟若干人。以教之。財不斂戶。力不煩民。以興六十餘年之廢學。甚可嘉也。其冬遣人于陽村。請記端末。予不得辭。告學者曰。天性民彝。無古今邊遠之殊。十室之邑。必有忠臣。但患學之不講爾。幸今遭遇聖君賢相。中興致理。教化大行。金君上體國家之美意。營新廢學。以教以育。若此之至。而爾諸生。苟不勉於為學。是自棄也。為學之方。具載方冊。然其要只在乎正心術而已。心術既正。然後事親事君。理官理民。百事可做。不然則雖能讀聖賢之書。能王華藻之文。終亦不免為小人之儒矣。可不勉哉。

〔驛院〕泉南驛

在縣西六里。寶通院 在縣內。榆院 在縣東十五里。朴達院 在朴達峴下。黃澗院

在縣西北二十七里。

〔新增〕屯池院

在縣西四十三里。

〔佛宇〕小岳寺

在大德山。公田寺 在朴達山。義巖寺 在大德山。紺巖寺 在紺巖山。

〔祠廟〕社稷壇

在縣西。文廟 在鄉校。城隍祠 在龍頭山。厲壇 在縣北。

〔古跡〕義泉樓

舊在客館東。員林部曲 在縣南二十里。陽城部曲 在縣北二十五里。小堂部曲

在縣西二十里。今稱所湯里。

山尺處 在縣西四十一里。空梓所 在縣西五十一里。

〔題詠〕泉從無底竇

鄭麟趾詩。地勢最高處。民居是僻鄉。云云。鬚拂自成塘。野闊田多沃 李承召詩。峽中開四邑。此

獨據寬平。云云。山深水自清。官寒稀過客。小逕沿崖一線通 前人詩。云云。石在僻少齊氓。縣宰應無事。鳴琴座上橫。馬蹄易踏前途遠。又是山西落日紅。〔新增〕寒溪抱野流 徐居正詩。邑古江山勝。亭新景物稠。烟光浮地面。嶽色出牆頭。老樹參天立。云云。客來留信宿。詩思轉悠悠。

新增東國輿地勝覽卷之十四 終

新增東國輿地勝覽卷之十五

清州牧

東至清安縣界四十二里。至同縣時化驛界四十四里。南至文義縣界二十里。至懷仁縣界二十四里。至報恩縣界二十二里。西至全義縣界五十四里。至木川縣界五十五里。至燕岐縣界三十八里。北至鎮川縣界三十二里。距京都二百九十三里。

〔建置沿革〕本百濟上黨縣。

一云娘臂城。一云娘子谷。

新羅神文王五年。初置西原小

京。景德王。陞西原京。高麗太祖二十三年。改今名。成宗二年。置牧。十四年。置節度使。號全節軍隸中原道。顯宗三年。廢為安撫使。九年。置八牧。復為牧。本朝因之。世宗三十一年。以觀察使兼判牧事。尋罷之。世祖朝。置鎮。屬縣青川縣。

在州東六十里。古薩買縣。一云青川。高麗改今名來屬。

岸鄉

古作朱崖。在州東南六十里。越文義懷仁二縣。至其地。

〔鎮管〕郡二

天安。

縣十

稷山。木川。文義。懷仁。清安。鎮川。報恩。

永同。黃澗。青山。

〔官員〕牧使

判官

教授

各一人。

〔新增〕燕山乙丑。殺州人宦

官李公臣。革本州。割地分屬傍邑。改本道為忠公道。今 上初年。

俱復舊。

〔郡名〕上黨 娘臂城 西原京 青州 琅城 全節軍

〔姓氏〕本州韓李金郭孫慶宋高俊楊東方鄭 王皇甫並開京 盧抱

柳木洪懷金慶州西門續朴申葛並〔周岸〕河 吳趙張柳並〔楸子〕金韓

畢〔拜音〕朴李畢〔清川〕孫田文〔間身〕李全愈〔德平〕申〔調豐〕李

〔風俗〕人多豪傑 高麗太祖曰青州土 地沃饒人多豪傑。

〔形勝〕東南之走集 李崇仁送李慕之序。清爲州實東南之 地大民稠 盧叔

校記。西原一道之 境壤遼曠 李英耆鄉校記。境壤之遼曠。人 才之衆多。固非他邑之可比。

〔山川〕唐羨山 在州東一里鎮 洛迦山 在州東 七里 仙到山 在州東 二十里 儉丹山 在 清

州縣距州東六十四里 山有土城基 龍子山 在州西三十六 里亦見全義縣 彌勒山 在青 川縣

百濟僧儉丹所居故名 猪山 在州西 三十里 龍子山 在州西三十六 里亦見全義縣 彌勒山 在青 川縣

謳羅山 在州東四 十一里 上嶺山 在州東 十五里 俗離山 在周 川縣 箕谷山 在青 川縣 葩串山 在 青

川 吳根津 在州北二十里即 清安縣磻灘下流 眞木灘 在州西三十五里即吳根津下流 青

川 在青川縣其源有三一出清安縣坐龜山一出同縣 大橋川 在州南一 里源出赤

峴流入 椒水 在州東三十九里其味如椒而冷浴則已疾我 世宗世祖嘗幸 吳根津 椒水 于此○房文仲詩神靈釀瑞理難窮疑是銀河一派通香液妙凝

除百病碧流旁達活三農靜涵物像牽秦鏡動徹琴聲帶舜風鳳扇參差迎織 女鸞輿迢遞降天公湯盤正合垂銘戒堯腊何須用藥攻百姓歡欣觀浴日群

臣舞蹈競呼嵩自嗟無地堪容足安得餘波爲盪胷久佩申椒還可笑祗今三 紀臥消中○李承召詩乾坤釀瑞出靈泉 世祖當年駐彩旃共訝鈞天聞帝

所爭瞻麗日浴虞淵豈知人事浮雲改唯見 行 宮落照懸玉署舊臣來稅馬不禁哀淚洒風前

〔土產〕青玉 出謳 羅山 青玉石 出州東三十 里召音里 綠礬 出青川縣 朱土 出周岸鄉 磁

器 陶器 蜂蜜 松葦 石葦 紫草 人參 茯苓 安息香

地黃 白花蛇

〔城郭〕邑城 石築周三千六百四十八尺。高八尺。內有井十三。

〔烽燧〕巨叱大山烽燧 在州東十一里。南應文義縣所伊山。北應鎮川縣所乙山。

〔樓亭〕拱北樓 在州北三里。○白文寶應製詩序。歲在辛丑。宮駕遷自福而尙。行駐清州。壬寅秋九月十九日。上率群臣。拜賀正表于郊。因御

州之拱北樓。覽一齋權漢功舊題五言句。卽命知申事元松壽。代言李穡。成士達。次韻製進。於是左政承洪陽坡。李杏村。黃檜山。暨諸大夫儒士。皆和進。文寶時適承命如京。歆聞引頸。自以不獲親盛事爲恨。及是承召。竊嘗追和續尾。亦以爲幸。而州伯金君成甲。以柳思庵之言屬之曰。命製詩成而將鏤板。不可無序。文寶辭以無文。而幸其傳不朽。遂操筆而拜稽首曰。昔者君臣賡歌。固是昇平製作。而去年奔亂以還。豈謂有今日勝事。於戲。吾王事大。敬命之誠。與名拱北而可表者。不在斯樓歟。其詩曰。拱北名雖舊。吾王敬命初。氛埃今已掃。雲物正當書。宸極瞻依遠。川原向背虛。斯民知所感。責在一人予。○高麗權漢功詩。拱北樓新構。庚申十月初。詩從權贊善。功自尹尙書。古道依紅樹。清池倒碧虛。留連日將暮。山色正愁予。○高麗辛葦詩。井邑山川好。居民尙太初。坐賓前內

翰。牧伯舊中書。松櫟千峯秀。桑麻四野虛。倚欄吟未已。林鳥苦催予。○高麗元松壽詩。絕景登樓處。清辰應製初。喜承今日寵。慚繼古人書。路豁南來直。山遙北眺虛。醴泉行樂好。榮幸莫如予。○李穡詩。鑾輿清曉動。文物太平初。樓迥瞻天近。詩成奉勅書。山光生悅懌。秋氣集冲虛。他日南巡紀。含香亦有予。○成士達詩。歲籌將盡際。天氣稍寒初。扈輦登華構。濡毫和舊書。秋深蓮萼謝。風勁樹陰虛。軒蓋榮光裡。躊躇尙媿予。○洪彥博詩。鳳輦東還日。金風木落初。江山留我住。詩句借人書。路直朝南遠。樓高拱北虛。老來常侍從。壁上莫忘予。○高麗李岩詩。古郡高樓迥。誰知結構初。秋深萬山樹。景入數行書。遠岫供西望。青雲補北虛。登臨參侍後。光寵自慚予。○李齊賢詩。省方南國日。拜表北樓初。浩蕩尊前興。縱橫筆下書。風高鴈遵渚。雲淨鶴冲虛。老矣今多病。懽恩負倡予。○高麗麗黃石奇詩。郡樓雖曰好。駐駕也應初。無限池中景。何能壁上書。登臨喜廣蕩。俯仰實清虛。多謝醴泉相。留詩使起予。○柳淑詩。北樓陪賞日。東國中興初。勝事將傳示。新詩強自書。旌旄森滿路。袞黻迥臨虛。此地雖云樂。松山苦篋予。○高麗金漢龍詩。江山新霽後。雲物九秋初。束帶陪天仗。分街拜國書。登臨聊發興。恍惚若憑虛。欲繼仲宣賦。旁人莫笑予。○高麗禹吉生詩。扈從登樓日。淒涼雨霽初。君王來送表。寇賊騁降書。景晏山如畫。秋深水似虛。南州雖信美。悵望轉傷予。○李岡詩。扈從南巡日。登樓縱目初。山川渾似畫。景物亦堪書。霜落長

天靜烟消大野虛。端知千載下。應製必嗤予。○廉興邦詩。起樓知幾日。金碧炯如初。掩映森仙仗。淋漓古板書。清秋方省歛。白日欲凌虛。盛事真堪頌。賡詩况屬予。○高麗田祿生詩。一人登眺日。萬物喜瞻初。美景誰能賦。荒詞不用書。面南顏甚邈。拱北意無虛。寓目山河秀。雲烟亦媚予。○高麗崔龍詩。遊豫南巡後。登臨四望初。當軒瞻玉色。掃壁檢塵書。遠岫晴相簇。方池淡若虛。物華雖可賞。題詠豈關予。○高麗權鑄詩。繞樓瞻日月。始覺立名初。增損誰能巧。形容自愧書。觀魚池激綠。乘鶴路玄虛。欲和一齋韻。清風忽醒予。○高麗朴仲美詩。樓價增三倍。吾王止輦初。雲烟饒態度。風景入圖書。野曠眉峯列。林疎眼界虛。詞臣爭嘯詠。樗散却嗟予。○高麗金君鼎詩。南山浮瑞氣。清蹕駐樓初。聖德真堪頌。奇觀合特書。秋風吹樹老。雲影度溪虛。他日重回轡。江山亦識予。○高麗華之元詩。一樓風景勝。千乘儼臨初。更整南巡旆。遙傳北上書。美談騰里巷。和氣滿空虛。記取雲霓望。奚爲獨後予。○高麗禹玄寶詩。此樓幾登陟。臨幸古無初。已用詩爲記。何須史亦書。斷坡當檻豁。疎柳遶簷虛。近侍參非分。躋攀且許予。○高麗李韜詩。登樓閱景日。向闕拜箋初。勅下令臣賦。詩成對御書。嶺雲相往返。溪月幾盈虛。顯廟此恢復。地靈還慰予。○高麗韓昉詩。樓拱西原北。丹青炳若初。暫停新警蹕。復見舊車書。樹老千章古。簷高四望虛。品題難繼列。險韻莫過予。○曹繼芳詩。茲樓常亦好。况值輦廻初。閱景誰能讓。賦詩久未書。斜陽明遠

嶠。流水割清虛。說向漁樵子。閑曹儂與予。○高麗許佺詩。駐輦西原後。登樓拜表初。爲題今日事。更閱去年書。遠水連天淨。疎林傍岸虛。豈圖歌聖德。緣幸及於予。○高麗田得良詩。旌旆南巡後。簪裳再造初。拜箋遵禮義。頌德獻詩書。滿目奇觀秀。回頭往事虛。不才叨繼韻。群彥莫嗔予。○高麗李邦直詩。大駕巡臨日。三韓復古初。和詩因有勅。操筆立爭書。俯水堪爲鑑。憑欄况若虛。功臣十世後。餘慶自于予。○韓尙質詩。奉使還鄉日。朝鮮開國初。君王迎聖旨。父老賀簽書。鍾鼓喧周道。旌旗蔽大虛。由來稱畫錦。榮幸孰知予。望僊樓 在客館東。舊名聚景。至正辛丑。高麗月及賊平。放文科及監試榜。後人書其榜。揭于樓。樓壞久。天順辛巳。牧使李伯常重新。韓明滄改扁曰望僊。新增李宜茂賦。登茲樓以遊憩兮。聘余日乎遐之。睡覽天宇之寥廓兮。條心曠而神夷。軼埃壒之冥濛兮。發超然之遠思。望蓬萊於咫尺兮。儼環珮之璫璫。儻凡骨之一蛻兮。庶幾希乎下風。飾明月以爲冠兮。衣青雲之離披。令鳳鳥以先媒兮。命青雀以致辭。闢天關以稽首兮。垓應真之風制。衆女嫉余之脩姱兮。反指余爲竦蟬。既不能以有爲兮。棄之而莫之力也。欲降心以取容兮。亦非吾之術也。白日晡晚其將入兮。攬芳華其已歇。僕夫悲余馬懷兮。蹇延佇而反顧。嘆行邁之遲遲兮。杳大野之平鋪。獸狂奔以求群兮。鳥倦飛而歛翼。悟幽貞之所處兮。又何用東西與南北。望仙居其非分兮。吾將

有事乎田疇。撫江山以寄傲兮。樂風月之嘲啾。日無爲而逍遙兮。足以師聃而希周。惟此樂無以易之。安能鬱鬱余一州。諱曰黍豐麥歧兮。我原我隰。魚肥菜甘。我鼎之饌。信余好之在茲兮。終老死其何歎。群仙雖不可以企及兮。聊自擬於葛天之時也。○楊熙止詩。村墟微雨裡。山寺暝鍾初。苔壁蝸成字。沙階鳥篆書。地深清到底。樓迥白生虛。**〔新增〕清讌堂** 在東。翠輦無消息。吟蛩似訴予。

〔學校〕鄉校 在州東二里。正統甲子春。我世宗幸椒水。賜書籍。

〔驛院〕栗峰驛 在州北七里。察訪本道屬驛十六。長楊台郎。雙樹猪山。時化德驛。增若嘉和。土坡順陽。化仁會同。新興。原岩。含林。田民。○察訪

一人。○徐居正詩。隴麥初胎梅已仁。江南行客動傷神。小塘依舊荷花淨。不見當時勸酒人。**雙樹驛** 在州南十六里。**猪山驛** 在猪山下。

長命驛 在州西五十六里。卽長池驛。廢址。我太祖五年新置。**栗餅院** 在州東四十四里。**板橋院** 在州東四十五里。

米院 在州東三十八里。**德山院** 在州南二十里。**情盡院** 在州城南二里。○鄭以吾詩。人事無涯宇宙間。南來北去幾時閑。此

橋不合名情盡。又**蒲院** 在州北三十七里。**北院** 在州北七里。**長命院** 在長命驛東五里。**金院** 在

北十里。**調風院** 在州北四十里。**仁濟院** 在州南六里。**鵲院** 在州西二十里。**場院** 在州西三十九里。**吳根**

院 在吳根部。曲古趾。**〔新增〕椒井院** 在椒水傍。

〔橋梁〕大橋 卽情盡院前橋。新橋 在州西一里。**直木灘橋** 在真木灘上。**吳根川橋** 在州北二十里。冬則

置之。夏潦用船。

〔佛宇〕空林寺 在俗離山。**應天寺** 桐林寺 松泉寺 俱在龍子山。有李穡所撰懶翁眞堂記。**東**

歡喜寺 菩薩寺 化林寺 靈泉寺 俱在洛迦山。

〔祠廟〕社稷壇 在州西。**文廟** 在鄉校。**城隍祠** 在唐美山。**厲壇** 在州北。

〔塚墓〕韓明澮墓 在州西三十九里。

〔古跡〕古上黨城 在栗峰驛北山。石築周七千七百七十三尺。內有十二井。今廢。父母城 在州西十五里。石築周二千四百二十

十七尺。內有山城 在州東二里。土築周五千二百二十尺。內有四井。今廢。猪山城 石築周五百四十五尺。內有一井。今廢。彌

勒山城 石築周五千七百七十尺。內有二井。今廢。謳羅山城 石築周二千七百九十尺。內有二井。今廢。上嶺山城

石築有遺址。內有大井。天旱禱雨有應。吳根部曲 在州北。錫谷部曲 在州西南。拜音所 一作

楸子所 一作椒子。德平鄉 越入全義縣西。調豐部曲 越入清安縣。新銀所 閔身部曲 皆

清川 永慕亭 在州北三十里。今只有遺基。○李穡記。清之楸洞。郭氏之田在縣。願餘仕于朝。則或廢而蕪。若復不顧。已則携妻孥往耕之。讀書哦詩。羹夫耕叟

與之談笑。而於勢利漠然也。郭氏之大父狀元公。在至元間。忠直有文章。世祖皇帝混一天下。惟日本氏獨不庭。乃曰。懷遠以德。莫尚招徠。其令高麗。馳一介

明諭朕意。於是高麗君臣。隕越承命。慎簡可使者。書狀闕其人。人皆以計避。獨狀元公有願行之言。或以白宰相。宰相大喜。入告于王。出命狀元行。婦翁崔錫欲謁宰相覆奏。狀元公奮然曰。死一也。死國。不猶愈於死妻子之手乎。既去。果不歸。君臣哀之。授官與田。今之楸洞是已。長楸出騷經。釋者曰。猶言喬木。指故國也。其子正郎君。終身悲號。不樂進仕。七十餘矣。而慕之益深。其孫通憲公。作亭洞中。引水種蓮。謀所以養其志。靡所不為。正郎公嘗曰。幼失嚴顏。吾悲何言。汝幸宦達。吾喜可知。而吾無恙。汝又在傍。吾定不及汝矣。其謁文當世秉筆者。書吾東望之思。以示子孫。於是名之曰永慕。蓋朝而慕夕而忘。非永慕也。子而慕孫而忘。非永慕也。朝夕如一刻。子孫如一身。其為慕也不曰永乎。通憲公。徵予言久矣。通憲公。予同年也。慷慨有志。在法司。則執法而已。不畏強也。在言官。則敢言而已。不避事也。是以行省之詰。而綱紀益振。海島之竄。而聲名益張。持斧則嚴明而已。不務於苛察。專城則撫字而已。故稱其公勤。狀元之忠直。正郎之孝思。蓋兼之矣。宜其致身華顯。冠冕士林。而立于朝也。未嘗有終歲之安。楸洞之居。未嘗有間歲之離也。三槐王氏。修德於身。責報於天。如持左契。交手相付。而狀元公忠義之報。如是何耶。天之報善人也。以名焉。以位焉。以德焉。其致一也。有德而名不聞。有名而位不稱。君子不患也。而德之不稱。其位。名之或過其情。君子之所大畏也。今通憲公之德之名。天之所以報狀元也。若其位也。雖

顯矣。士論則猶慊然有不滿之望。然年才耳順。見用與否。未可以前知也。則天之報以位也。與其否也。皆非今日之所可決也。天將大其報。故遲之耶。何其宜報而尙未之報耶。天之定未定久矣。予將於郭氏焉徵之。鐵原崔氏八十而生子。今其孫之多也。郭氏未有後無患焉。天必有以厚郭氏矣。郭氏無後矣。天果未可必矣。永慕亭丘墟矣。天果未可必矣。使天而可必也。郭氏何患焉。○韓脩詩。至元天子建皇極。梯山航海無南北。唯時日本獨不庭。我遣信使示威德。庭臣縮頭皆自私。不願將身馳不測。吾州之豪郭狀元。曾懷直與天地寬。忘軀殉國是素志。受命甘爲書狀官。過門不與妻孥別。掛帆萬里輕波瀾。海天茫茫鴈飛絕。誰識子卿持漢節。纍纍有子獨在家。東望日夜腸內熱。陟岵兩眼墜。玄花號。天寸心凝赤血。天憐終身慕不衰。侍側特送麒麟兒。兒心只欲寧親軀。温清甘旨無所虧。自知不知以悅親。知無不爲常孜孜。新亭結構得處所。冬不多寒夏無暑。既開方沼引泉流。更植嘉卉迎鳥語。春風花開秋月明。皆可慰吾之惻楚。百年養志儘怡愉。忠移於國懷此都。守道何曾枉尋尺。至今猶自範馳驅。所以位不滿其德。公不怨尤傍人吁。嗚呼吾鄉所矜式。臣手作記光竹帛。滔滔四海百萬億。幾人能盡臣子職。乃知永慕亭三世。天下後世來取則。○權近詩。儻狀元郎落落志節奇。拜命使絕域。國耳忘吾私。樓船去不返。杳杳終難追。孝子抱永慕。感感多苦思。晨興日東望。滄海何淪漪。海水亦云淺。此恨無有涯。海

水有時竭。此恨無窮期。賢孫構斯亭。欲寓心所悲。哀哀起攀呼。栢樹多枯枝。居諸照下土。出自東方來。音容不可接。涕淚常自垂。邈矣墳上草。西靡空離披。自註世言狀元墳在日本。其草皆西向而生。由來忠孝門。餘慶當不衰。伯道未有子。天道何無知。應令銅檣在州城內龍頭寺。寺廢而檣在焉。高十餘丈。世傳初讀記者。千載增歎噫。設州時用術者言。建此以表行舟之勢。○李承召詩。卓立亭亭百尺長。行人指似爲彷徨。誰移銅柱蠻溪上。恐是金莖漢苑傍。根入泉源連地軸。頂橫雲表插天潢。昔人建此非無意。要與雄州鎮一方。鴨脚樹高麗恭愍王時。王昉。趙胖。還自大明。白王曰。禮部召臣等語之曰。爾國人有坡平君尹彝。中郎將李初者。來訴于帝。言高麗動兵。將犯上國。宰相李穡。曹敏修等。以爲不可。卽皆誅竄。其在貶宰相等。遣我來告天子。仍請親王動天下兵來討。乃出彝初所記穡敏修等姓名以示之。臺諫請輸彝初之黨。逮繫李穡。李琳。邊安烈。李仁敏。鄭地。李崇仁。李種學。李貴生等。于清州獄。遣門下評理尹虎等鞫之。諸囚皆不服。忽雷雨大作。前川暴漲。毀城南門。直衝北門。城中水深丈餘。漂沒官舍。民居殆盡。客館門前。有鴨脚樹數十株。獄官蒼黃攀樹以免。王以水災。下教釋之。○權近詩。流言不幸及周公。忽有嘉禾偃大風。聞道西原洪水漲。是知天道古今同。

〔名宦〕新羅元泰 神武王五年置西原小京以阿淦元泰為仕臣。〔高麗〕李世華 以諫議出鎮閑於守禦蒙兵不敢犯。

金績 為牧副使。柳伸 由起居舍人出牧民畏而敬之。金周鼎 為牧使。李行儉 為守以廉簡稱。權和 為牧使固城妖

民伊金稱彌勒佛惑眾云我能致釋迦佛凡禱祀神祇者食馬牛肉者不以貨財分人者皆死若不信吾言至三月日月皆無光矣又云吾能使草發青花木結穀實或一種再穫愚民信之施米帛金銀恐後牛馬死則棄之不食有貨者悉以與人又云吾勒遣山川神倭賊可擒也巫覡尤加敬信撤城隍祠廟事伊金如佛以祈福利無賴輩從而和之自稱弟子相誣誑所至守令或出迎館之及至清州和誘致其黨縛其渠首五人囚之馳報于朝都堂移牒諸道悉捕斬之。

李慕之 為牧使施惠政樽節財用得米百二十石糴七十石小米八十石蕎麥三十石布一千疋立本取息為本州義財有李穡記。崔

奇遇 睿宗朝。〔本朝〕李元增 李英菑 朴孝誠 俱牧使。〔新增〕尹璋 金暉 俱為使。

〔人物〕高麗聰逸 太祖時。王可道 本姓李成宗朝擢魁科官至吏部尙書參知政事上柱國開城縣開國伯賜姓王德

宗納其女為妃諡英。郭元 成宗時登甲科累遷起居舍人顯宗十二年拜中樞直學士性清廉工文詞歷官臺省以更能稱。

郭尙 宣宗朝擢拜監察御史歷刑部尙書參知政事諡順顯。郭輿 尙之子登第為禮部員外郎歸隱金州睿宗遣使徵之使居禁中稱為先

生時人謂之金門羽客既而固求退賜城東若頭山一峯構室號東山居士鄭知常作山齋記。李公升 毅宗時人少穎悟能翰林院毅宗朝奉使如金時使金者例收管下銀一斤公屬文仁宗朝擢第直

升不取一錢人服其清後至中書侍郎平章事諡貞肅。慶大升 膂力絕人不事家產蔭補校尉累遷將軍父珍貪鄙多奪人田及卒大升悉以田案納選

軍一無所取人服其清大升嘗憤鄭仲夫跋扈謀欲討之以其事艱大隱忍未發會仲夫子筠潛圖尙公主明宗患之大升遂與許升殺鄭筠於直廬宮中呼

噪大升至寢殿外大聲曰臣等衛社稷請上無恐王出御宮門招大升賜卮酒以慰之大升因請發禁軍捕仲夫斬。李軌 初名載以文章著名官

之卒年三十及葬道路莫不哀哭。李軌 至守司空參知政事。鄭顛 詳見

名郭預 高宗朝擢第一人及第官至監察大夫為人平淡鯁直雖至貴顯如布衣時善屬文書法瘦勁成一家體其在翰院每雨中跣足持傘獨至龍

化池賞蓮後人高其。韓康 高宗朝登第歷國子大司成翰林學士忠烈朝知密風致多詠其事云。直司事俄拜贊成事又加中贊致仕王召康條陳可

行時事康請修宗廟備樂器以嚴時祀止遊田之樂節肥甘之奉於祈寒盛暑

漿醬粥以賑。李伯謙 公升四世孫。忠烈朝登第。累陞選部書書。出牧濟海二州。以最聞。韓偓 康之孫。忠宣時。授選部典書知密直司事。從王入元。時藩王覬覦王位。偓以奇謀脫王于禍。功在一等。封上黨府院君。賜宣力佐理。鄭楷 顓之孫。登第。官至贊成事。性溫良和雅。臨事不撓。鄭誦 楷之孫。年十八登第。忠惠朝。官至左司議。鄭頰 誦之兄。登第。忠惠初。為監察掌令。大夫。詩詞簡古。筆跡亦妙。有雪谷集。鄭頰 誦之兄。登第。忠惠初。為監察掌令。後賜推忠陳義輔理功臣。諡文克。

鄭樞 誦之子。字公權。恭愍初。登第。累遷左司議。與正言李存吾。極言辛旽誤國之事。貶為東萊縣令。官至政堂文學。常疾權奸用事。憤惋不平。疽發背而卒。性恭儉謹厚。時家廟制廢。公權藏祭器別室。祭必親滌奠物。務蠲潔。有圓齋集。諡文簡。郭麟 擢狀元。忠直有文章。嘗與金記。郭樞 擢魁科。官至議政府贊。李居義 官至典書。韓公義 偓之子。封清城君。諡平簡。韓仲 偓之子。官至政堂文學。封繼城君。慶復興 恭愍朝。拜門下侍中。擊平紅賊。又與崔瑩。安遇還。王命有司如迎駕儀。令百官宴于國清寺南郊。後李仁 韓脩 公義之子。年任等。忌復興。清直。訴以嗜酒不視事。流清州而卒。諡貞烈。韓脩 公義之子。年十五。中第。善

草隸。忠定初。為政房必閣赤。王遜于江華。脩從之。由是名重一時。恭愍朝。累遷代言。典銓選。辛旽方得幸於王。脩密啓旽。非正人。恐致亂。旽敗。王曰。脩有先見之明。辛禍立。拜密直提學。賜輸忠贊。化功臣號。封上黨君。後改封為清城君。及卒。人皆惜之。諡文敬。韓方信 偓之子。有將略。登第。恭愍朝。歷樞密院直學士。有柳巷集。行于世。韓方信 偓之子。有將略。登第。恭愍朝。歷樞密院直學士。原君。陞政堂文學。元以平賊功。授奉訓大夫秘書監丞。後官至贊成事。[本朝]鄭擢 樞之子。開國功臣。配享太宗廟庭。諡翼景。鄭摠 樞之子。擢第。官至政堂文學。諡文烈。韓尙敬 脩之子。開國功臣。封西原君。諡文簡。韓確 靖難功臣。官至議政府左議政。諡襄節。配享世祖廟庭。原君。諡文簡。韓確 靖難功臣。官至議政府左議政。諡襄節。配享世祖廟庭。府院君。諡襄惠。睿宗安順王后之父。韓繼美 靖難佐翼功臣。封西原府院君。韓繼禧 繼美之弟。登第。官至議政府左贊成。賜少與權掌輩同遊學。宮直。落落不偶。歲癸酉。贊世祖。靖大難。四捷勳盟。三為領相。韓堰 登第。官諡忠成。章順王后恭惠王后皆其女也。配享世祖廟庭。至吏曹

東國輿地勝覽十五

六二

參判官至領議 [新增] 韓致亨 政諡質景 韓世桓 登第官至 吏曹判書 [孝子] (高麗) 孫宥 州吏也 辛禍四

年倭寇所居里兒女攬衣號泣宥性至孝其父有疾隆寒思食鮮 [本朝] 慶延 魚延持網入水得二鯉以進病

不顧徑走母家負而逃匿得免 果愈後二親歿廬墓前後六年奉祭祀一依家禮與其妻手自割切烹飪隣里

皆化 成宗聞之召引見於宣致殿慰獎之特陞四資拜司宰主簿未幾出為 尼山縣監吏民畏愛及卒邑人備葬需油蜜以遺其妻妻曰何敢累吾夫清德

皆不 [新增] 金石鳳 與二弟同居養父母甚孝母死哀慕盡誠每朔望必 受 [新增] 金石鳳 具酒食以餉父人或感其誠孝解衣助費事聞旌闥

[題詠] 一川西入錦江流 鄭以吾詩大野南 遊女田頭採澗蘋 李承召 詩東風

微雨洒郊原春色遙看入燒痕山館日遲花意動野溪冰泮水流 布穀啼春 渾牧童牛背吹蘆管云云信馬行吟驚物候故園迢遞暗銷魂

勸偶耕 前人詩朝來扶病坐東榮山色空濛雨乍晴遠樹重重青霧濕遙岑 隱隱白雲橫垂楊拂地牽離恨云云莫遣風吹紅紫盡更愁無處寄 詩 金榜傳呼拱北樓 徐居正詩鸞輿有 底巡南國云云

天安郡

東至木川縣界十三里南至公州界四十八里至全義縣界三 十三里西至溫陽郡界十一里至牙山縣界十六里北至稷山

縣界二十里至平澤縣界 六里距京都二百十九里

[建置沿革] 本東西莞率之地高麗太祖十三年合為天安府置都

督 按李詹集王氏始祖聽倪方言乃分 成宗改歡州都團鍊使穆宗廢 湯井大木蛇山之地置天安府疑是

之顯宗復稱天安為知府事高宗四十三年避蒙兵入仙藏島後 還舊地忠宣王改寧州恭愍王時復為天安府本朝 太宗十三

年改寧山郡十六年改今名 [官員] 郡守 訓導 各一 人

郡名 [莞率] 歡州 寧州 寧山 敬田 並 王孟 續 [豐歲] 方徐敬花河頓

[姓氏] [本郡] 申張全河沈盧 村 並 義 [李] [毛山] 朴李玄金 [新宗] 方 [德興] 尙

[形勝] 三國中心 高麗史諺傳術師倪方白太祖曰三國中心五龍爭珠之 勢若置三千戶邑鍊兵於其地則百濟將自降太祖乃登

山周覽始。一方要衝之地。康好文大
置天安府。召院記。

〔山川〕王字山

在郡東北十二里鎮山。高麗太祖駐軍于此。尹繼芳奏以爲五
龍爭珠之勢。因築壘觀兵。賜名王字城。王字者乃其山形也。

華山

在豐歲縣。距
郡四十三里。

留麗王山

在郡東十一
里。木川縣界。

水潮山

在郡東
南二里。雙嶺峴。在郡
南四

十里。公

車峴

在郡南四十五
里。詳見公州。

大川

在豐歲縣北。
距郡九里。

〔土產〕磁器

陶器

秀魚

石首魚

地黃

白花蛇

眞魚

蟹

〔烽燧〕大鶴山烽燧

在郡南十八里。南應公州
雙嶺。北應牙山縣燕岩山。

〔樓亭〕宣化樓

在客館東。○李承召詩。歸來暫憩古寧州。客館東隅有小樓。雲
外碧岑如露髻。樹間涼吹解生秋。偶成籬榻還家夢。不覺龍鍾

作客遊。只爲思親心最
苦。登臨無地可消憂。

〔學校〕鄉校

在郡東
六里。

〔驛院〕新恩驛

在郡北
十里。

金蹄驛

在郡南二
十三里。

寧豐院

在郡南四
十五里。

大平院

在郡
南三

十五
里。三岐院

在郡南
六里。

安定院

在豐
歲縣。

加乙院

在郡北
十五里。

南院

在郡南二里。○
康好文樓記。寧

爲州古。昔我聖祖之取甄氏也。駐軍十萬。築壘觀兵。以耀威虎。其屯營之所曰
鼓庭。其城曰王字。而州之設。於是乎始焉。廟貌臨照一州。以惠福于州人。將五
百年於此矣。越癸丑春。予以朝命來守是州。謁太祖廟。退與吏民。披圖籍問州
之故。惟是州處於三國之中。實一方要衝之地。故其傳舍院館之設。視他州尤
爲急務。舊有院在州南。以待行旅。厥既火于倭寇。無有肯構者。行旅以爲病。予
方謀鳩材瓦。會國有耽羅役。未果。今守任君繼至。政和惠孚。人樂用命。而巍然
院宇。出於旬月之間。行旅如歸。無風雨寒暑之窘。可謂能矣。院舊東向。樓又甚
高。任君相其風水。順其面勢。改作南向。橫截達道。又以爲凡所經營。期於久遠。
大抵樓觀大高。則不能支風雨。易致傾危。於是爲樓院中。不高不痺。其規模體
制。與州宜。且夫時當夏日。火雲炎赫。鏤石流金。暑雨蒸濕。滂塗相仍。行役往來。
提携負戴。汗流被體。渴膈生塵。煩鬱困憊。登斯樓也。清風爽氣。可挹。神心夷廣。
洒然若衣垢而澣。執熱而濯。如游汗漫。至其北風怒號。寒氣凜冽。砭人肌膚。飛
雪漫天。日暮路遠。杳無人烟。冰霜綴髯。舌縮指落。牛馬僵仆。入斯樓也。芻薪以

積湯以熱火以燎。體煥氣溫。如挾重纊。如在暘谷。于斯時也。南商北賈。西旅東客。相見言曰。噫。茲院樓。任君所構。因其院以思其人。思其人以思其政。由是任君之惠。加于時而及於後。不假太史之筆。以垂聲烈。則斯樓之作。非偶然也。近來風俗渙薄。交代之官。互相猜疑。無他。忌其功能出於己也。予則不然。苟有益於世。雖在他人。喜之不啻若由己而致也。今自全羅幕道。寧如京。爲之輟行。登樓徘徊觀覽者久之。嘗竊惟念。所謂鼓庭王字城者。宛如昨日。而興王之功。至今有賴。苟思聖祖創業之艱。則今日爲守令者。不得不任其興廢之責矣。此吾所以惕然于懷。未嘗一日而敢安者也。今任君能繼予志。卒有成績。是可書也。後之繼守者。以予爲戒。以任君爲法。亦寧人之幸也。任君名君碩。秩奉常大夫。某州人。院樓告成。卽乙卯秋。爲記。卽丁巳春也。

大召院

在郡西 八里

楓川院

在郡北 六里

佛宇廣德寺

開天寺

萬福寺

大鶴寺

俱在華山

留麗王寺

高麗太祖留宿

因爲

成佛寺

馬占寺

俱在王字山。高麗太祖駐馬。因名馬占。

祠廟社稷壇

在郡西

文廟

在郡校

城隍祠

在郡東

厲壇

在郡北

古跡高麗太祖廟

王字城

鼓庭

俱在王字山下。今只有古址。

豐歲縣

在郡南二十七里。

名秣川。本百濟甘買縣。新羅改馴雉。爲大麓郡。領縣高麗初。改今名。顯宗九年。來屬。懷古亭。在郡西。○李穀記。至正己丑之閏。余自韓道寧以如京。其守成君。爭珠之地。築壘觀兵。則統三爲王。可立待也。迺相風水。迺營此城。駐軍十萬。卒能取甄氏焉。其屯營之所。曰鼓庭。郡乘所載者如此。舊有亭。在鼓庭。俯官道。所謂爭珠之勢。實在字下。而王字者。乃其山形也。吾病其亭廢陋。且失其名。今已撤舊。擴而新之。幸名之。使人知此亭之作。非苟然而已。余鄉距此。僅餘三百里。其經過者。固亦屢矣。寧之爲寧。余知之矣。民無定業。吏無定居。奚暇理亭榭哉。丙戌之春。奉使而來。時則有李君龜乙。爲之守。化草萊以成田。芟荆棘以開道。余知其良吏也。去歲秋。又覲省而歸。則今成君。爲政且半年矣。視李君之理。殆過之。下車數月。盡得民情。利則興之。害必務去。助農勉學。均科救荒。以次而舉。民既悅服。則出令曰。而知而生之所自乎。此乃興王之地。故太祖之神宮在焉。今其殿宇圯墜。上漏旁穿。無以妥靈。敢曰顧享。爲人而不知報本。是不虔也。館舍公廨。所以奉賓客。嚴官府也。今皆荒廢不理。是示其慢也。不虔且慢。則有常憲。非惟守土者之責。雖爾人民。亦安得道其誅。皆曰唯命。於是舉一邑之人。無

問豪強。戶役而均程之。度材陶瓦。先新神宮。禮殿齋房。一皆輪奐。乃安神栖。乃肅祀事。次及館廡。且修且作。且勸且董。期以今年農隙。必欲訖功。無一不完者。適聞國家新政。當先除吏。乃曰。吾將去。汝且可休工。量其材瓦之數。書而藏之。且戒主者。毋有所失。以待新官。以畢吾志。既又謂茲亭。據一州之勝。當四達之要。不可不作。剋日而成。噫。成君以此州有祖王之遺愛。進瞻肖貌。儼然創業之姿。克敬克悚。退遊鼓庭。杳爾行軍之迹。永懷永慕。敢不竭其心力。以報本復舊。為務乎。故其施為如此。余故以懷古名其亭。亭之作。雖小不足書。然因是可見其餘。故并記之。成君名元揆。昌寧人。東韓名家。東庵之外孫。

毛山部曲

在郡北三十六里。越入牙山縣北村。新宗部曲。在

西八十里。越入禮山縣北村。

德興部曲

在郡西六十八里。越入新昌縣西村。頓義鄉。在郡西六十三里。越入牙山縣西村。

〔名宦〕高麗弟弓

嚴式

太祖十三年。以大丞弟弓為都督府使。以元甫嚴式為副使。孫抃。調判官。政

驛署丞。高宗朝。累遷禮部侍郎。

成元揆

康好文

〔寓居〕高麗全信

登第。官至同知密直司事。為人莅事嚴重。請謁不得行。累為外補。民有去思。平生不以生產為意。晚年自號栢軒。

〔孝子〕高麗梁好

早年辭職歸養。及父母邁疾。取糞嘗其甘苦。既歿。廬墓三年。父嘗問季子純。無田廬。好從父志。以己所得與之。事聞旌闈。

〔題詠〕空庭閨靜萬籟息

元浙東人。李明叔詩。征鞍迫暮來。天安入門下馬。閑盤桓。云云。落葉瑟瑟。鳴欄干。碧天無雲。瑩如洗。

夜光露氣清溥溥。胡床獨坐。久不寐。孤白飛下天風寒。

一簾風雨回春寒

李穀詩。荒城阻雨心未安。欲去未去空盤桓。郡守憂

民未暇食。難堪過客紛相干。况聞去歲天霜早。秋穀未霑零露溥。沉吟不覺日又晚。月明清露空庭溥。契長壽詩。季公鄉里隣新安。稼亭氣宇猶桓桓。迄今云云。古今才力邈難及。

烟火兩三家

康好文詩。殘年得荒郡。云云。民散村皆破。倭侵海不賒。尋常防禦苦。南北送迎多。誰

道為州樂。愁深髮已華。

沃川郡

東至報恩縣界五十一里。至青山縣界五十二里。南至永同縣界四十六里。至全羅道茂朱縣界八十九里。至同道錦山郡界七十三里。西至懷德縣界二十一里。至全羅道珍山郡界三十一里。北至清州界三十七里。距京都三百八十九里。

〔建置沿革〕本新羅古尸山郡。景德王改管城郡。高麗顯宗屬京山

府。仁宗置縣令。明宗十二年。吏民執縣令洪彥幽之。有司奏除官號。忠宣王五年。陞知沃州事。割京山府所屬利山安邑陽山三縣以屬之。本朝。太宗十三年。例改今名。自慶尙道來隸本道。屬縣。

利山縣。在郡南三十里。本新羅所利山縣。景德王改今名。爲管城郡。安邑縣。領縣。高麗顯宗九年。屬京山府。明宗六年。置監務。後復來屬。

在郡東三十八里。本新羅阿冬兮縣。景德王改安貞。爲管城郡領縣。高麗初改今名。顯宗九年。屬京山府。後復來屬。陽山縣。在郡南五十九里。本新羅助比川縣。景德王改今名。爲管城郡領縣。高麗顯宗九年。屬京山府。明宗六年。置縣令。後復來屬。

〔官員〕郡守 訓導 各一人。

〔郡名〕古尸山 管城 沃州

〔姓氏〕本郡陸全黃申 表村 金全柳 並來〔利山〕朴任房 田村 沈金

韓並來〔陽山〕明張朴白李沈〔安邑〕宋周康張孟鍾

〔形勝〕南紀之走集。徐居正赤山峻水清。土肥物阜。南秀文鄉校記。

〔山川〕馬城山 在郡北二里鎮山。諺傳鄉人祭馬祖。故名。智勒山 在郡南五十三里。三城山 在郡西五里。有古城遺址。

東林山 在郡南二十里。月伊山 在利山縣南五里。摩尼山 在郡南五十里。環山 在郡北十六里。

西臺山 在郡南二十里。車灘 在郡東十里。虎津 在郡南五十二里。源出全羅道。茂朱縣德裕山下。流爲赤登津。赤登津

在郡南四十里。其源有三。一出全羅道德裕山。一出慶尙道中牟縣。一出本道報恩縣俗離山。經郡東爲車灘。東北爲化仁津。過懷仁縣爲末訖灘。文義縣爲荊角津。至公州爲錦江。爲熊津。至扶餘爲白馬江。到林川石城兩邑界。爲古城津。至舒川。化仁津 在郡東二十六里。郡入海。

〔土產〕水鐵 出安邑縣枝內洞。紫草 人參 麝香 蜂蜜 安息香 地

黃 茯苓

〔城郭〕西山城 距郡西五里。石築周二千一百四十一尺。高六尺。有軍倉。

〔烽燧〕月伊山烽燧 東應永同縣朴達山。北應環山。環山烽燧 西應懷德縣鷄足山。南應月伊山。

〔樓亭〕赤登樓

在赤登院傍。○徐居正記。沃劇郡。南紀之走集也。由京而之忠清。由忠清之慶尙。使華行旅之往復。蹄轂日相磨也。郡之東南三十許里。有屬邑曰利山。有江延袤。橫截數十里。曰赤登。臨其上有院。有樓。實處達道之樞轄焉。當大暑祁寒之時。盲風苦雨之日。行者之來止于茲。或值跋涉之難也。道途之晚也。牛馬之乏也。草竊之虞也。則有休焉息焉。登覽焉。信宿焉。燠其寒而涼其熱。其德於人。可少哉。第因營構歲遠。頽圯殆盡。歲正統己巳。和城崔侯來作守。政修弊祛。一日星駕適野。見赤登殘廢。歎曰。豈有長民者而忍視不救。令行路無所於歸乎。慨然有重修之志。鄉之僧無着。承侯意。普勸鄉閭。得財資若干。侯亦出私帑。以助其費。凡百締造。皆聽髡緇之募役者。無絲毫擾及南畝。經始於某年。斷手於某年。起樓三楹。宏敞廣豁。又有行厨。爲止宿之所。昔之湫隘傾壞者。今則一何巋然也。行旅之道于此。皆謳吟思侯之德。不置。予按周禮。凡國十里有廬。三十里有宿。後世十里一長亭。五里一短亭。皆所以接賓客也。國家之制。待王人使華。則於大道三十里。有一傳舍。有吏卒以掌之。待商旅則於道里遠近。山川要害。量置院宇。募民爲主。給士田以復其役。是雖有上下公私之分。其惠人一也。今傳舍有主者。責有所歸。院宇則一無提管者。往往至於顛覆莫之顧。此豈聖上優惠之意耶。今侯爲政。拳拳及此。其知所先務者矣。嗚呼。行惠政。使行旅願出於道。雖古聖賢。亦有取於斯者矣。沃之父

老。欲侈侯之德。求予言。謹書歲月以還之。侯名善門。字某。繼侯而守。鄭使君承韶。亦有政聲。○趙浚詩。樓樓六月路三千。野渡無人獨上船。採芑出師誰得計。赤登樓下水如天。○李稷詩。往來行旅日千千。爭渡江頭一隻船。更上赤登仍得句。白鷗閑泛水中天。○鄭以吾詩。自愧年來石二千。不如官渡濟人船。水禽尙厭前呵近。兩兩分飛割碧天。

〔學校〕鄉校

在郡東一里。○南秀文記。沃川。忠清名郡也。山峻而水清。土肥而物阜。淑氣所鍾。茂材是出。故士學爲他郡最。鄉之校。雖據爽塏。地樓臺缺焉。無以暢湮鬱。迎清曠。窺于溽暑者久矣。正統壬戌春二月。郡守礪山宋先生。慨其故。乃募遊手。乃斲乃陶。建南樓九楹。不閱月而斷手。教導李君貴通。以先生之意。走書徵記於余。曰。羣巒擁後。一溪縈前。南望有山。攢青蹙翠。低揖簷端者。西臺也。西五里許。繚如白虹。隱見軒外者。巨川也。此斯樓勝槩之大略也。且樓之作。不于昔而于先生。豈偶然哉。子邑人也。大史氏也。請記其績。余不敢以文拙辭。於虜。長民者之道。惟治與教而已。教者。乃治之本也。學校。實施教之具也。其有關於治道甚重。然世之居官者。大率惟簿書期會是務。惟囊篋細碎是謹。迂視興學。略不加意。而先生能以教養爲己任。學校爲先務。乃於勸課之餘。又拳拳焉作新樓。嘉惠諸生者如此。將何以報先生之惠哉。今諸生之登斯樓也。滌而煩襟。雪而滯慮。絃誦之暇。挹灑氣賞風景。得無有所觀感者乎。

觀山之峙。而思大畜之多識。觀水之流。而思習坎之常德。觀魚鳶之飛躍。而思道體之察于上下。觀物以窮其理。反躬以驗其實。則不踰几席之近。而天地萬物之理已具。不外俯仰之間。而窮神知化之妙斯在。一視聽無非學也。一動靜亦無非學也。有能從事乎此。雖頃焉游息。不敢忽焉。庶不孤先生之惠也。先生名乙開。擢巍科。歷臺省。學術甚高。楷範儒林。治郡清績。無愧古循吏。若茲一樓之微。於先生不足為重。輕。然觀是舉。槩見其為政之知本也。四方長民之吏。必有聞風而作興者。况繼先生之後者乎。遙為邑子賀。是為記。

〔驛院〕增若驛

在郡西 十八里。嘉和驛 在郡西 三里。

化仁驛

在安邑縣 南五里。

順陽驛

陽古作 良。在陽

山縣西

土坡驛

坡古作現。在利 山縣西二里。

化仁院

在化仁 津岸。

增若院

在增若 驛南。

金川院

在 郡

南五 里。

牛峴院

在利山 縣西。

栗峴院

在利山 縣南。

德水院

在陽山 縣南。

赤登院

在赤登 津岸。

〔佛宇〕月菴

在三 城山。

安養寺

在環 山。

甘露寺

在增若 驛北。

黃丁菴

在郡 北。

乾川寺

聖寺

俱在東 林山。

寧國寺

在智勒山。有高麗韓 文俊所撰僧圓覺碑。

〔祠廟〕社稷壇

在郡 西。

文廟

在鄉 校。

城隍祠

在西 山城。

厲壇

在郡 北。

〔古跡〕陽山

新羅武烈王。憤百濟與高句麗梗邊。謀伐之。以金歆運為將。歆運受命抵百濟之地。營陽山下。欲進攻助川城。百濟兵乘夜疾驅。緣

壘而入。營中驚駭。不能定。百濟兵因亂急擊。歆運橫馬待敵。大舍詮知說曰。今賊起暗中。公雖死人無識者。歆運曰。大丈夫既以身許國。豈敢求名乎。遂揮劍與敵鬪死。於是大監穢破。少監狄得。幢主寶用那。皆赴敵而死。時人聞之。作陽

山歌以 傷之。

管城鄉

在郡西十五里。本郡 古基。今稱植栗坪。

酸汁巖鄉

在郡南十里。 今稱銀所村。

酢汁器所

在 管

城。於毛所

在安 邑縣。

赤峴部曲

在利 山縣。

摩尼山城

石築周四千六百 三十一尺。高五尺。

〔名宦〕高麗裴得儒

政績 最著。

〔本朝〕梁九疇

太宗朝。知郡事。奉法公勤。臨民簡 嚴。種栢子于西山三百餘株。至今

官賴 其利。

〔新增〕梁芝孫

政尙 清簡。

〔新增〕孝子〔本朝〕金建

性至孝。遭父母喪。一遵家禮。 啜粥三年。今 上二年。旌閭。

〔題詠〕俯視驚蛇幾曲溪

徐居正詩。仰看危鷗千重嶂。云云。

恠石當頭危欲墮

李承召詩。長風度壑

葉聲乾。雲棧縈紆九折盤。云云。矮松拂面凜生寒。

文義縣

東至懷仁縣界十一里。南至懷德縣界十七里。西至燕岐縣界四十一里。北至清州界十二里。距京都三百二十六里。

〔建置沿革〕本百濟一牟山郡。新羅改燕山郡。高麗屬清州。明宗二年。置監務。高宗四十六年。以衛社功臣朴希實之鄉。陞爲縣令。改

今名。忠烈王併于嘉林。尋復舊。本朝因之。〔官員〕縣令

訓導 各一人。

〔郡名〕一牟山 燕山

〔姓氏〕〔本縣〕朴曹李 李姜 並驛

〔山川〕壤城山

在縣西四里。

漏峴

在縣東九里九巢里。有大小二石穴。其深不測。水旱無涸溢。俗傳九龍所栖。故里號九巢。

物城山

在縣東十八里。一名金方山。

九龍山

在縣西十二里。山頂有老人星殿古基。其畫像至今猶存。又見懷仁縣。

國師

郎山 在縣西二十八里。

月窟山

在縣南三里。一名玉女峰。

猪子山

在縣西五里。

玉碎峰

在縣東一里。 大

明山 在縣西二十九里。

龍穴

在縣東三里。邑人束火而入。繫繩以志其返。深入無底。下有巨瀑。以火擲之。焰焰若螢火而滅。

利遠津

在縣南十五里。又稱荊角津。

儉丹淵

在縣西二十里。

南川

在縣南二里。出金方山。入荊角津。

〔新增〕椒泉

在縣西二十里。

味如椒糝。浴之已病。

〔土產〕蜂蜜

紫草

茯苓

安息香

白花蛇

訥魚

〔烽燧〕所伊山烽燧

在縣東三里。南應懷德縣鷄足山。北應清州巨叱大山。

〔樓亭〕四山樓

在客館東。

〔學校〕鄉校

在縣西一里。

〔驛院〕德留驛

在縣南三里。

茶亭院

在縣東二里。

廣濟院

在縣南七里。

荊角院

在荊角津岸。

達

山院 在縣西三十七里。

〔佛宇〕石岩寺

見佛寺 俱在九龍山。

妙高寺

在國師郎山。

維摩寺

在大明山。 奉先菴

在槐方山。 成佛寺 在摩物城山。

〔祠廟〕社稷壇

在縣西。 文廟 在鄉校。

城隍祠

在壤城山。 厲壇 在縣北。

〔古跡〕燕山鎮

高麗太祖以庚黔弼為征西大將軍。攻百濟燕山鎮。殺將軍吉奐。

慈仁部曲

在縣缺二十里。

壤城山

城 石築周三千七百五十四尺。高一丈。中有圓池。號大池。周一百九十二尺八寸。四面皆側石成砌。其深不測。水旱無涸溢。

〔寓居〕〔本朝〕李英菴〔孝子〕〔本朝〕鄭恃

田敬生

俱旌門。

〔烈女〕〔本朝〕朴

氏 孫赫妻。夫死。廬于墓側。三年哀猶未盡。復居一年。剃髮為尼。每朔望。親自行祭。二十餘年。不少懈。鄉黨宗族。皆歎服。事。聞旌閭。 楊氏 縣人。李貴和妻。年十九。夫歿。朝夕奠必親。服闋。父欲嫁。楊固辭欲自縊。父懼不奪志。

每值俗節。親上塚。至老病不能親詣。祭日必齋沐向墓而拜。成宗二年。事。聞旌閭。

新增東國輿地勝覽卷之十五

終

〔同出〕百濟始建溫祚王廟。在縣東北間五里。今上〔正區〕丁午己酉七月始三廟。春秋付香稅致祭。

東國輿地勝覽十六

八〇

新增東國輿地勝覽卷之十六

稷山縣東至鎮川縣界三十三里。至京畿安城郡界二十一里。北至同郡界二十五里。南至天安郡界十里。至木川縣界二十一里。西至平澤縣界二十二里。去京都一百八十九里。

三國史記地理志曰。白成郡之傍。曰蛇山。其高句麗地。景德王因之。今稷山縣也。

〔建置沿革〕本慰禮城。百濟溫祚王自卒本扶餘。南奔開國建都于此。後高句麗取之。為蛇山縣。新羅因之。為白城郡領縣。高麗初改今名。顯宗九年。屬天安府。後置監務。本朝太宗二年。縣人宦者金淵入侍。大明奉使而來。陞知郡事。太宗元年。復降為監務。十三年。例改縣監。〔官員〕縣監 訓導 各一人。〔新增〕燕山乙丑。移屬京畿。今上初。復舊。

〔郡名〕慰禮城 蛇山

〔姓氏〕〔本縣〕崔俞白趙 全村〔慶陽〕金趙白 並續

〔形勝〕北帶漢水。東據高岳。南望沃澤。西阻大海。三國史百濟紀。溫祚遺墟。

李粲濟源樓詩。溫祚遺墟有一樓。登臨四顧意悠悠。

〔山川〕蛇山 在縣西三里鎮山。 聖居山 在縣東二十一里。高麗太祖嘗駐蹕于縣西愁歇院。東望山上有五色雲。以為有神祭之。遂稱

聖居山。我太祖世 良田山 在縣西十二里。 鶴鷓岩 在縣南五里。如羊馬人物之形。 望海山 在

陽。 憶賊浦 在縣西六十里。 慶陽浦 在慶陽縣海浦也。 牙州梯川 在縣北二十三里弘慶坪。源出京畿安城郡南青龍

山。流入振威縣。冬河浦。

〔土產〕蘇魚 秀魚 葦魚 眞魚 安息香 白花蛇〔新增〕黃石首魚 鰱魚

〔烽燧〕望海山烽燧 南應牙山縣鷲岩山。北應陽城縣槐台吉串。

〔樓亭〕濟源樓 在客館東北。○徐居正詩序。奉使嶺南也。道于稷。稷之客館東北隅。有一樓。登臨小憩。問主人曰。樓之名謂何。主人不知。問諸左右。邑人曰。濟源。坐客不知濟源之意。居正曰。此邑百濟氏之故都。其曰濟源

東國輿地勝覽十六

八一

者得不以百濟之源。源於是乎。蓋百濟始祖溫祚者。本高句麗東明王朱蒙之子。逃難南奔。史書溫祚登負兒岳。相其可居之地。而都于河南之慰禮城。世傳為稷山。居正常以負兒岳。距此可二百里。安能相其可居者乎。且所謂河者。指何水乎。居正道過此。非一再。而因行迫。未暇一入矣。望見地勢褊狹。無磅礴扶輿之氣。非建都之地也。心竊自疑。去年撰三國史節要。歷考諸書。稷之為百濟始都無疑矣。溫王之後。自稷遷南漢山城。即今之廣州也。又遷北漢山城。即今漢都也。後徙錦江。即今之公州也。又徙泗泚河。即今之扶餘也。百濟氏自漢成帝。經于唐高宗之時。終始凡五百餘年。溫王在流離播遷之中。能建邦設都。與新羅高麗鼎峙為三國。非豪傑英偉之才。能然乎。至于後嗣。屢遷厥邦。恃強喜兵。不知唇齒輔車之勢。與強敵構禍。國勢日蹙。加以義慈昏淫。納讒者之說。拒成忠之諫。唐兵渡海而國隨以亡。嗚呼悲哉。茲登是樓。不勝感慨。詩以弔之。詩曰。百濟遺墟。草自平。我來感慨。一傷情。五龍爭罷。天安府。雙鳳鳴。殘慰禮城。始祖祠。深紅樹。合聖居。山擁碧雲橫。登樓多少秋風思。何處吹殘鐵笛聲。

學校鄉校

在縣西一里。

驛院成歡驛

在縣北八里。○察訪本道屬驛十一。新恩。金蹄。廣程。日新。敬天。平川。丹平。維鳩。金沙。長命。迎春。○察訪一人。

通水

院

在成歡驛傍。

末院

在縣八里。

愁歇院

在縣西七里。○高麗金之岱詩。花落鳥啼春睡重。烟深野濶馬行遲。碧山萬里舊遊遠。長笛一聲何處吹。

弘慶院

在縣北十五里。○高麗顯宗。以此地岐路之衝。而人烟隔絕。崔蒲滿野。行者屢遭劫盜。乃命僧迥。創寺。兵部尙書姜民瞻等。監督之。自丙辰迄于辛酉。為屋共二百餘間。賜名奉先弘慶寺。又於寺西。建客館。計八十間。號曰廣緣通化院。積糶糧貯菽秣。以供行旅。遂立碑。命翰林學士崔冲製其文。今則寺廢。而院與碑獨存。遂以寺名稱之。○李穡詩。大野微茫如掌平。群山四面遙攢青。中途碧瓦照大道。豐碑突立高亭亭。啼禽迎風自上下。近馬又見飛蜻蜓。平生遠遊眼界濶。雲夢胷中甚軒豁。適從鶴野飛征驂。東山小魯師上達。歸去來兮有餘地。携被何曾語刺刺。飛雲忽來雨滴微。平澤一點明斜暉。我馬正馳王字城。清風習習吹征衣。興來吟哦強排比。不愁異日遭人譏。○李詹詩。停驂弘慶寺。再讀右碑文。字缺野僧打。苔殘春燒焚。峴山將落日。秦嶺政浮雲。顯廟能敦孝。貽謀及後昆。

朝鮮金石記卷之二十一

燒焚。峴山將落日。秦嶺政浮雲。顯廟能敦孝。貽謀及後昆。
 燒焚。峴山將落日。秦嶺政浮雲。顯廟能敦孝。貽謀及後昆。
 燒焚。峴山將落日。秦嶺政浮雲。顯廟能敦孝。貽謀及後昆。

佛宇龜菴寺

萬日寺

新菴寺

俱在聖居山。

彌羅寺

在良田山。

祠廟社稷壇

在縣西。

文廟

在鄉校。

溫祚王廟

在縣東北三里。我世祖十一年。始立。春秋降香。祝致祭。城

隍祠 在縣西 厲壇 在縣北

〔古跡〕慰禮城

在聖居山。土築周一千六百九十尺。高八尺。內有一井。今半頽圯。○温祚王。高句麗東明王第三子。東明薨。與其兄沸流。避琉璃王。渡漢水而南。沸流。都彌離忽。温祚。都慰禮城。以烏干馬黎等十臣爲輔。始稱十濟。是前漢成帝鴻嘉三年也。天興寺 在聖居山下。今廢。有唐時所豎銅檣。 慶陽廢縣 在縣西。十四里。本高麗河陽倉。後改今名。置令。 救實鄉 在縣東南。十三里。 蛇山城 土築周二千九百四十八尺。高十三尺。內有一井。今廢。

〔名宦〕本朝李英耆

清謹有政聲。

〔人物〕新羅沈那

膂力過人。每與百濟戰。所向無堅陣。濟人指爲飛將。素那 沈那之子。雄豪有父風。嘗剽掠老幼。素那奮刃大呼曰。爾知新羅有沈那之子素那乎。欲鬪者來。遂奮擊突賊。賊不敢逼。但向素那射之。自辰至酉。矢集其身如蝟。遂死。其妻哭曰。亡人

常曰。大丈夫固當死於王事。豈可臥床上。死婦人手乎。今死其志也。王聞之流涕曰。素那父子。可謂世濟忠義矣。贈匪煊。高麗白文寶 字和父。號淡庵。性廉潔正直。恭愍初。拜典命文寶爲師。官至政堂文學。封稷山君。謚忠簡。 孝子本朝奉由智 以孝行旌門。官至知郡事。

〔題詠〕割鷄言是戲

成右隣詩。稷山雖十室。亦足試吾仁。撫字先營獨。差科問富貧。云云。留犢事堪遵。幼學終何用。須令澤及民。

鴉噪古墟幽

安崇善詩。松聲深院靜。云云。

木川縣

東至清州界十九里。北至稷山縣界十九里。西至天安郡界十七里。南至全義縣界二十二里。距京都二百四十七里。

〔建置沿革〕本百濟大木岳郡。新羅改大麓郡。高麗改木川。屬清州。明宗二年。置監務。本朝太宗十三年。例改今名。爲縣監。〔官員〕縣

監 訓導 各一人。

〔郡名〕大木岳 大麓 木州 新定

〔姓氏〕本縣牛馬象豚場沈申王諺傳高麗太祖開國以本州人屢叛嫉之賜其邑姓皆以畜獸後改牛爲子改象爲尙改豚爲頓改場爲張。

〔山川〕鵲城山在縣東五里鎮山。黑城山在縣西十一里。鷺岩山在縣西十二里有龍穴禱雨處。細城山

在縣南八里。聖居山在縣西北十四里詳稷山縣。吉祥山在縣北十五里又見鎮川縣。山方川在縣東二十步源出

縣北山方洞流
入清州眞木灘

〔土產〕鐵出山方川。磁器 蜂蜜 棗 紫草 安息香

〔樓亭〕東作樓宣德甲寅建○柳思訥命名而記〔新增〕觀察使鄭眉壽改名小心崔溥有記

〔學校〕鄉校在縣西二里。

〔驛院〕延春驛在縣東三里。塔院在縣東二里。黃信院在縣南十里。新院在縣南五里或稱南院。

井項院在縣西十四里。末院在縣西十五里。〔新增〕佛地方院在縣東三十五里。

〔橋梁〕長命橋在山方川。

〔佛宇〕轉谷寺 普門社俱在聖居山。恩石寺在鵲城山。勝天寺在黑城山。

〔祠廟〕社稷壇在縣西。文廟在鄉校。城隍祠在縣東一里。厲壇在縣北。

〔古跡〕黑城山城石築周二千二百九十尺高六尺中有一池天旱禱雨。

〔人物〕高麗于學儒倜儻有氣槩宿衛毅明兩朝忠謹無他李高等將作亂官見屈於文官矣能無憤乎去之易如拉朽然文官見害禍及吾輩亦不旋踵汝宜慎之吾父雖歿言猶在耳。〔新增〕孝子〔本朝〕徐萬事父孝朔望必具酒死且不從官至同知樞密院事。〔新增〕孝子〔本朝〕徐萬饌以供父冬月得疾思食鮮魚萬叩冰呼天有四魚躍出持歸以進。及歿廬墓三年一不到家。成宗十一年賞職。

〔題詠〕為憐山水此中奇

權軫詩客路春風信馬遲云云樹陰滿地庭除靜月上梨花自入詩

四面山如畫

柳季聞詩云云千年地自奇

黑山漠漠雲遮寺

徐居正詩宴罷西原尙早朝木城歸路更迢遙云云綠野粼粼水拍橋老去頗

知官况少醒來無乃旅魂銷晚投公館簾櫳靜落絮飛花共寂寥

懷仁縣

東至報恩縣界十六里南至清州界三十二里西至文義縣界十六里北至清州界二十九里距京都三百四十六里

〔建置沿革〕本百濟未谷縣新羅改昧谷為燕山郡領縣高麗初改

今名顯宗屬清州後為懷德兼任官辛禡時別置監務本朝 太

宗十三年例改縣監〔官員〕縣監 訓導

各一人

〔郡名〕未谷 昧谷

〔姓氏〕〔本縣〕李洪張辛 崔 續

〔形勝〕重岡複嶺路繞羊腸 李承召詩重岡複嶺遠相連路繞羊腸馬不前

〔山川〕何麼山

在縣西二里鎮山

虎帖山

在縣南九里

甫里山

在縣東二里

九龍山

在縣西北二十

五馬山 在縣西北十里

皮盤大嶺

在縣北十五里嶺路九折最為高險

車衣峴

在縣東十二里

牧監山

在縣

西五里 老城山 在縣南十里

昧谷山

在縣東一里

墨峴

在縣西十三里

末訖灘

在縣南十九里即化仁津下流

熊岩川

在縣南一里源出九龍山流入末訖灘

〔土產〕水鐵

出老城山

水精石

出縣北馬山

蜜蜜

海松子

紫草

茯苓

地

黃 安息香

〔學校〕鄉校

在縣北二里

〔驛院〕禮大院

在縣東十里古稱孔大院

新院

在縣北二里十五里

塔院

在縣北五里

〔佛宇〕熊岩寺

在九龍山

妙岩寺

在牧監山

麻田寺

在老城山

〔祠廟〕社稷壇 在縣西。文廟 在鄉校。城隍祠 在味谷山。春厲壇 在縣北。

〔古跡〕虎帖山城 石築周五千一百四十八尺。高八尺。內有三井。今廢。味谷山城 石築周一千一百五十二尺。高八尺。

〔人物〕高麗龔直 有勇略。新羅末。爲本邑將軍。遂事甄萱。見萱無道。與子英舒。來附太祖。太祖拜大相。官至左丞。諡奉義。龔直達 直之子。與弟金舒。質於後百濟。及直歸。附太祖。萱殺之。〔本朝〕洪允成 小落魄不羈。文宗朝登第。佐山府院君。官至領議政。諡威平。

〔孝子〕本朝李祐 以孝行。旌門。

〔題詠〕暮嶺流雲氣 高麗趙云。仡詩云。曉簷連雨聲。縣古槐根老 前人詩云云。庭空草色深。萬古陰

湫藏恠物 李承召詩云云。百年殘壘鎖荒煙。嶺頭神宇少躋攀 前人詩。小洞幽幽百畝寬。邑齋瀟灑附溪干。南榮日

午微生暖。陰壑春深尙有寒。峽口民風多儉嗇。云云。石田歲歲天霜早。輸盡官租割肺肝。

清安縣 東至清州界三十里。南至同州界十二里。西至同州界二十二里。北至槐山郡界九里。至陰城縣界十九里。距京都二百九十三里。

〔建置沿革〕清塘縣。一名清淵。高麗初。屬清州。後置監務。兼任道安。道安縣。本高句麗道西縣。新羅改都西。爲黑壤郡領縣。高麗初。改道安。顯宗九年。屬清州。本朝。太宗五年。以兩縣民少地窄。合之。改今名。置監務。十三年。例爲縣監。〔官員〕縣監 訓導 各一人。

〔郡名〕青塘 清淵 道西 都西 道安

〔姓氏〕青塘韓申葛辛朴 李金 並〔道安〕咸崔白李申 車 續〔亂谷〕辛〔念谷〕申辛

〔風俗〕尙儉嗇 地志。

〔山川〕頭陀山 在縣西二十里。又見鎮川縣。坐龜山 在縣南十里。七寶山 在縣東六里。柎城山 在

西二里。松峴 在縣東七里。蛇峴 在縣北十五里。椒峴 在縣南十五里。仇自隱峴 在縣東七里。礪灘川

在縣西二十七里。其源有三。一出鎮川縣北。一出陰城縣朴伊峴。一出坐龜山。流入清州吳根津。

東國輿地勝覽十六

九一

〔土產〕白玉

出縣東蛇山里

蜂蜜

紫草

人參

地黃

茯苓

〔學校〕鄉校

在縣東二里

〔驛院〕時和驛

在縣西十七里

白毛老院

在縣北十八里

水精遷院

在縣東三十里

長候院

在縣西十五里

〔佛宇〕龜石寺

在坐龜山。世傳建邑初。忌離山之高。叟是寺。取水族之神者而名龜石。有曹繪記。

長岬寺

在坐龜山。連天

寺 在紐 水菴寺

在七寶山

〔祠廟〕社稷壇

在縣西

文廟

在鄉校

城隍祠

在縣西五里

厲壇

在縣北

〔古跡〕古道安

在縣西十五里

靜安部曲

在道安縣

谷銀谷所

念谷所

游筒所

俱在青塘縣

亂谷所

在縣東十二里

〔題詠〕石田礪确人烟少

李承召詩。行到清安日已斜。官居牢落似僧家。云云。茅店荒墟草樹多。

逕繞荒山

腹

申槩詩云云。村連碧澗頭

樹影入牀頭

李益朴詩。荷香惹欄角云云

〔八景〕龍門送客

高麗陳義貴詞。野闊山如

畫。川平草似茵。匏樽木榼送佳賓。別酒莫辭頻。悽斷陽關曲。蹉跎末路塵。臨分執袂更逡巡。不禁涕酸辛。○姜希孟詩。車馬喧填簇水湄。陽關一曲換新詞。可憐憔悴河邊柳。低拂長條管別離。 龜石尋僧 陳義男詞。古寺依岑寂。層軒對翠微。穿林石路日斜禪榻坐忘機。嵐翠欲沾衣。○姜希孟詩。石徑盤回入萬松。芒鞋隨意懶扶筇。隔林認得招提境。一杵春容聞暮鍾。 亂谷牧馬 陳義

斷岸菰蒲綠。層巒躑躅紅。良辰秣馬碧溪東。雨過草連空。物外茲遊勝。樽前異味重。酒酣長嘯興無窮。欵帽落花風。○姜希孟詩。溪山處處暗芳塵。秣馬閑尋豐草春。過盡東阡復西。 籜溪捕魚 陳義貴詞。水闊魚吹浪。風輕燕掠波。橫流蕩物華。生意喜津津。 柎城白雨 鮮漑釜多。沙頭盡日飲無何。也任帽欹斜。○姜希孟詩。磻灘水暖。 柎城白雨

鱖魚肥。傍岸茅茨掩竹扉。打得霜鱗沽美酒。夕陽人語滿漁磯。 柎城白雨

陳義貴詞。列岫圍平野。孤城倚翠巔。風吹雨脚散如煙。山氣共悠然。虹斷知何處。鴉棲欲暮天。幽人捲箔倚欄邊。秋水滿前川。○姜希孟詩。雷聲殷殷擁雲根。復岫重岡雨氣昏。忽作冥濛。 椒嶺晴雲 陳義貴詞。疊嶂凌清漢。閑雲惹碧岑。遮眼過。驀然平地失前村。 椒嶺晴雲 如絲如雪鎖千林。洞壑更幽深。鶴去

空懷古。猿啼猶感今。吟看倚杖思難禁。回首日將沈。○姜希孟詩。如輪
 如蓋復如繇。舒捲無心任自然。莫謂乘風空鎖嶺。會須爲雨竟遮天。 清河禊
 飲 陳義貴詞。柳暗藏春色。松疎帶雨聲。山深白日子。規鳴佳節是清明。水送流
 觴急。風吹舞袖輕。花枝滿插接。擢傾扶醉畫中行。○姜希孟詩。清河春暖試
 春衫。芳草輕烟三月三。欲向溪 蠻舍閑吟 陳義貴詞。山郡携佳客。蠻廬謁素
 山探往事。會稽觴詠入清談。 王斐然狂簡摠成章。相揖共升堂。
 後嶺松杉翠。前池菡萏香。論文對榻日偏長。清興浩難量。○姜希孟詩。鱣堂深
 處對遺經。想像宣尼日月明。壇杏 滿庭紅半落。好風時送讀書聲。

鎮川縣

東至忠州界二十七里。南至清州界二十八里。西至稷山縣界三
 十八里。北至京畿竹山縣界三十九里。距京都二百三十四里。

〔建置沿革〕本高句麗今勿奴都。一名萬弩郡。或云 新羅改黑壤郡。黑一
 高麗初稱降州。後改鎮州。成宗置刺史。穆宗罷之。顯宗屬清州。高
 宗以林衍之鄉。陞彰義縣。置令。元宗又以衍故。陞知義寧郡事。及
 衍誅。降爲鎮州監務。本朝 太宗十三年。改今名。例爲縣監。〔官員〕
 縣監 訓導 各一人。〔新增〕燕山乙丑。移屬京畿。今 上初。復舊。

〔郡名〕今勿奴 萬弩 首知 新知 黑壤 黃壤 降州 鎮
 州 彰義 義寧 常山

〔姓氏〕〔本縣〕韓林宋沈庾旽高粱河張

〔山川〕頭陁山 在縣東二 寶蓮山 在縣北 城山 在縣西 吉祥山 一名胎靈
 十一里。 二十里。 南七里。 山。在縣西

十五里。與寶蓮山相連。○新羅眞平王時。萬弩郡太守金舒。深谷山 在縣北
 玄妻萬明。妊身二十月生子。曰庾信。藏胎於此山。因號吉祥。 二十里。

大門嶺 在縣西三十五里。 脇吞嶺 在縣西脇吞 注川 在縣東十里。入
 京畿安城郡界。 所。稷山縣界。 清安縣磻灘。 牛川

在縣北四
 里。入注川。

〔土產〕蜂蜜 紫草 人參 麝香 羚羊 白花蛇

〔烽燧〕所乙山烽燧 在縣南七里。南應清州巨
 次大山。北應忠州望夷山。

〔樓亭〕蓮亭 在縣南。○李承召詩。荷渠四 觀風樓 在客館北。○
 面十分清。小閣當中倒影明。 縣監李填建。

〔學校〕鄉校 在縣南二里。

〔驛院〕長楊驛 在縣北十二里。台郎驛 在縣南十四里。古名堆糧。其基在今驛南八里。時泰院 在縣內。永濟院 在縣東十四里。台郎院 在台郎驛傍。廣惠院 在縣北三十八里。竹山縣界院傍有亭。乃忠清道新舊觀察使交印之所。脇吞院 在縣西三十四里。

〔佛宇〕吉祥寺 寶寂寺 先寂寺 片角寺 俱在胎靈山。

〔祠廟〕社稷壇 在縣西。文廟 在鄉校。城隍山 在城山。金庾信祠 在吉祥山。新羅時置祠宇。春秋降香祝行祭。高麗仍之。至本朝太祖厲壇 在縣北。祖八年始停之。令所在官致祭。

〔古跡〕金泉鄉 在縣北三十九里。泉俗作眞。香林部曲 在縣北二十三里。脇吞所 在縣西三十六里。新池 在縣東十里。導牛川流入。中有三島。都堂山城 在縣西三里。石築周一千八百三十六尺。內有二井。今廢。伊訖山城 在縣

西二十四里。石築周三千九百八十尺。內有二井。今廢。大母山城 在縣東六里。石築周二千六百七十尺。內有一井。今廢。

〔人物〕〔高麗〕林曦 封興化君。惠宗義和王后之父。宋彥琦 少能文。高宗時登第。嘗四使蒙

監事。王欲復使蒙古。適彥琦遺疾。宰相曰。宋之生。國之福。宋之亡。國之憂也。卒。年四十三。宋國瞻 性剛直。疾惡如讎。善屬文。登第。直史館。高宗朝。拜監察御史。歷刑部尙書。右散騎常侍。〔寓居〕〔本朝〕權蹈〔孝子〕〔本朝〕崔士興 金德崇 俱以

旌門。〔新增〕〔烈女〕〔本朝〕末叱非 水軍鄭孝昌妻也。夫死。服喪六年。哀毀如初。先具饌奉姑。而後祭夫墓。今上十四年。旌闈。〔題詠〕山勢周遭圍古邑 李承召詩。獨憑烏几睡初醒。此去京華幾短亭。云。戶不高。未報國恩親亦老。歸期且莫負丁寧。云。松聲蕭瑟透疎櫺。祇今糴貴民方困。何日風醇

報恩縣 東至慶尙道尙州界四十四里。南至沃川郡界二十六里。至青山縣界二十五里。西至懷仁縣界十四里。北至清州界二十八

里。距京都三百七十六里。

〔建置沿革〕本新羅三年山郡。景德王改三年。高麗改保齡。齡後轉為令。顯

宗九年。屬尙州。明宗二年。置監務。本朝太宗六年。以與保寧縣音相近。改今名。例為縣監。十三年。自慶尙道來隸本道。〔官員〕縣監

訓導 各一人。

〔郡名〕三年山 保齡 三山 保令

〔姓氏〕〔本縣〕金李孫朴崔 宋韓並來〔林堰〕洪石 方村

〔山川〕俗離山

在縣東四十四里。九峯突起。亦名九峯山。新羅時稱俗離岳。躋中祀。山頂有文藏臺。疊石天成。羸羸聳空。其高不知其幾丈。其廣可坐三千人。臺上有坎如鑊。其中有水混混。旱不縮雨不肥。分為三派。流注半空。一派東流為洛東江。一派南流為錦江。一派西流而北為達川。入于金遷。○山下有八橋九遙之號。山之兩岸。紆餘開豁。自此至彼。望之遙遙。疑其地盡。

而至則又望遙遙。如此九轉而乃抵于法住寺。故名九遙。九遙之中。一水廻環曲轉。每曲有橋摠八。故名八橋。第一橋曰水精橋。橋上有飛閣。入從閣中行。今則閣壞而橋存焉。僧信如留詩橋上曰。三清洞有九重遙。一帶溪流八處橋。橋下水明紅妬碧。滿山楓葉倚松梢。 含林山 在縣北十里。

峯山 在縣東四十三里。 蛇山 蛙山 鼠山 俱在縣內。 金積山 在縣南二十五里。 儉丹山 在北三十七里。清州界。百濟僧儉丹所居。故名。 烏頂山 在縣東五里。 熊峴 在縣北二十七里。 車衣峴 在縣西十五里。 龍川 在縣東二里。 屏風淵 在俗離山下。距縣東二十五里。

〔土產〕松葦 水鐵 出熊峴及車衣峴。 蜂蜜 海松子 羚羊 安息香 地黃 熊膽 石葦

〔樓亭〕三山樓 在客館北。 〔學校〕鄉校 在縣西一里。

〔驛院〕元岩驛

在縣南二十里，高麗恭愍王自福州幸清州，駐是驛。○李穡七老謙集詩序：古之君子相其君也，盡其義，故其君之所以禮貌者，極其豐，禮之豐，義之盡，志同氣合，蔚然而雲從龍，悠然而魚在水，及其老也，更休迭用，優游佚豫，於垂黃戴白之年，而未始以去位一日忘國家，有議則決，有難則赴，君臣之間，何其相得之深哉！予於元岩諸老謙集詩，蓋三嘆焉。上之南幸也，曲城府院君廉公悌臣、鐵城府院君李公岩、漆原府院君尹公桓、檜山府院君黃公石奇、唐城府院君洪公元哲、壽春君李公壽山、啓城君王公梓，實從之。上甚嘉之，所以待遇亦盡其禮貌焉。八月丙戌，行次元岩，丁亥，幸俗離寺，明日大雨，回至元岩，留十日。諸老既以佚豫自居，且樂其還都之近也，於是舉酒相屬，侑之以歌者，大將軍金何赤吹笛，將軍金斯革彈箏，蒼顏白髮，笑語酬酢，望之若神仙然，嗚呼，孰謂呻吟瘡痍之未幾，而昇平文彩之若是乎！諸老既老矣，然痛上不在扶蘇之陽，法宮之中，身率囊鞬，更直野次，風雨寒暑不易，百司庶僚，是則是效，各修厥職，無敢有缺，則其所以觀感人心，裨益國體於朝夕周旋之間者多矣。與坐廟堂出號令者，奚擇哉！彼柴桑竹林名教之罪人也，好事者，尙圖而歌之，矧元岩之盛集，爲國家之元氣者乎！但未知今世善畫者誰歟，善歌者又誰歟，若於圖也，雖欲執子弟之役，廁箏笛之列，已不得矣。至於歌詠，則非予不肖者倡之，而誰歟，試觀之，俗離之山，岩岩然屹屹然，峻極于天者。

非吾後生所當仰止者乎。諸老之風流文彩，雖與之爭高，可也。尙奚歌奚圖爲哉。○前人詩：玄陵南幸天涯回，元岩駐蹕山崔嵬，樹林掩映原野闢，甍廬中峙無纖埃。當時七老在左右，巍然碩德兼雄才，群情倚重似柱石，丹青煥赫梁棟材，欣欣喜色向松岳，汎掃陵廟眞時哉。樂矣飲酒聞弦歌，大平和氣方鼎來，檜山首題珠玉落，璀璨似向金盤堆。諸公奏和皆絕唱，益齋老筆輝三台。曲城用意何深長，圖形垂範如雲臺，牧童不在絲竹列，作序瓦缶鳴如雷。掛名圖後又非望，當世大手休相猜。大臣於國是元氣，流通血脈消禍胎，後人莫作繪事看，節義扶起三綱頽。況於子弟敢自棄，歸視鬱鬱庭中槐。○黃石奇詩：碧玉杯深美酒香，絃琴聲緩笛聲長，箇中又有歌喉細，七老相歡鬢似霜。○高麗尹澤詩：少年花下醉沉香，立進清平光焰長，潦倒如今看武庫，空餘紫電與清霜。○李巖詩：秋風輦路稻花香，當日憂民意自長，更對一尊祈聖壽，坐看鰲骨屢成霜。○李齊賢詩：爲愛黃花晚節香，舉盃相屬意深長，安危苦藥循環事，說與兒孫戒履霜。○廉悌臣詩：筆落珠璣字字香，遏雲歌裏引杯長，半酣更覺君恩重，坐到深更冷欲霜。含林驛 在含林山下。馬分院 在縣東一十三里。普通院 在縣東一十九里。王來院 在九峯山下，亦恭愍駐蹕之地。南院 在縣南一里。並院 在縣西七里。門羅院 在縣北十三里。柎院 在縣北一十七里。

佛宇俗離寺

在俗離山西。○金九容詩。達磨岩畔一燈明。開戶燒香思更清。獨坐夜深無夢寐。窓前流水雜松聲。法住寺在

離山。世傳新羅僧義信。以白驪馱經而來。始建此寺。聖德王重修。有石槽石橋。石瓮石鑊。寺中有珊瑚殿。金身丈六像。門前有鑄銅幢樣甚高。其一面刻云。統和二十四年造。又有高麗密直代言李叔琪所撰僧慈淨碑銘。○朴孝修詩。嗟峨四面碧芙蓉。長岬靈源第幾重。文藏臺封千古蘚。弓陀窟蔭萬株松。龍歸塔裏留真骨。驪臥岩前訪聖蹤。永福三韓誰是主。珊瑚殿上紫金容。○咸傳霖詩。雞園閑日月。鴈塔鎖雲烟。福泉寺在法住寺東七里許。寺之東有泉。自石縫偶入三清洞。都忘世事牽。瀉出以供齋廚之用。故名焉。○天順甲申歲。我世祖大王。駕幸俗離山。駐蹕于屏風淵。翌日自法住寺。幸是寺。周覽形勝。命扈駕文臣金守溫。記其事。

祠廟社稷壇

在縣西。文廟在鄉校。城隍祠在縣東二里。大自在天王祠在俗離山頂。其神。每

年十月寅日。下降于法住寺。山中人設樂迎神以祠之。留四十五日而還。厲壇在縣北。

古跡龜石

法住寺之西岑。有龜石。自然天成。其背可坐五十人。其頭昂然西。獨諺傳。中原術士來見曰。吾不知中原財帛日輸東土。誰之使然。

果此物也。乃斷其首而禳之。

馬峴薄石

在縣東十五里。峴上鋪薄石三四里。烏頂山城。諺傳。麗祖嘗幸俗離山時。所治御路。

在縣東五里。卽三年山城也。築之三年。訖功。故名。石築周三千六百九十九尺。高十八尺。內有五井。今半頽圯。○高麗太祖十一年。自將擊此城。不克。遂幸清州。山下有軍藏洞。世傳太祖屯兵之地。含林山城在縣北十里。石築周一千四百八十八尺。高六尺。內有大池。今頽圯。林堰部

或稱臨壇。在縣東二十里。

名宦新羅裂起

三年山郡太守。

寓居高麗韓有紋

我太宗同年進士。官至江原道觀察使。金沱再登第。累歷清要。官至清州牧使。

新增孝

子本朝莫同

私賤也。家嘗失火。母女俱在火中。莫同挺入負母而出。女死不顧。以活母爲喜。今上十四年。旌閭。

題詠山川髣髴武陵天

權軫詩云云。何沃壤連千畦。李孟昉詩。蓐食離懷。必更求蓬島仙。仁行穿山萬疊。忽此

見平野。曠然心已愜。銷宇正輪奐。群峯如拱揖。云云。民居得安業。又聞風俗淳。

招携相挈榼，恍若桃源遊。重來恐迷入，羅代三年城。當時幾相襲，麗季海寇繁。干戈久未戢，如今聖澤深。高枕送伏臘，持節復何爲。空自馳原隰。山遠翠烟浮。李正寧詩。庭空。幽峽多奇頻。

駐馬徐居正詩。青山兩岸夾江流。野渡歸來倚小舟。云云。斜陽自好更登樓。黃雲穠穠稻初熟。紅錦鸞零楓政愁。草草一身同泛梗。明朝又向嶺南遊。

永同縣東至黃澗縣界十六里。南至沃川郡界十五里。西至同郡界二十一里。北至青山縣界三十里。距京都四百十二里。

建置沿革本新羅吉同郡。景德王改今名。高麗成宗十四年。陞爲稽州刺史。穆宗八年。廢之。顯宗九年。屬尙州。明宗二年。置監務。六年。陞縣令。後復爲監務。尋罷之。本朝太宗十三年。例爲縣監。自

慶尙道來隸本道。官員縣監訓導各一人。

郡名吉同 稽州 永山 稽山

姓名本縣金申高吉任張楓谷公孫仰岩同。栗谷廉

形勝山水清奇尹祥與琴秉書。永山水清奇。詩助固多。

山川城隍山在縣北一里。鎮山。朴達山在縣北十四里。摩尼山在縣西十六里。又見沃川郡。南角山

在縣南。於里山在縣西十四里。箕山在縣南十里。砧山在縣南七里。龍淵在縣西十六里。洞口兩岸石壁削立。入二里許。二峯相峙。巖巒峻截。中有石白淵。之下流。停滯于此。深不可測。俗稱

妓淵。溢爲瀑布。飛流數百尺。下有深潭。高唐浦在縣西十五里。松川在朴達山下。深川在縣西十五里。東川在城東。

土產松茸 紫草 海松子 人參 五味子 蜂蜜

城郭邑城石築周二千四百尺。高七尺。內有二井。

烽燧朴達山烽燧東應黃澗縣所伊山。西應沃川郡利山。縣月伊山。

樓亭澄清亭在客館東。○權軫詩。眼前山水卽新屏。盡日吟詩放野情。自咲區區經國志。鬢絲常向鏡中驚。○徐居正詩。芙蓉山下鬱孤城。

一水潺潺鏡面清。怕有蛟龍泓下聽。題詩不敢語高聲。

學校鄉校在縣東二里。

〔驛院〕會同驛 在縣 城南 金連院 在縣東 六里 會德院 在縣西 一里 深川院 在深川岸 沙邑院

在縣東 十四里 米田院 在縣北二 十六里 乾行院 在縣西 十里

〔橋梁〕深川橋

〔佛宇〕摩尼寺 在摩尼山 赤化寺 在縣北二 十五里 朴達羅寺 在朴達山 龍化寺 在南角山

〔祠廟〕社稷壇 在縣西 文廟 在鄉校 城隍祠 在城內西 厲壇 在縣西

〔古跡〕楓谷部曲 在縣北二 十五里 仰岩部曲 栗谷所 俱在縣北 二十里 落花臺 在城西 諺

傳稽州時送別之地有妓與客惜別墮死後人因名焉 摩尼山城 又見沃川郡

〔名宦〕〔本朝〕琴柔

〔人物〕〔高麗〕張沈 登第官至政堂文學為人廉正忠肅王見譜留元五年未歸沈奮義忘身侍從有勞以功賜鐵券封永山君諡文顯

金吉元 本新羅大姓累世居縣而立 功於朝封永山君遂為土姓 〔本朝〕金守溫 登第參佐理功臣封永山府院君官至領中樞

府事文章雄深奇古 有拭疣集行于世 〔寓居〕〔本朝〕朴堧 登第官至中樞院事有孝行且精於鍾律 世宗制雅樂堧實主之 〔新

增〕〔孝子〕〔本朝〕蔡亨溫 年十一母為父所棄家貧拾橡實以供朝夕母死稱 貸以葬父嘗患淋吃之乃愈及歿廬墓啜粥三年今

上十三 年旌閭 〔烈女〕〔本朝〕鄭氏 閔普老之妻也夫死廬墓服闋 朝夕奠終身不廢事 聞旌閭

〔題詠〕遺民倘幸見昇平 李穀詩遇客母 稽山此日無知己 李邦直詩云云空 輕生喜怒云云 憶當年賀四明

黃澗縣 東至慶尙道金山郡界四十里北至同道尙州界十四里南至 永同縣界十六里西至同縣界二十里距京都四百七十二里

〔建置沿革〕本新羅召羅縣景德王改今名為永同郡領縣高麗顯 宗屬京山府後置監務恭愍王時還屬京山府恭讓王二年復置 監務本朝 太宗十三年隸本道十四年合青山為黃青縣十六 年各復舊例為縣監 〔官員〕縣監 訓導 各一 人

〔郡名〕召羅 黃青 黃溪

〔姓氏〕〔本縣〕韓甄郭沈全孫白來李金續〔金化〕林續

〔山川〕黃獄山

在縣南十五里，又見慶尙道金山郡。

白華山

在縣北十里，又見尙州中牟縣。

山羊岩

在長橋川西。

極樂

川在金化

石川在縣西四里，源出俗離山，至山羊岩與長橋川合流。

長橋川

在城南，或稱大川，源出茂朱都馬峴，與黃嶽山水合流。

〔土產〕松蕈

磁器

人蔘

茯苓

白花蛇

蜂蜜

石蕈

安

息香

辛甘菜

木賊

城郭〔邑〕城

石築周一千六百四十六尺，高七尺，內有一井。○李詹記：昔縣之木陞也，居民鮮少，松櫟攬天，最為幽邃，野獸橫恣，奸究劫掠，經由者作隊乃行。歲庚午，今公牧永州，李侯嘗以前三司左尹始監邑務，慨念民隱，專務興除，使戶口日增，田野日闢，害人者皆去，於是刊木伐石，乃城是城，不日功集，民保於城，城保於德，則李侯之功，尤有光矣。

〔烽燧〕訥伊項山烽燧

在縣東二十里，東應慶尙道金山郡高城山，西應所伊山。

所伊山烽燧

在縣東十三里。

東應訥伊項山，西應永同縣朴達山，北應慶尙道尙州中牟縣所山。

〔樓亭〕駕鶴樓

在客館南，為火所焚，成化丙午，縣監孫蕃重建。○李詹記：宜城西行者，數十里，然後脫險，今既因大丘而城，據大溪而隍，以域編民，可為完聚矣，然制度方新，公館隘湫，蓋增築之，為登覽之所，任暢鬱湮，迎清曠而虛己，以聽民也。河君曰：此邑治之幸，即役遊手者，取材近山，陶瓦農郊，不勞於輸挽，以癸未九月經始，至明年正月告成，廊廡堂室之輪奐，視其樓則翼如也，公再巡而登覽焉，大山長谷之雲月，荒墟野水之風烟，與夫川泳雲飛之妙，接於目而會于神，充然若有得也。公於是扁之曰：駕鶴，蓋取超鴻濛混希夷，托扶搖而羽化之意也。然此特公之寓言耳云云。○李原詩：結構凌空迥，來登盡日留。瓊

峯當檻秀，金澗抱村流。路出長林外，城臨大野頭。還疑仙境裏，駕鶴馭風遊。○柳士根詩：鶴背真仙境，壺中歲月留。柯從碁局爛，花逐洞門流。鳥沒長天外，雲寒古堞頭。寥寥千載後，多此踵來遊。新增曹偉重修記：黃之為邑，據巖嶺俯絕壁，東南衆壑之水，來繞其下，盤折而西，湍流激石，琴筑箏籟之音，不絕晝夜，縣之西五里許，有數峯斗起，闐然而上，中有青鶴窟，巖洞幽邃，烟霞縹緲，過之者疑非人寰中境界也。客館之隅，跨雉堞，臨蒼崖，舊有樓曰駕鶴，永樂年間，龜巖

南相公在揭扁也。後燬於火。與客館俱灰燼。只留殘礎者四十餘年。成化丙午。密陽孫侯蕃。以清雅通達之才。選入芸閣。以親老乞郡。宰是邑。甫下車。而紀綱一新。未閱歲。境內大治。乃謀吏民鳩集工徒。以重營廓宇。為己任。始事於己酉。八月。斷手於明年七月。首建正廳。次及翼室。翼室之東南。仍舊址。橫起樓三楹。因扁以駕鶴。雖葺榱相連。不別營建。而望之翼如。迎江山於欄楯之中。挹沆瀣於几席之上。凌虛架空。絕特之觀。寔冠於一道。登之者飄然如躡閬苑。而仍丹丘也。孫侯以樓之概。走書請記。余惟境不自勝。因人而勝。興廢遇合之數。豈偶然哉。自宇宙便有此江山。而必待具眼者。然後為能發揮而標名之。載諸文字。垂之無窮。使黃岡不遇坡公。赤壁何因而顯名。武夷不遇晦庵。雲谷何由而知名。雖然。坡公之筆力。晦庵之道學。未必無赤壁武夷之助也。則境與人之相遇。相資之益。為如何哉。今黃之溪山雲物。初遇於龜巖。再遇於孫侯。天不能秘。地不能藏。增益其清勝。開發其精彩。豈非千古之一幸。而侯簿書之暇。登臨舉目。青山自青。白雲自白。方寸之間。一塵不起。翛然忘世慮之紛糾。悠然觀道體之流行。學日進於高明。廣大之域矣。豈徒昌其文辭。助其謀慮而已耶。然則黃之幸也歟。侯之幸也歟。余困於塵中。南國之江山。係戀於懷者久矣。他日何事南歸。獲遊茲地。尚登樓一醉。續臨臯道士之夢。挹嶺子晉之袂。詠崔灑太白之詩。細討駕鶴之說。以償夙夕之志。○徐居正詩。黃州儘清絕。欲往更遲留。鶴去

樓仍在。山高水自流。俯看飛鳥背。直上巨鼇頭。袞袞登臨興。長歌賦遠遊。○李淑城詩。弱歲放浪此地遊。跳丸歲月經幾秋。舊樓槌碎今重修。功重使君古諸侯。激湍水聲亂驚湃。遠混陰壑響靈籟。試憑畫欄捲珠簾。萬像森羅騁目外。坐待一更山月吐。蟾影婆娑仍媚嫵。以手弄之清可掬。足躡銀橋何須數。俛仰宇宙直窮搜。崔灑已去挽難留。霜枯芳草不復萋。只有歷歷晴川流。笛吹何處徹寥廓。惹起客愁雲漠漠。壁間詩句更起予。欲和高吟頭側鶴。○地古雲猶在。樓空鶴不留。登臨生浩歎。徒倚俯長流。山遠疑天日。城高是石頭。雪窓風竹響。如助客清遊。○崔淑生詩。黃鶴去不返。白雲今尚留。登臨連碧落。嘯詠幾清流。溪折自分股。山橫爭舉頭。慙慙題一句。他日憶茲遊。○地設茲樓勝。天教我輩留。山分朝暮態。水帶古今流。飛鳥時看背。脩篁只見頭。庭閑公事少。徒倚當春遊。

〔學校〕鄉校 在縣東 二里。

〔驛院〕新興驛

在縣西三里。○李邦直詩。此地經過三十春。江山如舊吏民新。東迎西送連朝暮。不識當年按轡人。李申院 在縣西

西三 里。徐松院 在縣南 九里。

朴車院 在金花 部曲。茲川院 在縣南 十里。梨峴院 在縣西 二十里。板

草院 在縣東 三十里。

〔佛宇〕深妙寺

寺有八景。使君峰、月留峰、山羊壁、卽山羊巖、龍淵洞、冷泉亭、花獻岳、青鶴窟、法尊岩、般若寺。俱在白乾

川寺 雙林寺 大平寺 俱在黃嶽山。

〔祠廟〕社稷壇

在縣西。文廟 在鄉校。城隍祠 在縣東一里。厲壇 在縣北。

〔古跡〕金化部曲

在縣東三十八里。舊屬金山。後移屬京山府。恭讓王二年來屬。

〔名宦〕本朝〕尹祥

河澹 李約東 政尙清簡。

〔新增〕孝子〕本朝〕梅漢孫

父得惡疾。斷指和藥以進。病愈。今上十四年。旌闈。

〔題詠〕石田灌水是農場

李詹詩。終日鳴琴不下堂。云云。列嶂撐雲聳 高麗李知命詩。云。清川激石流。

粉蝶枕寒流

盧叔全詩。朱薨臨絕壁。云云。犢眠青草岸 尹子雲詩。云云。茅店依山足

成允文詩。云云。孤城枕石頭。

青山縣

東至慶尙道尙州界二十四里。南至永同縣界十三里。西至沃川郡界二十里。北至報恩縣界二十一里。距京都四百二十三里。

〔建置沿革〕本新羅屈山縣。一云

景德王改耆山。爲三年郡領縣。高麗初。改今名。屬尙州。恭讓王二年。置監務。後復屬尙州。本朝 太

宗三年。復置監務。十三年。隸本道。十四年。合于黃澗。十六年。各復

舊例。爲縣監。屬縣〕酒城部曲

在縣北九十里。越入報恩縣北村。本屬尙州。高麗恭讓王二年。本縣置監務。以地小

故割之。來屬。〔官員〕縣監 訓導 各一人。

〔郡名〕屈山 揆山 耆山

〔姓氏〕本縣〕金朴張邵 一作鄭。沈李孫〔酒城〕洪方 村。金續〔界銀川〕安 居

同宋續

〔山川〕己城山

在縣西八里。鎮山。德義山 在縣北五里。千菴山 在縣東十五里。道家山 在縣西十一里。

文殊山

兗率山

俱在縣西十九里

南川

在縣南二里出報恩縣俗離山

〔土產〕綠礬

出甫里石窟

海松子

紫草

蜂蜜

人蔘

茯苓

安息香

〔城郭〕己城山城

在縣西八里石築周二千九十一尺高八尺內有一井有軍倉

〔樓亭〕白雲亭

在客館北○金守溫記吾鄉去青山僅十餘里而余之往來也必由其亭下故夫人之來監縣務者吾未有不面焉以交今年夏崔君觀政于青適及二稔折書于乖崖子曰今改東軒上小亭公所曾上處也蓋名亭而記其義使兩縣子弟誦之乎余復之曰名君之亭必用字牧之意夫字民牧民乃君夙夜心于是而期於實效將以應監司將以承聖化則君於字牧必飭之矣欲以甘澹泊守清素以礪廉耻則一介取與尙不敢苟焉而冰蘖之操君所裕爲也亭臨廣野近帶大川攀明月而抱清風以騁眺望者固斯亭之景也取以名亭似矣而然亦非亭之大者也夫縣號青山若名亭不以白雲而取他義非博物君子也何則青山未有無白雲白雲未有無青山古人之詩曰青山青青白雲白白雲白青山中此之謂也縣在高山巨水之間重峰疊嶂鬱鬱蒼蒼君若晨上斯亭之上衡盱而望白雲油然而生空濛然靉靄

然須臾如白衣須臾如蒼狗其出也無心其行也無迹青山愈青白雲益白情境陶陶有不可名言者矣世有愛青山白雲者傳神於屏障者矣君以宰青山而上白雲亭君豈非活畫中一箇儒仙也耶余以老病五六度上箋乞骸倘蒙上恩許歸桑梓得與君一酌於斯亭之上蒼顏黃髮尤有宜於青山白雲也

〔學校〕鄉校

在縣西二里

〔驛院〕吾昆院

在縣西八里

銀川院

在縣西十九里

酒城院

在縣北七十二里

〔佛宇〕清涼寺

在干苞山

須彌寺

在道家山

新岩寺

文殊寺

俱在文殊山

忘日庵

在德義山

〔祠廟〕社稷壇

在縣西

文廟

在鄉校

城隍祠

在縣東二里

厲壇

在縣北

古跡界銀川所

居尔所

猪岾古城

在縣西九里石築周二千五十七尺內有一井今廢

〔新增〕孝子〔本朝〕鄭同

私賤也早喪母其父娶後妻鄭同盡心奉養父死終喪三年事繼母益謹今上十二年旌閭

新增東國輿地勝覽卷之十六終

新增東國輿地勝覽卷之十七

公州牧

東至懷德縣界六十九里。至鎮岑縣界六十四里。南至扶餘縣界四十九里。至尼山縣界四十三里。至連山縣界五十三里。至全羅道珍山郡界八十里。西至大興縣界六十九里。北至天安郡界五十七里。至燕岐縣界二十七里。距京都三百二十三里。

〔建置沿革〕本百濟熊川。文周王自北漢山城徙都之。至聖王。移南扶餘。唐高宗遣蘇定方。與新羅金庾信。攻滅百濟。置熊津都督府。留兵鎮之。唐師既去。新羅盡有其地。神文王改爲熊川州。置都督。景德王改熊州。高麗太祖三十三年。改今名。成宗二年。置牧。十四年。置節度使。稱安節軍。屬河南道。顯宗三年。廢節度使。九年。降知州事。忠惠王後二年。以元朝平章濶濶赤妻敬和翁主外鄉。陞爲牧。本朝因之。世祖朝。置鎮。屬縣。儒城縣。

景德王。改今名。爲比豐郡領縣。高麗時來屬。本朝因之。

〔鎮管〕郡一 林川 縣十 全義。定山。恩津。懷德。鎮。韓山。峯。連山。尼山。扶餘。石城。

〔官員〕牧使 判官 教授 各一人。

〔郡名〕熊川 熊津 懷道 安節軍

〔姓氏〕本州李鄭宋朴黃高任 黃白河 並唐投村 玄崔 並驛 〔儒城〕李

任田朱俞米〔德津〕高玄徐陳吳〔新豐〕崔白朴申 玄村 〔良化〕池宋

〔亂釜〕貴知 〔甲村〕朱 福水村 〔撲山〕黃 金生

〔風俗〕男好箏笛。女好歌舞。 新羅文武王時。唐劉仁軌。既破百濟。留鎮熊津府城。唐樂工亦隨之。王命星川丘日等三十八

人。往學唐樂。自後州人善音樂。

〔形勝〕熊川連海。雞岳柱天。 李益 雞龍爲鎮。熊津爲襟帶。徐居正聚遠樓記。

〔山川〕雞龍山 在州東四十里。又見連山縣。 公山 在州北二里。鎮山。山形如公字故名。 茂城山 在州西三十二里。

月城山 在州東五里。 舟尾山 在州南五里。 艇止山 在州西北五里。 鳳凰山 在州西三里。 余美山

在州西 母岳山 在州北十里。 油帖山 在州西三十里。 炭峴 在州南三十里。 古火帖 在州西四十五里。

慈乙每山 在州西二十里。車踰峴 在州西三十五里。於乙溫峴 在州西三十五里。狄踰峴 在州西

東二十里。板峴 在州東南三十一里。車峴 在州西北五十七里。○高麗太祖訓要云。車峴以南。公州江外山形地勢。並趨背逆者。即是。馬

峴 火峴 皆在州東二十五里。加文峴 在州北八十四里。溫陽地界。陵峴 在州東五里。有古陵基。故名。諺傳百濟王陵。

沙工巖 在州南三里。俗云州勢行舟。故以舟尾艇止沙工名之。東月明臺 在州北一里。西月明臺 在州西二里。

潛淵 在雞龍山下。兩峯飭呀。中有大石成穴。如龜形。其廣可三十餘尺。中有水。其深無底。人以木石填之。翌日皆出淵下。俗云常有龍乘雲氣出入。遇旱

禱雨。輒有應。錦江 在州東五里。即赤登津下流。詳見沃川郡。○高麗鄭地。熊津渡 在州西七里。赤登津下流。高麗顯宗。避契丹南奔。節度使金殷甫等。迎于是津。

御札賦詩云。曾聞南地在公州。仙境玲瓏永未休。到此心情歡樂處。群臣共會放千愁。宋史云。契丹執康兆誅之。王詢出奔平州者。即此。○康好文詩。江水茫茫入海流。青山影裏一扁舟。百年南北人多事。只有沙鷗得自由。○鄭樞詩。完

山迢遞道阻長。熊川蕩瀟雲蒼茫。揭其淺兮石齧足。厲其深兮水漸裳。漁翁借

我沙棠舟。桂為櫂兮蘭為槳。回看出日泛中流。俄然已曩西岸傍。我行登岸嘶馬去。翁即扣柁歌滄浪。翁乎吾道比汝楫。用則行兮舍則藏。陰巖津 在州北四里。紙洞津 在州東三十一里。赤登下流。

今尙津 在州南十五里。三岐江 詳見獨樂亭記。銅川 在州西二十里。源出加日新

北川 在州北十里。源出雙嶺。南流入熊津上。柳浦川 在儒城縣東二十里。源出全羅道珍山縣地界。省川 在儒城縣

出連山珍山二縣地界。合流經鎮岑縣。至儒城縣東為省川。大田川 在儒城縣東二十五里。源出全羅道錦山之甲。溫泉 在儒城縣東三里。我太祖卜宅于雞龍山。太宗講武于任實之時。浴于此。

〔土產〕水鐵 俱出。銅鐵 俱出。海松子 訥魚 蟹

〔城郭〕公山城 在州北二里。石築周四千八百五十尺。高十尺。中有井三池一。又有軍倉。○諺傳。此即百濟時古城。新羅金憲昌所據之地。○

新羅崔致遠詩。襟帶江山似畫成。可憐今日靜消兵。陰風忽捲驚濤起。猶想當時戰鼓聲。

東國輿地勝覽十七

一二九

〔烽燧〕月城山烽燧

南應尼山縣城山。北應高燈山。

高燈山烽燧

在州北三十里。南應月城山。北應雙嶺。雙

嶺烽燧

在州北五十里。南應高燈山。北應天安郡大鶴山。

〔樓亭〕聚遠樓

在客館東。古之觀政亭也。亭在蓮池中。牧使權體撤亭為樓。後舊有芙蓉池。幾一二畝。今副留後永嘉權氏湛嘗出守于茲。而構草亭於池心。越乙未春。牧使李公通判柳君因舊而增修。開廣舊池。疊石其中。崇袤其基。築亭其上。加以黜堊。望之翼如也。且引小溪流入于池。泓澄淳溜。深至四尺。柳風荷月。苞竹嘉卉。清爽醲郁。左盤右紆。城郭山川。坐對几席。實可謂一邑佳境也。李使君具其奇勝。請名與記。予讀其書。而知斯亭之勝。思得一從遊於其中。俯臨池水。蕩滌襟懷。邈不可得。竊取老杜池水觀為政之詩。命之曰觀政亭。蓋君子觀於物。而知道之無所不在也。為政而可觀法者。孰有愈於池水哉。夫池水之鍾也。觀其清而不撓。平而不溢。能容而有納。汙之量。流惡不畜。澤物於無窮。則政亦幾在是矣。言亭之所以為美。而喻之於為政者。蓋善觀池者也。况守令之職。親民者也。必以澤民為心。澤民之政。不一端。而要在於禮。王人謹朝章。仗節剖符。登臨是亭者。不特忘其執掌之勞。而亦有以觀池水施政教。則斯亭

之作。其又不關於民歟。李公諱貞幹。柳君諱之禮。觀是舉。其為政從可知矣。○徐居正記。峴以南。山川淑氣。扶輿磅礴。為鉅州者。惟公為第一。蓋長白一脈。傍海而南。至鷄林。為圓寂山。西折遇熊津。縮為巨岳者。曰鷄龍山也。水發龍潭。茂朱二縣。合湊于錦。過永沃。清三州。至于公為錦江。折而為泗泚。瀾漫透迤。入于海者。曰熊津。公為州。以鷄龍為鎮。熊津為襟帶。其為勝可知也已。居正少遊公城。登錦江樓。眺覽之富。實愜前聞矣。而但距州尚遠。非跬步可致。州之客館。湫隘。又無樓觀可登。使人悶悶然。客館東有蓮亭。數楹。小可夷猶矣。而規模狹陋。不足快於心。予以是為一州之大欠。往者吾族姪花山權公體。出牧于州。人有語予者曰。權公撤蓮亭。構于其東。事垂訖。而適歲歉。未及落成。歲癸巳。南陽洪嘉善錫為判牧。政修弊祛。更卜地東軒之東。移其樓。改構若干楹。使華賓客之戾至。輒登臨觴咏。州之雲物精彩。百倍於前矣。侯今介禮賓寺正金公首孫。求名與記。予曰。樓之勝非一二。而若勝於聚遠。蓋遠取諸勝。而聚之一樓也。登樓以望。則左右前後。映帶湖山。凡上下數百里之間。田野之繇曠也。閭閻之比錯也。津梁跋涉之險難也。院宇行旅之間關也。耕者蠶者。樵者牧者。畋漁者。販鬻者。人之生育。往復者。無窮。至如朝陽夕陰。四時相禪。雨露霜雪之變遷也。草木花卉之榮悴也。自飛自鳴。自形自色。固於形氣之中者。氣象不同。一舉目而盡得之矣。嗚呼。何其遠之聚于樓如是也哉。登覽之勝。又可既乎。然樓觀之設。非

直為遊玩而已。使登斯樓者。望田野則思稼穡之艱難。望閭閻則知民生之疾苦。望梁津曰何以利涉。巨川也。望行旅曰何以願出於野也。見窮民生業之一者。則思所以肉骨而煖寒。以至山川草木鳥獸魚鼈。若不思所以抵若焉。於是遠取於物。而聚之樓。而聚之心。此心常為之主。而觸於耳目者。不足以攬吾之心。則於名樓之義。庶或近之矣。而於牧民者之責。亦不遠矣。予與洪侯。有雅好之篤。且予前日有欠於州者。侯能舉而張皇之。予可無言乎哉。侯嘗牧廣州。有惠政。至今民思之如父母。侯能移其理於公。公其有不理者乎。侯將秩滿而還。侯雖去而不去者。樓也。然則公民之思。錦江樓。在錦江南岸。○鄭道傳詩。樓如甘棠之思。召公又何疑也。是可書已。君不見賈傅投書湘水流。翰林醉賦黃鶴樓。生前轍軻無足憂。逸氣凜凜橫千秋。又不見病夫三年滯炎州。歸來又到錦江頭。但見江水去悠悠。那知歲月亦不留。此身已與秋雲浮。功名富貴復何求。感今思古一長吁。歌聲激裂風颼颼。忽有飛來雙白鷗。○朴彭年詩。洞庭奚獨擅。江南錦水奇。觀世共談。送客江頭浮。綵鷁濯纓洲。上掛青衫。波含萬古孤輪月。山帶千秋一片嵐。此是海東佳麗地。征人遊賞幾停驂。○李承召詩。錦江春水碧於苔。挾岸青山卷畫開。涉草滿汀青一抹。楊花糝逕白千堆。夕陽古渡人爭涉。細雨空濛鴈獨來。望北樓。城北門樓。元帥臺。在州西。○李翺騎忙忙歸去急。白鷗波上也相猜。

凝碧堂 在聚遠樓傍。

學校 在州西三里。西有古陵基。學校 在州西三里。西有古陵基。學校 在州西三里。西有古陵基。

驛院 日新院 在州北十里。廣程驛 在州北四十五里。○楔長壽詩。初旭團團發。點春光。敬天驛 在州南四十里。利仁驛 在州南二十五里。○丞本道屬驛。

靈榆 在州西。維鳩驛 在新豐西八里。○補閑集。毅王近聲色好遊。丞一人。丹平驛 在州西十七里。豫文克謙。為正言。上疏切諫。不從。謙遂還家。

作詩云。朱雲折檻非干譽。袁盎當車豈為身。一片丹誠天未照。強鞭羸馬退遼巡。及庚寅秋。武臣構亂。乘輿南遷。癸巳冬。新脩是驛。請工施壁。彩工當時妙手。姓朴亡名。寢宇西壁間。畫一白衣着笠乘馬者。緣山路信轡徐驅。物色凄然。行人見之。皆不知是何圖。後松廣社無右子。領道侶千餘人。赴西原抵宿。此驛見之。咨嗟良久曰。此是諫臣去國圖。乃題詩曰。壁上何人畫此圖。諫臣去國事幾平。山僧一見尚悵悵。何況當塗士大夫。後有一過客。次韻書壁。其一詩。曲突前言不早圖。焦頭後悔可追乎。何人畫此諫臣去。滿壁清風激懦夫。其一詩。白衣

黃帶諫臣圖。是屈原乎微子乎。未正君非空去國。不須毫底費功夫。普通院。在州東三里。卽古之迎春亭。○僧淵鑑記。大州府必有迎春亭。歲冬後九五。三陽肇啓。萬物萌動。謂之立春。先時州若府。命具土牛。泊金木田器若干。蔬果酒饌。祀奠物若干。主事吏執牘而監之。似莫敢不備。然後守與倅。率群長吏群將卒。出東郊。各以弁服將事。所以奉社稷習稼穡。至於歛入會計。施惠行慶。一歲之務。既陳乃已。則非于亭莫宜也。大州府。又必有迎賓亭。如按部如察訪。小大使之往來也。必命群將卒。群長吏。執旂纛。具冠帶。使先迓于遠壙。倅與守率僚佐。亦以鞞袴奉謁狀。相次候於近垆。修容展禮。肅恭敦謹。睦主客之儀。叙尊卑之位。以迎且送之。則抑惟亭是賴焉。今公州古節度府也。龍山巽起。熊水坤抱。后土孕靈秀。更代而大振。州治東二百武。有廢地。傳云古迎春亭也。礎砌壞圯。薪蒸翳蔽。歷太守千石。莫克構立。司設令驪興。閔祥伯。刺是州。年未期。職修治成。庶政有餘暇。公乃分牒聯屬。聚工徵役。將使州治之館舍庫廩。庠塾寺院。亭觀之猥陋廢亡者。靡不革復之。公之言曰。顧員位居牧人之長。帶勸農之職。示民播藝之教。不可忽也。又州治在二道要衝。實一方繁會。候賓餞勞之禮。抑所重也。夫東亭二事之所由行也。此莫急焉。亟宇之繇。茲享於是。胥徒盡心。備夫畢力。集不待琴鼓之召。勤不煩繩杖之督。流材于上游。陶埴于東阜。而曉夕親臨之。前指後畫。損益廣袤。以面勢之。東偏而建賓樓。南嚮而崇主宇。

西序南廡共十四間。更衣之須。設食之所。冬以煖室。夏以涼廳。已乃版築之塹。塹之丹雘之。其制之不擲不隘。其飭之不陋不盈。夷庭層梯行廊步道上。可以行乎禮。下可以趨乎事。亭既成。有道過亭下者。因徘徊歎賞。謳吟而歸。其辭曰。公治于公公乃盛。公民德公競。謠詠公勸。民農遂民性。公迎王使勤王命。見公之亭識公政。公之政以亭爲鏡。○金克己詩。南征北邁送迎地。一簇危亭臨路岐。湖光淨鋪碧玉簾。柳色輕拂黃金絲。村棹響來起鷄鴨。野烟低處迷鷺鷥。嗟予區區迫歲貢。不見爛熳鸞花時。

錦江院

在錦江北岸。

歡喜院

在州南三十五里。

要光院

在州南三十里。

毛老

院 在州北二

弓院 在州北

仁濟院 在州北五

熊津院 在熊

公西院 在州西

公西院 在州西

公西院 在州西

公西院 在州西

里。 般若院 在州西四

古館院 在州西六

公濟院 在州北二

內倉院 在州西

內倉院 在州西

內倉院 在州西

內倉院 在州西

內倉院 在州西

里。 廣道院 在州東五

佛峴院 在州東八

孝家里院 在州東十里。

孝家里院 在州東十里。

孝家里院 在州東十里。

孝家里院 在州東十里。

孝家里院 在州東十里。

孝家里院 在州東十里。

古碣夕陽紅。割髀孝子今何在。夜夜銀蟾落鏡中。○一道澄江浸碧空。兩山紅樹戰金風。孝家院落知何處。鳥沒秋光沈碣中。

佛宇鷄龍岬寺

藤蘿寺

迦葉菴

徐居正記略曰。山之頂出泉。常見躍金色。下有龍潭。黝碧可愕。山之

陰安育王塔。其陽鬱葱有王都氣。其他名菴巨栗寺。中心寺。東學寺。刹皆據山之勝境。直南嶺古菴下有菴曰迦葉。

上院寺俱在鷄龍山。盤龍寺。麻谷寺俱在茂城山。水原寺在月城山。東穴寺在東穴山。西

穴寺在望月山。舟尾寺在舟尾山。艇止寺在艇止山。

〔祠廟〕社稷壇在州西。文廟在鄉校。城隍祠在公山。鷄龍山祠在鷄龍山南。新羅擬五岳載中祀本

朝以名山為小祀。每春秋降香祝以祭。熊津祠在熊津南岸。新羅載西瀆。本朝為南瀆。載中祀。春秋降香祝致祭。厲壇在州北。

〔古跡〕熊津都督府大明一統志云。熊津在故百濟海口。唐置都督府於此。唐高宗遣蘇定方討平百濟。以左衛郎將王文度為

熊津都督。撫其餘衆。文度濟海而卒。詔以劉仁執代領其衆。百濟之地。兵火之餘。比屋凋殘。僵屍如莽。仁執始命瘞骸骨。籍戶口。理村聚署官長。通道途立橋梁。補堤堰復陂塘。課農桑賑貧乏。養孤老。立

唐社稷。頒正朔及廟諱。民皆悅。各安其所。德津廢縣在州東五十里。本百濟所比浦縣。新羅改赤烏為比豐郡。領縣高麗。新豐廢縣在州西三十里。本百濟伐音支縣。一云改今名來屬。本朝因之。武夫縣。新羅改清音。為熊州領縣。高麗

初改今名仍屬本朝。因之。古儒城在儒城縣東四里。廣道院傍。客舍鄉校倉庫基址尚存。就利山在州北六里。新羅文武王與勅使劉

仁願。熊津都督扶餘隆。同盟于熊津之就利山。其誓詞曰。往者百濟先王。迷於逆順。不敦鄰好。不睦親姻。結托高勾麗。交通倭國。其為殘暴。侵削新羅。剽邑屠城。略無寧歲。天子憫一物之失所。憐百姓之無辜。頻命行人。諭以和會。負險恃遠。侮慢天經。皇赫斯怒。龔行吊伐。旌旗所指。一戎大定。固可瀦宮污宅。作誠來

裔。拔本塞源。垂訓後昆。然懷柔伐叛。前王之令典。興亡繼絕。往哲之通規。事必師古。傳諸曩冊。故立前百濟大司稼正卿扶餘隆。為熊津都督。守其祭祀。保其桑梓。依倚新羅。長為與國。各除宿憾。結好和親。各承詔命。永為藩服。仍遣使人

右威衛將軍魯城縣公劉仁願。親臨勸諭。寔宣成旨。約之以婚姻。申之以盟誓。刑牲歃血。其敦終始。分災恤患。恩若兄弟。祇奉綸音。不敢失墜。既盟之後。共保

歲寒。若有背盟。二三其德。興兵動衆。侵犯邊陲。明神監之。百殃是降。子孫不育。社稷無守。禋祀磨滅。罔有遺餘。故作金書鐵卷。藏之宗廟。子孫萬代。無敢違犯。

神之聽之。是饗是福。仁執之辭也。歃訖埋。孝家里在州東十里。向德。新羅時人。性孝順。為時所稱。時年荒。民

牲幣於壇之壬地。藏其書於新羅宗廟。飢加以疫癘。父母飢且病。濱死。向德日夜不解衣。盡誠安慰。無以為養。乃割髀

肉以食之。母發癰。向德吮之。皆致平安。事聞。王下教賜租三百斛。宅一區。口分

東國輿地勝覽十七

田若干。命有司立石紀事。

獨樂亭

在州東三十里三岐村。○南秀文記。前襄陽都護林侯。早以政事蜚英中外。昔先君牧咸州。侯爲通判。先禋甚密。余故父事侯有年。一日語余曰。吾家世居公之錦江上游。慶尙全羅忠清之江。至此合流。故名其地曰三岐。所居南五里許。有斷山自北而南行。可二里許。峙爲小峯。脩篁茂松。葱蘢可愛。三江蜿蜒自東。蛇繞其下。吾嘗過而異之。試一登焉。北瞻元帥山。環如城郭。南望雞籠山。拔出霄漢。其東西諸山。或朝或揖。賈奇獻異者不一狀。而村墟野隴。碁布遐邇。吾樂其奇勝。悼前之遺。遂於峯之左。築別業亭其上。於是江之平沙漫流。天水一色。風而綠皺。月而銀波。以至檣帆魚鳥之往來浮沉。皆出屢寫之下。山之層巒疊嶂。巨麓長林。邇延野綠。遠混天碧。與夫雲烟之變于朝暮者。皆對几案之上。至若耕牧漁樵。歌謳相答。遊人行旅。僂僂絡繹。於四野者。亦可坐而觀也。吾今休官而歸。幅巾藜杖。日登斯亭。心意俱閑。身世兩忘。獨釣于江。獨探于山。春朝之花。秋宵之月。吾獨咏之以爲樂。雲峯之奇。松雪之清。吾獨觀之以爲樂。凡物化之可樂者。吾獨而專之。洋洋乎若蟬蛻污濁。遊於物外。四時之景不同。而吾之樂獨無窮焉。敢竊涑水園名。獨樂二字。以扁吾亭。似爲僭矣。然彼之所樂者。理也。吾之所樂者。物也。無嫌於同。請子記之。余於侯。不可以文拙辭。昔吾夫子嘗曰。飲水枕肱。樂在其中。又稱顏子簞瓢陋巷。不改其樂。其所以樂。則未嘗言。而二程

乃令學者。尋孔顏所樂何事。亦引而不發。今侯乃獨樂其亭。而徵余言。夫旣曰獨樂。則尤非他人之所得知。矧余雖讀聖賢之書。其所謂樂者。謾不知何說。敢記侯之亭哉。雖然。其言曰。彼所樂者。理。吾所樂者。物。余聞理外無物。物外無理。天地之所以高深。山川之所以流峙。魚鳶之所以飛躍。草木之所以榮悴。與物乎目耳者。何莫非至理之所著者也。是則由侯之樂。可以尋聖賢之樂。豈徒玩其景槩哉。且余竊觀今世士大夫。雖有田園。可以自適者。然皆爲名韁所係。着馳東鶩。西無已時。至有終身不歸其鄉者。間有歸者。亦不過執牙籌計錢穀。得不勞苦其形者乎。惟侯位不滿德。年未至暮。乃能謝榮宦。脫世累。自逍遙於山水間者如此。獨樂之扁。不亦宜乎。之亭也。直與涑水之園。儷美於不朽也無疑矣。司馬公負天下之望。故竟不得優游洛中。今侯亦負一時之望。則得以久擅斯樂乎。未也。若余竊位于朝。無補於世。奔走夙夜。而猶不知止。能無愧乎。安得掛冠。從侯於茲亭。誦涑水之記。咏坡仙之詩。而一窺其所樂之高趣乎。〔新增〕徐居正詩。少年聲價孰如君。脚底平看萬里雲。暫屈朝班還舊隱。更從榮宦策高勳。功名造物真如戲。出處男兒未易論。却恐鳴騶催上道。北山猿鶴更移文。○名園並壓錦江低。我昔相尋路自迷。何氏林亭知最勝。杜陵桐葉不曾題。膏車恨未從盤谷。雪艇終須訪剡溪。莫遣藏湍仍歛霧。似聞桃李已成蹊。

按舞亭

在錦江下。距州二里。昔按廉登眺。酒酣不覺醉舞。仍號亭曰按舞亭。

廢已久。後有州守欲重修之。為監司所譴不果。時人笑曰。前有醉舞按廉。後有醒吟監司。○徐居正詩。按舞亭前江山好。按舞亭中風月老。當時按廉真豪英。酒酣起舞玉山倒。風流跌宕天下先。盛名自與亭相傳。後來奉使何索寞。江山風月閑多年。我聞錦江賢主人。改構雲物猶精神。殺此風景是何者。白頭監司真惡賓。昔人欲槌黃鶴樓。黃鶴一怒天公羞。樓可槌兮。江山風月不可槌。至今千載笑不休。君不見昔時按舞亭。黃金美酒白玉瓶。皓齒歌細腰舞。客亦婆娑雙袖輕。又不見今時按舞亭。寒叢敗葉潮滿汀。禽鳥歌蛟龍舞。遠山為學蛾眉青。古人今人不同時。醉舞醒吟誰得之。
亭止房 在錦江邊。距州三里。○高麗權人。生自可行樂耳。此外餘事都不知。適詩。半年塵土負青山。蕭寺偷乘一日閑。始見黃花知令節。更驚紅葉照衰顏。天圍大野蒼茫外。舟在清江寂寞間。賴有上房沽酒引。淡烟斜日未能還。
鳴鶴所 在儒城縣。麗明宗六年。鳴鶴所人亡伊。嘯聚黨與。攻陷本州。朝廷。清流部曲。在州東四十里。今稱仇乙。陞其所為忠順縣。置令尉以撫之。後降而復叛。尋削之。
村 在州東。四十里。**亂釜部曲** 在州西四十里。有**里仁部曲** 在利仁驛。**美化部曲** 在儒城縣東。南二十八里。**貴智部曲** 在州南二十九里。**今丹所** 在州南二十里。**甲村所** 在儒城縣北十里。

村介所 福水所 俱在儒城縣 東二十三里 **撲山所** 在德津縣 東五里 **金生所** 在德津縣 東七里 **古**

曹山 在州東五十里。諺傳古縣基。未知何縣。**里仁山城** 在州南二十里。石築周一千五十尺。內有一井。今廢。**良化山城** 在州南四十里。石築周一千十三尺。內有一井。今廢。**新豐山城** 在新豐縣南三里。石築周七百一尺。今廢。**儒城山城** 在儒城縣東五里。石築周六百八十尺。內有一井。今廢。**德津山城** 在德津縣南一里。石築周七百六十七尺。內有一井。今廢。

〔名宦〕〔新羅〕韓恕意 唐天寶間。為熊川助教。撰州人番古墓碑。至今在孝家里。**〔高麗〕金殷傅** 顯宗時。為使。王避契丹南行。殷傅備禮郊迎。曰。豈意聖上。跋涉山川。凌冒霜雪。至於此極。獻衣帶土物。王至巴山驛。吏皆遁。御厨闕膳。殷傅又進膳羞。分供朝夕。及丹兵退。王還次公州。殷傅使長女製御衣。以進。因納之。是為元成王后。**宋子浩** 為判官。與倭戰死。○權近詩。狷狷赴敵。即捐生。予奪蒼天遠。忠誠白日明。我聞肝肺熱。悒悒不能平。**李伯謙** 忠烈王朝。為副使。勸課農桑。民以富饒。**沈湯** 忠烈王使。有長城縣女言。錦城大王降我云。汝不為錦城堂巫。必殺爾父母。我懼而從。

之女又與同縣人孔允丘通。作神語曰：我將往上國，必伴孔允丘行。羅州官給傳馬。一日郵吏急報都兵馬使曰：錦城大王來矣。使驚怪，有羅人仕于朝者，具神異諷王。議欲迎待。所過州縣守，皆公服郊迎，厨傳惟謹。至州，謁不待，巫怒傳神語曰：我必禍謁，退寓日新驛。夜，謁使人覘之，女與允丘宿，遂捕鞠之，俱伏。

陳漢 以右司諫出知州事卒于官。崔宰 恭愍王朝出牧。田

濡 爲判官。[本朝]孟思誠 有政聲。爲一道最。黃自厚 李貞幹 權湛 李石亨

李明晨 李英耆 咸禹治

[人物]本朝李明德 登第官至判中樞院事。諡恭肅。[孝子]新羅向德 詳古跡下。[高麗]李福州

李長生 姜成 郎將。並以孝子旌門。[烈女]高麗高氏 縣監鄭自求妻。旌門。[新增]本朝高氏

梁漢弼妻也。夫被罪死。高氏坐屬於官。有州奴欲汚之。遂縊死。今 上十八年。

旌金氏 張曾文妻也。夫出獨處。有隣人夜入其室欲汚之。抽閹。刃劫之。逼身刺傷。竟不從。今 上二十三年。旌閹。

題詠雪晴江路馬遲遲 高麗田濡詩。公事如雲鬢欲絲。云云。吏人不識憂民意。誤道溪山覓好詩。籬落荒畦

一逕微 鄭樞詩。黃雲漠漠雪霏霏。云云。飲馬亂松陂底水。搖鞭閑繞白沙歸。翠巘帶雲連粉堞 金休詩。云云。丹霞和鶴落

蒼洲江流清似使君心 李詹詩。山色翠於官妓黛。云云。一抹熊江青繞地 南秀文詩。云云。千籠老樹分官道。草

遠長堤護水田。[十景]止詩。錦江春遊 濯錦江邊天地春。二月三月天氣新。玉壺沽酒尋芳菲。遲日暖風惱殺人。

晴江新漲金葡萄。蘭橈隨意移畫舸。月城秋興 秋風嫋嫋江自波。山南山北杏花疎影醉扶歸。玉笛一聲山月高。

千美酒金叵羅。黃花滿插帽欲欹。鯨吞虹吐安足辭。請君莫學宋生酸。一生枉作悲 熊津明月 熊津之水清且漪。熊津有月來何時。百濟往事如鳥過。我問秋詞。熊津明月 明月月應知。一自樓船駕海來。國社已墟唐府開。落花巖前

春正愁釣龍。鷄嶽閑雲 鷄嶽岩巉插層碧。淑氣蜿蜒自長白。山有湫兮龍則蟠。臺下潮自回。鷄嶽閑雲 山有雲兮物可澤。我昔試遊於其中。靈異不與他山同。

會作霖雨澤天下。東樓送客 錦江江上錦江樓。黃鶴一去雲悠悠。宦遊南北龍使雲兮雲從龍。東樓送客 知幾人。芳草別恨何年休。去年相別髮如漆。今

年相別白於雪。江流別恨 西寺尋僧 艇止山中古招提。綠江一路高復低。十誰淺深。一曲陽關愁斷絕。西寺尋僧 載尋僧閑往還。青藤白蟻雙草鞋。我亦

平生支許徒，結社有約何曾辜。會三江漲綠，三江元從銀河來，合為錦水青

倩龍眠老居士，畫出虎溪三笑圖。於苔昨夜小雨漲，半篙蒲萄之

酒初發醅，誰家日暮三兩舫。蘭槳截破桃花浪，蓑衣蕩笠玄真子。我歌滄浪欲相訪，五峴積翠

甲。五峴嵯峨鎮四角，遙看積翠連溟濛。松檜森森聳霄壑，人間幾番換炎寒。四

時不老唯蒼顏，我欲山中金池菡萏。天孫為織雲錦機，綠為裳兮紅為衣。宜

斷黃精，鸞笙鶴駕閑往還。風宜雨又宜，月輕煙細霧香霏。霏何年

移自秦華巔，蜜雪入口沉痾痊。雖石甕菖蒲，百濟古物唯石甕。腹大溲落將

然才大難為用，何用藕大大於船。底用誰知菖陽天地精，開雲斷

石此移種，根盤九節蛟龍老。性通神靈天下少，飼之可以延脩齡。何用區區拾瑤草。

林川郡

東至石城縣界二十九里，至恩津縣界三十一里，至全羅道龍安縣界二十二里，南至同道咸悅縣界十六里，至韓山郡界二十七里，西至鴻山縣界十六里，北至扶餘縣界十六里，距京都四百十九里。

〔建置沿革〕本百濟加林郡。新羅改加為嘉。高麗成宗置林州刺史。顯宗改嘉林縣。置令。忠肅王以元朝平章阿忒海妻趙氏之鄉。陞

知林州事。本朝太祖三年以入朝宦者陳漢龍之請陞為府。

太宗元年復舊。三年又以入朝宦者朱允端之請陞為府。明年復

舊。十三年改今名為郡。〔官員〕郡守 訓導 各一人。

〔郡名〕加林 嘉林 林州

〔姓氏〕本郡趙林方白翟辛 田 村 陳李 並李 高麗時畏吾兒國人李玄。賜籍于本郡。〔古多只〕趙 吏 本邑。

〔風俗〕種苧為利。有畿內之遺俗。河崙樂山樓記。

〔形勝〕水陸之衝。唐劉仁願與孫仁師擊扶餘豐諸將議所向。或曰加林城水

則傷士。守則曠。地濱南海。河崙記。陸之衝。合先擊之。劉仁軌曰。兵法避實擊虛。加林嶮而固。攻

日遂趨周留城。〔山川〕聖興山 在郡北二里。鎮山。乾止山 在郡西二里。聖住山 在郡西十二里。普光山 在郡西十里。周

城山 在郡北 七星山 在郡南十里曠然平野七
鳳凰山 在郡南十里 仇郎山 在郡東

東二十里 花山 在郡南 升達嶺 在郡西 榆峴 在郡北 發峴 在郡西 白巖 在郡東
五里

嘉林藪 在郡東 仇郎浦 在郡北十五里源出 鴻山縣流入場岩江 場巖江 在郡北
一里

十九里水 江景津 在郡東三十里 菁浦津 在郡南二十里 南堂津 一名龍淵浦在郡
勢險惡 里恩津縣界

下流岸北 上之浦津 在郡南三十里○已上六津皆公
有舍人巖 州熊津下流入韓山郡爲鎮浦

〔土產〕苧 陶器 白魚 葦魚 魚鰾 石首魚 青魚 蟹 鰕
白花蛇 安息香 地黃

〔城郭〕聖興山城 石築周二千七百五尺高十三
尺險阻內有三井又有軍倉 (防船二兵船
一伺候船二)

〔樓亭〕樂山樓 有河
崙記

〔學校〕鄉校 在郡東
五里

〔驛院〕靈楡驛 在郡北 南院 在郡南 古多津院 在郡東二
十五里

〔新增〕橋梁 大橋 在郡南 石橋 在仇
七里 郎浦

〔佛宇〕西浮圖菴 在聖 西資福寺 在乾止山寺
住山 南有石橋 東資福寺 在聖興山寺
南有石橋 龍

淵寺 在南唐津 香林寺 香德寺 俱在天 普光寺 在聖住山有此君樓○
北岸上 燈山 元朝危素重創碑昔三

韓大浮圖圓明國師謝絕世榮歸求其志高麗國王遣宰相張沆追及於林州
州故有普光寺溪山幽勝者宿惠湛達閑等與尙書田冲用遮留國師於此其
門人三千餘指室屋不足以容楊廣道按廉崔君玄佑率其官屬謀爲增葺遠
近聞風而至施者雲委僧寮賓館倉庫庖廚無不畢備爲屋凡百餘間師之伯
氏判典客寺事致仕金君永仁仲氏重大匡平陽君永純感激發願家童百口
田百頃歸于寺久之蔚然爲大道場矣其後師示寂謂其徒紹珠等曰寺既重
新汝等以勿散席甲乙而主之於是其徒以受師志相繼無窮也因都城禪源
報恩禪寺住持宏演來求書其事宏演之言曰吾少也受經茲寺紀述之託誠
不敢後於是從宏演得師之始終而并書之師諱冲鑑字絕照號雪峯髻齧時

已不茹葷，與羣兒嬉戲，以帛製伽黎衣為佛事，稍長，稟命父母，祝髮於禪源寺。禮慈悟國師以為師，年十有九，入選登上上科，一旦喟然嘆曰：雖復脩持，十方如來清淨教理，如恒河沙，只益自勞，曷若脩無偏果，乃舍所事，即拂衣遊諸方。宿留吳楚，聞鐵山瓊禪師道行甚高，迎之東還，執侍三載，瓊公甚期待之。及瓊公辭歸，師主龍泉寺，始取百丈海禪師禪門清規行之。後住持禪源寺者十有五年，弘揚宗旨，為國矜式，其來普光也。寔再紀至元之年，越四年八月二十有四日，將入滅，戒門人毋立碑造塔，遽沐浴更衣，跏趺端坐，紹珠進曰：請和尚為衆說法，師曰：末後一著，汝等有分，薦取言訖，倏然而逝世。壽六十有五，僧臘五十，有八生在前，至元之十有二年乙亥乙酉朔辛酉日也。余嘗論佛氏之學，西出於天竺，乃不遠數萬里，被于東海之表，何其盛矣，而其卓然樹立，如圓明師者，宜其設之益昌而益明，若普光之寺也。世以師為楷，則尚惡有墮廢之時也。耶庸欽次之，而系以銘曰：高麗開國三韓墟，滄海浩渺連東吳，西瞻身毒各天隅，何年貝多傳梵書，學者悟明心地初，瓊公飛錫來此都，圓明國師侍起居，曹溪正宗須力扶，一言妙契萬念除，謂有非有無非無，死生一致不可渝，普光大剎鳴鍾魚，金碧炫晃雲霞鋪，翩翩學者承風趨，優游食息明真如，精藍鬱鬱師已殂，勒銘紀述昭楷模，乾坤清夷化日舒，天子萬壽常禎符，○康好文詩，水石千年地，香燈一畝宮，老僧談寂滅，童子禮圓通，嶺上雲多白，窓間日已紅，欲尋

居士窟，飛路迥盤空。

〔祠廟〕社稷壇在郡西 文廟在鄉校 城隍祠在山城內 厲壇在郡北 南堂津祠在郡南十四里

即鎮浦，水洶湧可畏，商船之往來，必歌鼓以祭。

〔古跡〕安良部曲在郡西十八里 古多只所在郡北二十五里 召羅所在郡南十五里 今岩所在郡南

南三里 今勿村處在郡東二十里，今為豆毛谷里。

〔名宦〕本朝俞顯安 尚纘新增李永孫

〔新增〕人物本朝趙之瑞登第，又魁重試，性訐直，燕山在東宮時，為輔德忤旨，至甲子被殺。

〔題詠〕龍淵絃管迷烟月李穡詩云云，鴨野鋤犁逐雨風。 馬邑群峯接地陰徐居正詩見說唐兵曾駐

此如何羅將苦相侵，熊江一帶兼天靜，云云。

韓山郡 東至林川郡界十五里。南至全羅道臨陂縣界十四里。至同道咸悅縣界十三里。西至舒川郡界十九里。北至鴻山縣界二十九里。距京都四百五十九里。

〔建置沿革〕本百濟馬山縣。新羅因之。為嘉林郡領縣。高麗改今名。仍屬。明宗置監務。兼任鴻山。後陞為知韓州事。本朝太宗十三年例改為韓山郡。〔官員〕郡守 訓導 各一人。

〔郡名〕馬山 馬邑 韓州 鵝州

〔姓氏〕〔本郡〕李金 端柳 並田 來崔 續

〔形勝〕山奇水秀 李坡翠挹亭記云云。麟峯鎮于北。熊浦繞其南。

〔山川〕乾至山 在郡西一里。鎮山。鷺峰山 在郡南五里。麒麟山 在郡西五里。月明山 在郡北十一里。

圓山 在瓦浦芽浦之間。鷄帖山 在郡南五里。箕峴 在郡西五里。赤峴 在郡西六里。曲峴 在郡北二十五里。

上之浦 在郡東十八里。即林川郡南堂津下流。朽浦 在郡東十一里。源岐浦 在郡東十二里。瓦浦 在郡南十四里。即茅浦 在郡南二十里。舒川郡地界。鎮浦下流。又曲峴之水。鎮浦大海之別浦。及舒川郡金富縣。庇仁縣茅洞之水。合流于此入海。

在郡西二十一里。詳林川郡。亦見舒川郡臨陂縣。

〔土產〕葶 漆 白魚 洪魚 鯊魚 柿 白花蛇 竹 石首魚 秀魚 葦魚 鱸魚

〔城郭〕乾至山城 土築周二千六十一尺。內有泉七池。一有軍倉。今頽廢。〔新增〕邑城 石築周四千七十七尺。高十一尺。內有

一渠 防船二兵船 四井 一伺候船二

〔宮室〕客館 李穀記。至正己丑秋。雨甚。馬山客館南廊壞。雨既霽。農亦隙。州人欲修之。郡守朴君曰。非唯南廊。雖廳廡幾圯。蓋一舉新之。州人謂地不產材。尋尺之木。於它山百里外取之。而又居吾土者。多蔽于權豪。誰肯為吾役。君曰。第為之何有。且曰。不去舊屋。人將不力。則一朝而盡撤之。州人始疑且憂。君乃量吏才。其能者則畀之大屋。而多其夫。拙者少之。既分幹之。則令

之曰。古人云。佚道使民。雖勞不怨。今爾之所以衣食茲土。而無無聊之嘆者。皆上之賜也。凡賓客之來。大則布天子之德音。小以頒國令。而邦本是恤。則茲館宇之設。其究爲民也。今者之役。非佚爾之道歟。况其故制桷樸。且將頽壓。無以奉使華而聽詔令。郡守惟不敬。是懼。安敢怠。敢違者罰。於是籍戶出夫。唯免老稚。航海取材。不憚險遠。率錢以助。簞食以餉者。磨其肩。役以其年之閏。纔數閱月。廳房廊廡。結構既周。時方寒沍。不可塗墍。姑令寢工。迨明年春仲。功將告訖。不高不庫。以稱面勢。不侈不陋。以適時宜。始之疑且憂者。終焉悅服。昔之豪橫。今從頤指。又以爲州官視事之堂。架書庫藏之所。不可以不作。規畫已定矣。君適代去。州人茫然。如失怙恃。君亦能哉。余少長鄉里。知民之禍福。實繫于守令。於吾鄉益見之。比在輦轂。聞吾吏民。往往竄伏。而邑塗荆棘。賓客無所歸。郡守莫知所爲。懷印而去。余喟然曰。此非獨吏民之罪。守土者亦不得辭其責。丙戌之春。奉詔而歸。有李君資。爲政伊始。馭吏臨民。俱有條法。一境之人。拭目成效。曾未半歲。召官于朝。李君自長。繼政益勤。知無不爲。則曰。國制守令之居。謂之公衙。此州之守。無所於寓。寓於民家。何以州爲。命其州吏。分曹部役。不日而成。又將館宇。以次修葺。俄以家艱去郡。朴君之至。能兼二李之才。數年之間。利興害除。事集民和。實非前日之韓山也。又能待人以誠意。接賓無惰容。至於供需之物。床褥什器之微。皆致完潔。然其取足於公帑。贓物而無一毫歛及於民。故

其聲譽藹然。冠於一方。余鄉人也。慈侍之餘。幸獲見聞。今因館舍之作。略書大槩。噫。自今踵君者。一以君爲法。而功之未完。事之未已者。卒能成之。則不憂不爲良吏矣。君名時庸。字道夫。密城人。由科第仕文翰。拜監察糾正。例出爲州云。

樓亭翠挹亭

在郡南。有李坡記。

學校鄉校

在郡西。二里。

驛院新谷驛

在郡西。十一里。

看法岩院

在郡東。十四里。

崇井院

在郡西。七里。

曲火院

在郡北。二十五里。

吉山院

在郡西。十三里。

新增橋梁吉山浦石橋

在郡西。十二里。

佛宇日光寺

在鷺峯山。

崇井寺

在麒麟山。

孤石寺

在月明山。

回寺

在乾至山北。

永慕庵

在乾

至山北。有李穡畫像。○權近贊曰。挺天資之粹美。窮聖學之精微。胸襟洒落。瑩徹光輝。踐履極於篤實。文章妙於發揮。匪點之狂。而有詠歸之興。猶惠之和而

無不恭之譏。學者仰之如山斗。國家倚之如蒼龜。膺大拜而不變其塞。履大難而不愴於威。赤心彌諒。素節不移。真公所以自道之辭也。若夫江漢滔滔。雲烟霏霏。追逐歐韓。並駕齊馳。後之觀者。知吾言之不欺也。

〔祠廟〕社稷壇 在郡西。文廟 在鄉。城隍祠 在郡西。厲壇 在郡北。

〔塚墓〕李穀墓 在郡南四里箕峴。李穡墓 在郡西五里加知峴。河崙撰碑。

〔古跡〕安保鄉 在郡南十五里。鷓谷所 在郡北十三里。

〔名宦〕〔本朝〕李審 温良 廉謹。權雍 清謹 有操。

〔人物〕高麗李知命 博覽群書。善詞賦。工草隸。擢第。調黃州書記。居官廉直。民

仲夫之亂。官至政堂文學。太子少傅。諡文平。為相。有古大臣風。李唐髦 知命子。詞藻殊有父風。李穀 忠肅王

遷藝文檢閱。忠肅後元年。中征東省鄉試第一名。遂擢制科。前此本國人。雖中制科。率居下列。穀所對策。大為讀卷官所賞。置第二甲。授翰林國史院檢閱官。

與中朝文士交遊。奉興學詔還國。尋復如元。授中書省左右司員外郎。元屢求童女于本國。穀上書罷之。忠惠後二年。奉表如元。因留居。忠穆朝還國。累遷政堂文學。韓山君都僉議贊成事。忠定即位。穀以嘗請立恭愍不自安。遊關東。元又授奉議大夫。征東行中書省左右司郎中。諡文孝。有稼亭集。李純孝 為人清白。處決如流。嘗使蒙古。不賚其清節。曰。李穡 穀之子。天資明敏。博覽群書。為詩文。操筆即書。恭愍朝擢魁科。真官人也。李穡 又中征東行省鄉試第一名。充書狀官如元。赴廷試。歐陽玄見穡對策。大加稱賞。直擢置第二甲第二名。東還。累官至門下侍中。掌國文翰數十年。屢見稱中國。勉進後學。以興起斯文為己任。學者皆仰慕。入本朝。封韓山伯。諡文靖。有牧隱集。

〔本朝〕李種善 種學之弟。年十五。擢第。官至知中樞院事。諡良景。李季隣 種善之子。世祖朝。佐翼中樞府事。韓城府院君。典文衡。諡文烈。李孟昀 年十五。擢第。官至右贊成。李叔時 有清世宗朝。為大司憲。累官至議政府左參贊。李叔畝 官至知敦寧府事。諡良度。李蓄 官至黃海道觀察使。李墳 蓄之子。成宗朝。佐

種善 種學之弟。年十五。擢第。官至知中樞院事。諡良景。李季隣 種善之子。世祖朝。佐翼中樞府事。韓城府院君。典文衡。諡文烈。李孟昀 年十五。擢第。官至右贊成。李叔時 有清世宗朝。為大司憲。累官至議政府左參贊。李叔畝 官至知敦寧府事。諡良度。李蓄 官至黃海道觀察使。李墳 蓄之子。成宗朝。佐

理功臣。官至議政。李弼季向之子。再捷科第。官至成均館大司成。早卒。李坡弼之弟。年十八。擢第。選入集賢殿。歷官至議政。府左贊成。諡明憲。為李封坡之弟。乙酉科壯元。官至刑曹判書。有文名。〔新增〕李彥浩穡之後。登第。官至觀

察。〔孝子〕〔本朝〕李夏 李廉 朴地俱以孝行旌門。〔烈女〕〔本朝〕尹氏司成尹耆之妹。

頗解文。其夫羅繼門。見殺於宰相洪允成家奴。世祖幸溫陽。尹氏自為狀訴冤。詞惋理直。上憫之。命贖允成奴。賜米復戶。

〔題詠〕山川孕秀今猶古高麗金子粹詩。東國文章集大成。稼亭父子冠群英。云云。且問何人繼姓名。山傍熊

津疊障成趙啓生詩。云云。終教李氏稟其英。自從父子登科後。天下皆知此邑名。鎮江烟雨尋遺跡李承召詩。牧老

聲名始此鄉。青年北學利觀光。簪纓赫世詩書在。竹帛流輝事業詳。工部雄詞喧宇宙。謝家芳草滿池塘。云云。唯有漁舟古渡傍。八景詩。李穡

崇井巖松峯頭蒼石聳。松頂白雲連。羅漢堂寥閔。居僧雜教禪。日光石壁崔崑插平野。縹緲俯長天。翠壁僧窓小。佛燈空半懸。

孤石深洞平野行將盡。回峯望更高。一區幽僻處。梵剎本來孤。回寺高峯後嶺如三角。前峯入半空。行舟垂鐵碇。遮莫有狂風。

圓山戍鼓海嶠傳烽火。閭閻壓浪波。百年無事地。戍鼓夕陽多。鎮浦歸帆細雨桃花浪。清霜蘆葉秋。歸帆何處落。渺渺一扁舟。

鴨野勸農鴨野在郡北三里。○川原平似砥。禾稼浩如雲。太守催星駕。巡田欲夕曛。熊津觀釣馬邑山橫障。熊津水染苔。釣絲

風裊裊。恰得月中迴。

新增東國輿地勝覽卷之十七 終

新增東國輿地勝覽卷之十八

全義縣 東至清州界十八里。南至燕岐縣界十八里。西至天安郡界十一里。北至木川縣界十二里。距京都二百四十三里。

〔建置沿革〕本百濟仇知縣。新羅改金池。池一作地。為大麓郡領縣。高麗

改今名屬清州。本朝 太祖四年置監務。太宗十三年例為縣

監。明年合燕岐為全岐縣。十六年各復舊。〔官員〕縣監 訓導 各一人。

〔郡名〕仇知 金池 全岐

〔郡名〕〔本縣〕李兪河全

〔形勝〕三峰圍野。二水繞城。金休詩。三峯聳秀圍平野。二水奔流繞故城。

〔山川〕甑山

在縣西北五里。鎮山。

栗峴

在縣東十四里。

高山

在縣東八里。

龍子山

在縣東十六里。

雲住山

在縣南七里。與甑山高山鼎峙。

金城山

在縣南八里。有古石城。

高麗院川

在縣東十三里。源出栗峴。

生拙川

在縣西南

五里源出公州界芒峴。到縣南與古李城小溪合。經狐岩。又與大部川合。縣在二川之間。大部川 在大部鄉。源出仇里瓮

狐岩入生拙川。

〔土產〕鐵

出縣東西房里。

磁器

紫草

茯苓

安息香

〔樓亭〕風化樓

在客館東。

〔學校〕鄉校

在縣東一里。

〔驛院〕高羅院

在縣東十六里。一云鯨院。

松峴院

在縣南八里。

〔佛宇〕元寂寺

在龍子山。

高正菴

在高山。

延壽菴

在縣南。

雲帖寺

在雲住山。○崔有悰詩。寺在烟霞裏。

層巒第幾重。山深松落落。江闊水溶溶。講榻臨無地。禪窓倚半空。回頭塵世遠。老衲自從容。

〔祠廟〕社稷壇

在縣西

文廟

在鄉校

城隍祠

在縣東北一里

厲壇

在縣北

〔古跡〕李城

在雲住山北峯。石築。世傳李棹故居。其中寬敞。周一千一百八十四尺。內有一井。今廢。

大部鄉

在縣北高六里。

山山城

石築。周五千一百三十尺。內有三井。今廢。

金伊城

在雲住山。石築。周一千五百二十八尺。內有一井。今廢。

甌山

山城

在縣西北五里。石築。周九百三十二尺。內有一井。今廢。

加乙井處

在縣北五里。

蒲谷驛

舊基在縣東十八里。

〔人物〕〔高麗〕李棹

太祖南征。至錦江水漲。棹護涉有功。賜名棹。官至太師。三重大匡。

李混

棹之七代孫。元宗朝。登第。歷事忠宣。

累官至僉議政。丞致仕。號蒙庵。嘗謫官寧海府。取海中浮槎。制爲舞鼓。至今傳樂府。

李彥冲

混之兄子。登第。累官至政堂文學。

〔本朝〕

李貞幹

混弟子。華之曾孫。母金氏。年百一。貞幹時年八十。弄雀雛於前。爲老萊戲。世宗賜書褒獎。官至中樞院使。卒。諡孝靖。

李士寬

貞幹之子。官至府尹。其子智長。禮長。誠長。孝長。恕長。登文科。義長。登武科。世所罕有。士林榮之。

李禮長

世祖朝。靖難佐翼功臣。官至兵曹參議。

李誠長

官至禮曹參判。

李孝長

官至慶尙道觀察使。

李恕長

世祖朝。敵愾功臣。官至漢城府左尹。封全城君。

誠長之子。登第。成宗朝。佐理功臣。封全山君。

李宜洽

登第。官至中樞院副使。子愼孝。刑曹參議。元孝。登第。僉知中樞。

〔新增〕李繼

孟。豪邁有氣槩。登第。官至左贊成。諡文平。

〔寓居〕〔本朝〕金益精

詳安東人物下。

金益廉

益精之弟。登第。累官至司

憲持平。二人皆廬墓三年。

〔題詠〕縣古徵喬木

金壽寧詩云云。烟寒認廢城。

地分車峴自東西

徐居正詩云云。路入全城高復低。山

勢周遭圍近郭。樹陰繚繞護長堤。

定山縣

東至公州界二十一里。北至同州界十五里。南至扶餘縣界三十一里。西至青陽縣界十一里。距京都三百四十九里。

〔建置沿革〕本百濟悅已縣

一云豆陵尹城。

新羅景德王改悅城。爲扶餘郡

領縣。高麗初。改今名。顯宗九年。屬公州。後置監務。本朝

太宗十

三年。例改爲縣監。〔官員〕縣監

訓導各一人。

〔郡名〕悅巳 豆陵尹城 悅城

〔姓氏〕〔本縣〕李田宋林 方張並村

〔山川〕大朴谷山 在縣北二里。鎮山。 鷄鳳山 一名白谷山。在縣東九里。 七甲山 在縣西十六里。有古城基。號慈

悲城。又見 光生山 在縣南三里。 松峴 在縣北十里。 狐古介峴 在縣東三里。 獐項峴 在縣西五里。

直峴 在縣南十里。 大峴 在縣西十里。 金剛川 在縣西三十二里。源出青陽縣於 王之

津 在縣南二十六里。即錦江下流。

〔土產〕苧 漆 鐵 縣南五里水。閑里有鐵冶。 磁器 蜂蜜 茯苓 地黃 白花蛇

〔學校〕鄉校 在縣東一里。

〔驛院〕榆楊驛 在縣東五里。 彌勒院 在縣西十二里。 長壽院 在縣西二十七里。 修德院 在縣北七里。

〔佛宇〕淨慧寺 在七甲山。 鷄鳳寺 在鷄鳳山。山以寺得名。 藍浦寺 瑞蓮社 俱在鷄道

林寺 妙峯寺 俱在七甲山。

〔祠廟〕社稷壇 在縣西。 文廟 在鄉校。 城隍祠 在山城中。 厲壇 在縣北。

〔古跡〕白谷里 在白谷山下。父老相傳本縣古基。 鷄鳳山城 石築周一千二百尺。內有一井。又有軍倉。今廢。

〔新增〕〔烈女〕〔本朝〕玉杯 正兵李允妻也。其夫爲虎所攬。玉杯執夫衣奮挺大呼。虎即棄去。今上十四年。旌閭。

〔題詠〕千仞東峯有古城 權克和詩。云云。凝眸不覺野情生。往來三載終無惠。深愧居民職姓名。

恩津縣 東至連山縣界八里。南至全羅道礪山郡界十七里。西至石城縣界十三里。至林川郡界二十五里。北至尼山縣界二十一里。

距京都四百一十二里。

〔建置沿革〕德恩郡。本百濟德近郡。新羅景德王。改德殷。高麗初。改

德恩郡。市津縣。本百濟加知柰縣。一云加乙乃。一云薪浦。新羅景德王改市津。

為德股郡領縣。高麗顯宗九年。德恩市津。俱屬公州。本朝 太宗六

年。合兩縣為德恩監務。世宗元年。改今名為縣監。官員縣監訓導。各一人。

〔郡名〕德近 德股 德恩 加知柰 加乙乃 薪浦 市津

〔姓氏〕德恩 俞裴 李金趙 張鄭並續市津 裴林 宋梁全 朴李並續彩

雲 林裴 宋梁良

〔山川〕乾止山 在縣北二里。古 摩耶山 在縣南二十里。鎮山。皇華山 在市津。距今縣治西十里。山有

大石平廣。俯瞰津水。號皇華臺。江景山 在縣西二十六里。般若山 在縣北七里。佛明山

在縣東三十三里。山自青山縣兜率山。迤邐而西。至本縣。分為三。東佛明。南摩耶。北般若。彩雲山 在彩雲鄉。去縣二十五里。甌山浦 在

西二十一里。源出全羅道礪山郡。入江景浦。江景浦 在江景山下。海。市津浦 在市津縣。商舶所集。連檣接桅。人物雜沓。

互市。故名。尹淮云。古 有利樓津。疑即此。私津 在縣北十二里。即連山。栗嶺川 源出全羅道高山縣。龍溪山。入市津浦。一

〔土產〕白玉石 出縣南 鐵 出縣南鵠旨熊 竹箭 產彩雲山。銀口魚 地黃 安

息香 白花蛇 白魚 葦魚 秀魚 鯽魚 蟹 〔新增〕柿 早熟。俗稱早紅。

〔城郭〕皇華山城 石築。周一千六百五十尺。高六尺。中有井二。有軍倉。

〔烽燧〕江景山烽燧 南應全羅道龍安縣廣 皇華山烽燧 南應江景山。北應尼山。縣城山。

〔亭榭〕引風亭 在客館北。

〔學校〕鄉校 在縣東二里。

〔院宇〕甥項院 在縣南五里。

〔橋梁〕潮巖橋 在甌山浦。舊有石橋。居人信術者言。盡投其石于水。今用木為橋。下有巖。潮退則見。名曰潮巖。

〔新增〕市津橋 在市津浦。

東國輿地勝覽十八

一五五

〔佛宇〕灌燭寺

在般若山。有石彌勒。高五十四尺。世傳高麗光宗朝。盤若山麓。有大石湧出。僧慧明。琢成佛像。○李穡詩。馬邑之東百餘里。市津縣中灌燭寺。有大石像彌勒尊。我出我出湧從地。巍然雪色臨大野。農夫刈稻克檀施。時時流汗驚君臣。不獨口傳藏國史。雙溪寺。在佛明山。金地寺。普門寺。念佛寺。淨土寺。俱在摩耶山。

〔祠廟〕社稷壇

在縣西。文廟。在鄉校。城隍祠。在德恩古邑。厲壇。在縣北。

〔塚墓〕甄萱墓

在縣南十二里風界村。俗稱王墓。

〔古跡〕古德恩

在今治東南十二里。彩雲鄉。在縣西二十五里。古市津。在皇華山西南。大井。在摩耶山下二里。俗云古國御井也。其地西有衰虎山。東有衰龍串。摩耶山古城。石築周五千七百七十尺。內有二井。今廢。

〔新增〕孝子〔本朝〕姜應貞

中樞府事毅之子也。年十七。父母遺疾。常侍藥。終夜不寐。取糞嘗之。焚香禱天。請以身代。及父母沒。

廬墓盡禮。不食鹽菜。

〔烈女〕高麗李氏

文成己妻。其夫死於倭亂。妻圖其形。奠朝夕終身。事聞旌閭。閔氏

金繼佃妻。繼佃早死。閔雖當雨雪。必親祭墓。乃食。事聞旌閭。

〔題詠〕新名獨揭恩

權克和詩。舊號兼稱德。云云。

當戶青山皆拱北

徐居正詩。云云。捲簾紅日已生東。

懷德縣

東至沃川郡界二十二里。南至全羅道珍山郡界三十里。西至公州界九里。北至文義縣界二十九里。距京都三百二十里。

〔建置沿革〕本百濟雨述郡。

一云。朽淺。

新羅改比豐郡。高麗初。改今名。顯

宗屬公州。明宗二年。置監務。本朝。太宗十三年。例改爲縣監。官

員。縣監。訓導。各一人。

〔郡名〕雨述。朽淺。比豐。

〔姓氏〕〔本縣〕李任。黃方。郭。裴金。並驛。

〔山川〕鷄足山

在縣東三里。鎮山。世傳天旱。山鳴則必雨。食藏山。在縣南二里。迭峴。在縣東十二里。童子

菴峴

在縣東八里。

利遠津

在縣北二十九里。俗號荊角津。源出全羅道茂朱縣德裕山。至公州為錦江。到舒川郡入海。

甲川 在縣

西五里。源出全羅道珍山郡新峴。至縣西三里。為船岩川下流。與荊角津合。

〔土產〕紫草

訥魚

地黃

茯苓

石鐵

出縣北稷洞。

安息香

〔烽燧〕鷄足山烽燧

東應沃川郡環山。北應文義縣所伊山。

〔樓亭〕雙清堂

在縣東六里。縣人宋愉別業。○朴彭年記。天地間。風月最清。人心之妙。亦與之無異焉。拘於形氣。累於物欲。於是焉能全其體者鮮矣。蓋煙雲四合。天地陰翳。而清風掃之。明月當空。上下洞徹。無纖毫點綴。其氣象固未易形容。惟人之能全其心。而無累者。足以當之。而自樂之。故黃魯直嘗以此擬諸春陵。而邵康節亦有清夜之吟。嘆知味者少也。蓋今世亦有知其此樂者乎。市津宋公愉。本簪履之舊。而不喜功名。退居村野。今卅有餘年矣。其縣曰忠清之懷德。里曰白達。構祠堂於居第之東。以奉先。世置田數頃。以供祭祀之需。乃於祠東。別立堂。凡七間。埃其中以宜冬。而右闕之者三。豁其軒。以宜夏。而左闕之者三。庖廚。滷浴。藏祭器。各有所。丹碧。繚垣。華而不侈。每時祀與

忌日。公必衣深衣入其堂。以齋。克敬。克誠。凡所致享。皆遵禮經。且值佳節。必置酒邀客。或詩或歌。以洽鄉黨之歡。晚好禪學。淡漠其心。不以事物撓之。蓋其性高明。而外乎聲利者也。中樞朴公。壞扁其堂曰雙清。而詩之。予聞而歛衽曰。有是乎。雙清之說也。伯夷。聖之清者也。公其聞伯夷之風。而興起者乎。蓋風而耳得之。月而目寓之。人皆知二物之清。而不知於吾一心。有不羨乎彼者存焉。然則安知其知之者。之不與不知者比也。今觀公奉先之敬。娛賓之興。其自樂之趣。可知已。然濠上觀魚之樂。壯子不知魚之樂。惠子亦不知。予何敢窺其涯涘哉。公之令胤。主簿繼祀。以予在末。屬俾記之。

〔學校〕鄉校

在縣北一里。

〔驛院〕貞民驛

在縣西十里。

彌勒院

名屈坡院。在縣東二十四里。南有樓。○河崙序。余嘗歸寧于鄉。道過懷德縣之東境。山川縈紆。草木蒼蔚。中有路。狹且險。路傍有院。宇巋然。出林表。予望而喜之。下馬登樓。納涼移時。覽觀溪山之勝。欲留詩。未暇而去。院名已忘之矣。今者前公州牧使黃君自厚。以吾牧隱先生所著彌勒院南樓記。來請余題其後。余聞其形勢。則余所嘗登觀者也。院之經營始末。與夫黃氏父子兄弟慈愛友恭。樂施於人。

則先生之記盡之矣。今其孫又能體祖父之意。不唯脩治不懈。而又作室于東西。以別男女之所次。且求詩摛紳間。欲益顯其祖父之德之美。其志亦可尚已。○成石璘詩。知誰起弊。免如新。懷德黃君號吉人。素蘊慈祥思濟衆。常存惻隱樂爲仁。子孫勤儉家風勉。院宇高低地勢因。聞說南樓最蕭洒。何當徙倚爽精神。○鄭以吾詩。逆旅樓高勝槩新。黃公締構自先人。施無望報垂陰。隨行得如歸飽至因。千載姓名將不墜。一家慈孝豈非仁。監司更始鍾餘慶。晚歲佳兒嶽降。德昌院 在縣西 二里。寵述院 在縣北 十一里。荊止院 在縣北二 十七里。餘兒院 在縣南二 十一里。

〔佛宇〕法泉寺 在雞足 山南。鳳住寺 在雞足 山東北。禪郎寺 高山寺 鳳栖寺 俱在食 藏山。

〔祠廟〕社稷壇 在縣 西。文廟 在鄉 校。城隍祠 在縣北 五里。厲壇 在縣 北。

〔古跡〕西峰部曲 在縣東二 十一里。興仁部曲 在縣東 十八里。針伊所 在縣北 十八里。鷄足山城 石築周 一千九百六十九尺。高十六尺。內有一井。今廢。

〔題詠〕俗厚見民風 南智詩。庭空 知訟簡。云云。樹老石頑知縣古 李承召詩。峻嶺踰來 大野寬。一村桑柘俯

溪灣。云云。庭空人靜訝官寒。青陰滿地松千尺。碧色侵階竹數竿。獨凭雕欄無箇事。時看鬪雀墮簷端。

鎮岑縣 東至公州界十一里。北至同州界十里。南至全羅道珍山郡界二十二里。西至連山縣界十六里。距京都三百九十七里。

〔建置沿革〕本百濟眞峴縣。眞一作貞。新羅改鎮嶺。爲黃山郡領縣。高麗初。改今名。顯宗九年。屬公州。後置監務。本朝 太宗十三年。例改

爲縣監。〔官員〕縣監 訓導 各一人。

〔郡名〕眞峴 鎮嶺 杞城 貞峴

〔姓氏〕本縣 金李沈田任劉

〔山川〕產長山 在縣西五里。鎮山。峯腰有一所足山 在縣南 五里。押帖山 在縣南 里。一名安平。山之南。岩。諺傳雞龍生此岩。故爲名。鷄龍山 在縣西 十五里。三岐山 在縣南 二里。龍頭川 在縣北 三里。甌山 乃全羅道珍山郡境。

川 在縣南十五里。源出全羅。車灘 在縣南九里。其源有二。一出公州雞龍山。道珍山郡大屯山。入車灘。一出安平山。合于縣南五里。又北流入于懷德縣之甲川。

〔土產〕蜂蜜 茯苓 安息香 白玉 出三岐山〔新增〕綠礬 出縣南十六里蔚於洞

〔學校〕鄉校 在縣南二里

〔院宇〕吾山院 在縣東九里 支石院 在縣西十五里

〔佛宇〕正覺寺 在押帖山 晦見寺 懸壽菴 俱在鷄龍山

〔祠廟〕社稷壇 在縣西五里 文廟 在鄉校 城隍祠 在縣南五里 厲壇 在縣北

〔題詠〕獨有山川如舊識 金自知詩。杞城千古邈天隅。民戶蕭條野半蕪。云云。迷津且莫問田夫。 野闊樹如

薺 李承召詩。云云。山空溪響雷。

連山縣 東至鎮岑縣界二十二里。至全羅道珍山郡界三十五里。南至同道高山縣界十九里。至恩津縣界二十六里。西至尼山縣界

十七里。北至公州界三十二里。距京都三百九十八里。

〔建置沿革〕本百濟黃等也。山郡。新羅改黃山郡。高麗初。改今名。顯宗九年。屬公州。後置監務。本朝。太宗十三年。例改縣監。〔官員〕縣

監 訓導 各一人

〔郡名〕黃等也山 黃山

〔姓氏〕〔本縣〕宋徐黃孫高任〔廣炤〕任 黃 驛來

〔形勝〕山川雄麗。鄭以吾 李詹義 地少平曠。倉記。

山川〕鷄龍山 在縣北二十七里。我太祖初即位。欲移都于山南。車駕親巡卜吉。略定基址。肇興工役。乃以漕運路遠。而罷之。至今號其地

為新都。溝渠 黃山 一云天護。在縣東五里。○新羅金庾信。將兵與唐蘇定方。攻礎砌猶在。百濟。百濟將軍階伯。禦羅兵于黃山之野。設三營。四戰皆勝。

兵寡力屈而死。○甄萱從高麗太祖討其子神劔。兇率山 在縣東十五里。有古城基。馬阜

坪 在縣西十九里。北 布川 在縣西二十六里。源出 草浦 在縣西二十里。源出雞龍山入津。居

士里川 在縣南十里。源出全羅道 潛淵 在縣北十五里。詳見公州。

〔土產〕芋 銀口魚 自然銅 蜂蜜 蟹 地黃〔新增〕綠礬 出縣東二十里大也洞。

〔城郭〕北山城 在縣北三里。石築周一千七百四十四尺。高十二尺。內有一井軍倉。地險阻。

〔學校〕鄉校 在縣北一里。○鄭以吾記。連山明府朴侯。治郡之明年。謂其郡人曰。學校。王政之本也。古者致治之盛衰。視學之興廢。所謂國有學術有序。黨有庠。家有塾者。此三代盛時之制也。方今 聖明在上。斯文嚮用。內而成均。外而州郡。莫不有學。是郡也。前朝太祖及我 太上王。皆欲定都之地也。觀山川之雄麗。可以知人才之有作。獨無學校可乎。因訊其故址。則郡北有山。節然出雲雨上。其地隆然而元爽。即其故址。謀所以新之。郡人喜幸而奔走聽命。猶恐或後。取材于山。輸瓦于廢寺。某年某月。連山之學成。闢其後。以為夫子之殿。敞其中。以為堂筵之所。奠菜登降。此前日之蒼烟白露而荆棘也。討論揖讓。此前日之頽垣斷塹而荒墟也。於是屬臧獲幾戶而復之。以專諸生之任。使聚經書而藏之。以便諸生之習讀。治郡務決民訟。有日力。則輒至于學。引子弟講明不倦。可謂知所本矣。友人前扶餘監務權君可均。連人也。屬筆於余。請記其事。嗚呼。余豈知言者哉。然吾聞之。天下之人才不為少。其性質之美者。亦何限也。但不知務學。所以不能有成。况寒鄉後進。雖有志於學。為守令者。非有以磨礪而成就之。鮮有不湮沒而無聞者矣。是以為政之要。必本於學。而教學之法。必本於人。苟磨礪變化。而使趨於善。其勉於人者勤。其入於人者深切。至於積則禮讓興行。風俗淳美。人才之出。亦有以馴致矣。夫子曰。十室之邑。必有忠信。孟子曰。人皆可以為堯舜。蓋觀於己而知之也。第不知後侯而至者。能以繼侯之志否也。侯名坤。嘗折節好學。敏於立事。君子謂是舉也。得為政之本焉。烏有得其本而遺其末者哉。宜乎書以示方來。且識歲月也。

〔驛院〕平川驛 在縣西十里。○鄭樞平川驛值雪詩。行行度平陸。滕六散天花。擁馬疎還密。迎人整復斜。蒼茫雲際寺。蕩漾水邊家。遠惜離群

鴈。衝寒 般若院 在縣西 草浦院 在草浦 布川院 在布川東岸。 宿晚沙 二里。

佛宇開泰寺

在天護山。有高麗太祖真殿。○高麗太祖十九年。征百濟大克獲。河內三十餘郡。及渤海國人皆歸順。乃命有司。創開泰寺。親制願文。手書略曰。生遇百罹。未堪多艱。兵纏土郡。災擾辰韓。人莫聊生。室無完堵。云云。證天有誓。剗平巨孽。拯塗炭之生民。恣農桑於鄉里。上憑佛力。次仗玄威。二紀之水。擊火攻身。蒙矢石千里之南。征東討親。枕干戈丙申。秋九月。於崇善城邊。與百濟兵交陳。一呼而兇狂瓦解。再鼓而逆黨冰消。凱唱浮天。歡聲動地。云云。菴蒲寇竊。溪洞微兇。改悔自新。尋懷歸順。某也志在於搆奸除惡。濟弱扶傾。不犯秋毫。不傷寸草。云云。答佛聖之維持。酬山靈之贊助。特命司局。剏造蓮宮。乃以天護為山號。以開泰為寺名。云云。所願佛威庇護。天力扶持。云云。

孤雲寺 在天護山。

護山。

祠廟社稷壇

在縣西。

文廟

在鄉校。

城隍祠

在縣北。

厲壇

在縣北。

古跡廣炤部曲

在縣北十三里。今稱豆缺磨村。

古義倉

在縣西。城內里。

烈女本朝許氏

大司憲許應之女。適士人金問。年十七。夫亡。父母哀之。欲嫁。約已定。許氏知之。負孩兒奔往舅家終身。事聞旌閭。

題詠田多自古稱多稼

李穡詩。連州連山擁平野。云云。春風綠浪漲瀾漫。秋日黃雲屯穰穰。桑陰漠漠夏陰涼。蠶箔層層滿。堂舍夫勤婦苦營生理。促織又吟明月夜。小兒牽牛將出欄。大兒牧馬能縱靶。里中父老迭相邀。醉飽何曾更辭謝。自知風俗尚淳龐。不恨容儀無醞藉。桃花流水安在哉。直與朱陳相上下。白頭牧隱思一遊。擊壤謳歌美風化。荒陂積雪留人跡。鄭樞詩。烏帽穿林光隱。云。淺水明霞亂馬蹄。

尼山縣

東至連山縣界十一里。南至同縣界十六里。西至石城縣界二十五里。北至公州界十里。距京都三百七十七里。

建置沿革本百濟熱也山縣。新羅改今名。為熊州領縣。高麗顯宗九年。仍屬公州。後置監務。本朝太宗十四年。合石城號尼城縣。十六年。復析置縣監。官員縣監訓導各一人。

郡名熱也山

尼城 魯山

姓氏本縣兪柳方文河猪井趙

山川魯山 在縣北五里。鎮接枝山 在縣北三里。高海浪 在縣南三里。大阜長者 在縣南三里。斗起。路出其上。

池 在縣南十五里。長七百六十尺。灌溉甚廣。大川 在縣東五里。源出雞龍山。入恩津縣私津。石橋川 在縣北六里。源出

城縣水。並井 在縣南八里。兩井夾出。因以為號。湯浦。

〔土產〕鐵 出縣南泉洞。芋 蟹 鱒魚

〔城郭〕魯山城 石築。周一千九百五十尺。高八尺。內有四井。南應恩津縣皇華山。

〔烽燧〕城山烽燧 北應公州月城山。

〔學校〕鄉校 在縣北二里。

〔院宇〕吾德院 在縣南十里。弓井院 在縣北九里。

〔佛宇〕塔寺 在城山。

〔祠廟〕社稷壇 在縣西。文廟 在鄉校。城隍祠 在城山。厲壇 在縣北。

〔古跡〕猪井所 在縣南十四里。今稱馬本村。登水所 在縣南十三里。今稱得尹村。

〔名宦〕本朝丙承錫 慶延

扶餘縣 東至公州界二十四里。至石城縣界十五里。南至林川郡界二十里。西至青陽縣界三十七里。至鴻山縣界十九里。北至定山縣界二十一里。距京都三百九十六里。

〔建置沿革〕本百濟所夫里郡。一云泗泚。百濟聖王自熊川來都之。號南

扶餘。義慈王時。新羅金庾信與唐蘇定方攻滅之。唐師既去。新羅盡得其地。文武王十二年。置摠官。景德王。改今名為郡。高麗顯宗九年。屬公州。明宗二年。置監務。本朝太宗十三年。例改縣監。〔官員〕縣監 訓導 各一人。

〔郡名〕所夫里 南扶餘 半月 泗泚 泚。或餘州。見遺事。作泚。

〔姓氏〕本縣沈李徐全邢曹高表 白 續

〔形勝〕炭峴白江 成忠諫義慈王書詳人物下。

〔山川〕扶蘇山 在縣北三里。鎮山東岑有坡陀。炭峴 在縣東十四里。公州境。浮山 在古

北望月山 在縣東十五里。鷺靈山 在縣西二十里。烏山 在縣南七里。羅所峴 在縣西三十里。白

馬江 在縣西五里。良丹浦及金剛川與公州之錦江合流爲此江。入林川郡界爲古多津。古省津 卽泗泚河。在扶蘇山下。○百濟義慈王時

有魚死浮水上。長三丈。食者死。又水色變爲赤如血。大王浦 在縣南七里。源出烏山。西入白馬江。○百濟必鼓琴自歌。令從者起舞。光之浦 在縣東北七里。良丹浦 在縣西七里。金剛川 在

北二十三里。石灘 在縣東十二里。白馬江上流。○高麗正言李存吾上書論辛曉。貶濟古國長江曲。石灘風月閑幾年。野火燒原平如掌。時有穀艸耕菑田。我來構

亭探勝景。萬景媚嬾爭來前。雲烟明滅蛟蛇窟。山翠空濛浮遠天。白沙岸斷浦

淑入。傑石遷迤橫江邊。扁舟南轉兀裊窵。石欄柱柱臨澄淵。石佛應見義慈代。

惟有野鶴來參禪。憶昔唐將航海至。雄兵十萬鼓淵淵。都門一戰謾傾國。君王拱手被拘繫。神物慘淡亦不守。石上遺蹤猶蜿蜒。落花香下波浩蕩。白雲千載空悠然。○鄭道傳詩。石面立削鐵。灘流奔長虹。灘頭橫漁艇。灘上起茅宮。高人抱清疾。歸來臥其中。朝遊欣浩蕩。夕眺驚明滅。天炎挹孤爽。潦盡流皓月。春水碧於藍。何如飄朔雪。宴坐玩奇變。逝者無停時。獨有雙白鷗。飛來長在茲。嗟我不如鳥。未去空相思。○鄭夢周詩。春風苦憶李長沙。徙倚南樓日欲斜。宣室承恩應未遠。石灘明月不須誇。○李稷詩。李氏新羅大姓昆。先生節義又殊調。擊奸秀實竟違時。避世嚴陵便垂釣。事去高名並日星。灘空兩岸唯蓬蒿。承家忠孝有鷄城。餘慶無窮前可料。○安魯生石灘亭記。余旣冠北學。所居與先生不數里。時先生總角。不事遊戲。性好讀書。一見我便欣欣若舊識。然予亦知其將爲英物。相與友善。明年春。同中司馬試。先生語我曰。石灘者。吾先子別業也。在公山錦江之西。扶餘半月之東。其源出自雞籠。經公山之南。折而西。乃與錦江合。洄湫而南入于海。昔吾先子以諫官退而居之。構亭其上。日登覽對青山。臨長流。暢叙幽情地也。予小子亦以不才。得拜諫大夫。言事不中。遂歸于此。欲繼先子之志。若將終身。遭遇 聖明。舉臣於石灘之中。置之廊廟之上。序於勳列。錫爵鷄林。繪形凌煙。爵祿之榮。光于祖宗。敢不愧于中心乎。一石灘耳。以先子之賢。志猶未就而遂廢。以吾愚拙。特起於其間。以至于此。予竊怪焉。子爲我記

其事予曰嘗聞廷議曰某東國之諫臣也當委質前朝之日玄陵惑於逆曉國
 事日非如有斥言者輒中傷之雖號義士皆畏禍而莫敢言某以正言慨然倡
 義奮不顧身上書劾之諫辭切直果見乖忤貶于長沙未幾宥還于石灘逍遙
 徜徉及其終也因憤而疾歛起大呼曰曉滅乎侍者曰尙熾還臥曰曉滅吾乃
 亡耳自始疾至易箆如是者數矣然則忠誠義氣至死不變是發乎天性非假
 而行之者也既而曉誅玄陵悔悟即贈諫議大夫又御筆特書曰諫臣某之子
 某爲掌服直長者玄陵雖不即從諫誅除首惡悔悟於後榮其死而寵其孤亦
 賢君也歟人有言曰璞玉之美則雖不見之者皆知溫潤之美也有言聖賢之
 尊則雖昏愚亦知有道德之貴也是以伯夷叔齊一西山之餓夫也人到于今
 稱之公之先子雖歿於石灘當時見而知之者與今聞而知之者咸服其義稱
 道不已者以其有伯夷之風也且屈伸往來理之自然不往何來不屈何伸况
 父子一氣之分也豈可以父子之屈伸二之而觀哉是知先子之屈於前日將
 以致伸於今日也先生何恠焉先生之忠義內可承家業上不負君命永爲王
 佐之才流風餘慶必與石灘並流而不息矣予於先生烏可苟悅既書其事仍
 有所冀於
 是乎書

〔土產〕芋

葦魚

鱸魚

石首魚

秀魚

白魚

茯苓

鯽魚

〔學校〕鄉校

在縣西
一里

〔驛院〕恩山驛

在縣西
十五里

龍田驛

在縣東
八里

古省院

在古省
津岸

福泉院

在縣北
三十里

金

剛院

在金剛
川岸

〔橋梁〕良丹津橋

金剛川橋

〔佛宇〕崇角寺

道泉寺 俱在鷺
靈山

驚龍寺

普覺寺

望月寺

俱在望
月山

虎岩寺

在虎岩山天政臺下有
一岩其上有虎跡故名

高蘭寺

在扶
蘇山

望心寺

在鷺
靈山

〔祠廟〕社稷壇

在縣
西

文廟

在鄉
校

城隍祠

在扶蘇
山頂

厲壇

在縣
北

〔古跡〕半月城

石築周一萬三千六尺即古百濟都城也抱扶蘇山
而築兩頭抵白馬江形如半月故名今縣治在其內

甌山城

在縣西十四里石築周一千二百
六十九尺高十尺內有一井今廢

青山城

在縣東一里石築周一千八百
尺高五尺內有三泉有軍倉

天

政臺

縣北十里許。江北絕巘。有巖如臺。下臨江水。諺云。百濟時。欲拜宰相。則書當選者名。函封置岩上。須臾取看。名上有印迹者。為相故名。或稱政事岩。

鈞龍臺

自虎岩順流而南。至于扶蘇山下。有一恠石。跨于江渚。石上有龍攫之跡。諺傳。蘇定方伐百濟。臨江欲渡。忽風雨大作。以白馬為餌。而釣得一

龍。須臾開霽。遂渡師伐之。故江曰白馬。岩曰鈞龍臺。

落花巖

在縣北一里。鈞龍臺西。有巨岩。諺傳。義慈王。為唐兵所敗。宮女奔迸。登是岩。自墮于

江。故名。

自溫臺

在縣西五里。自落花岩順流而西。有恠岩。跨于水渚。可坐十餘人。諺傳。百濟王遊于此岩。則岩自溫。故名。義鹽倉古

基

在縣東十里。舊收沿海各色鹽和糴。

石田部曲

在縣西十里。今稱卜只村。

楓枝所

在縣南十里。

〔新增〕蘇定方碑

在縣西二里。唐高宗遣定方。與新羅金庾信。伐百濟滅之。立石紀功。

〔人物〕〔百濟〕成忠

義慈王。與宮人淫荒耽樂。飲酒不止。佐平成忠。極諫。王怒。囚之獄中。忠將瘦死。上書曰。忠臣死不忘君。願一言而死。

臣觀時察變。必有兵革之事。凡用兵。審擇其地。處上流而迎敵。然後可以保全。若異國兵來。陸路不使過炭峴。一云沉峴。水軍不使入白江。一云伎伐浦。據其險隘。以禦之。然後可也。王不省。及唐羅兵過炭峴。白江乘勝薄城。王知不免。嘆

曰。悔不用成忠之言。以至於此。

階伯

階伯。仕百濟。為達率。唐蘇定方。與新羅兵來伐。階伯為將。軍。至黃山之野。設三營。遇新羅兵將戰。誓眾曰。昔勾踐。以

五千人。破吳七十萬眾。今日宜各奮勵。決勝。以報國恩。遂鏖戰。無不以一當千。羅兵乃却。如是進退。

興首

義慈王時。為佐平。以罪流古馬彌知縣。及唐兵至。德至四合。力屈而死。物島王遣人問戰守之宜。興首曰。白江炭峴。一夫單

槍。萬人莫當。宜簡勇士往守之。使唐兵不得入白江。羅兵不得過炭峴。大王重閉固守。待其糧盡卒疲。然後奮擊之。破之必矣。大臣等曰。興首久在縲紲之中。怨王。其言不可用也。

福信

武王之從子。義慈既降。福信與浮屠道探。據周留城。王然之。遂至於滅。迎王子扶餘豐。立為王。引兵圍唐將劉仁。願於都城。

黑齒常之

西部人。長七尺餘。驍毅有謀略。義慈時。為達率。兼風達郡將。蘇定方執義慈。因縱兵大掠。常之與十餘人。逃去。嘯聚逋亡。依任存城。

山自固。不旬日。歸者三萬。定方攻之。弗克。遂復二百餘城。與別部將沙吒相如。應福信。龍朔中。高宗遣使招諭。乃詣劉仁執降。

遲受信

劉仁執至白江。遇倭兵之救。扶餘豐者。四戰皆克。豐脫身而走。王子扶餘忠勝。忠志等。與倭人

並降。獨遲受信。據任存城。地險城固。糧儲又多。攻之三旬不下。及城陷。委妻子奔高麗。

〔寓居〕〔高麗〕李存吾

詳石灘下。

〔孝子〕〔高麗〕徐恭

父得狂疾。恭割手指和藥。以進疾愈。旌門。

〔新增〕烈女〔本朝〕李氏

甲士朴元亨妻也。夫得惡疾。斷指和藥以進。病愈。今上十四年。旌闈。

〔詠題〕大王浦月空秋夜

閔思平詩云云。政事岩花幾艷陽。今日兩三家索寞。當時十萬戶懽康。

鈞龍臺下江

自波

李穀詩。青丘孕秀應黃河。溫王生自東明家。扶蘇山下徙立國。奇祥異跡何其多。衣冠濟濟文物盛。潛圖伺隙併新羅。在後辱孫不嗣德。雕墻峻宇

舞殿隨烟飛

李承召詩。海東表裏雄山河。三方割據開邦家。不念輔車相依勢。干戈日日攻戰多。金湯一朝俱失險。壁上立幟皆唐羅。云云。

歌樓

珠翠不復爭紛華

可憐魚腹埋香魂。化作春風江上花。當時不用成忠計。想必飲恨摩銅馳。興亡萬古孤城在。大平今得聞絃歌。白江江上月如練。魚舟點點

隨烟

崔淑生詩。扶蘇山下大江河。形勝盡屬農夫家。當時甲觀連雲處。年年耕出珠璣多。龍爭

波

〔新增〕興亡已空餘銅駝

虎鬪吞不得。至今雲物猶森羅。驪山宮裏楊太真。臨春閣上張麗華。尤物終成亡國媒。香魂飛作狂風花。一片岩石亦殷鑑。云云。晚放孤舟載古愁。聽盡隔江

商女歌。迎月臺前一輪月。夜來依舊舒金波。

石城縣

東至尼山縣界十六里。南至恩津縣界二十四里。西至林川郡界十二里。北至扶餘縣界十七里。距京都三百九十二里。

〔建置沿革〕本百濟珍惡山縣。新羅改石山。爲扶餘郡領縣。高麗初改今名。顯宗九年。屬公州。明宗二年。置監務。後罷之。恭愍王二十年。以扶餘監務來兼。恭讓王二年。復置監務。本朝太宗十四年。合尼山爲尼城。十五年。以古多津。爲往來要衝。復析爲縣監。〔官員〕

縣監

訓導 各一人

〔郡名〕珍惡山 石山

〔姓氏〕〔本縣〕李 盧 鄭 白石

朴 李 并續

〔山川〕望月山

在縣北十三里。

波鎮山

在縣西四里。

佛巖山

在縣南八里。

白也峴

在縣西六里。

祖峰

在縣北九里。

鳳凰巖

在縣東五里。

藏軍洞

在縣北九里。與太祖峯相對。中有大路。洞門曲狹。行人見之。疑若無洞。深入其

內。極廣闊。可藏萬餘兵。世傳唐將蘇定方。伐百濟時。藏兵于此。故因以爲號。

觀音浦

在縣南門外。源出縣北正覺洞。入猪浦。

倉浦

在縣西十

里熊津

水湯浦

在縣東七里。尼山縣石橋川之水。與甌山川合流爲此浦。

猪浦

在縣南二里。水湯浦及觀音浦合流爲此浦。入古多津。

甌山川

在縣東六里。其源有二。一出扶餘縣元息洞。一出縣北禾洞。入水湯浦。

古多津

在縣西十二里。詳林川。蓮池在客館前。

〔土產〕芋

鐵 產縣南三山里。

葦魚

石首魚

白魚

蟹

秀魚

鯽魚

地黃 安息香

〔新增〕〔宮室〕客館

崔淑生詩。雨後軒窓生晚寒。客懷孤寂獨憑闌。穿林戲鵲飛相逐。壓砌叢篁濕未乾。世事紛紛元有數。春愁黯黯自

無端。明朝依舊東風路。好箇青山眼界寬。○黃昏飛雨更漫天。滴滴簷聲客枕邊。燈火青熒時欲晦。羈愁濃淡自相連。東風芳草迷千里。白髮他鄉送一年。萬死歸來逢 聖主。此身那得老雲烟。

〔學校〕鄉校

在縣北一里。

〔院宇〕水湯院

在縣東十三里。臨江院 在縣西十二里。

〔橋梁〕觀音浦石橋

水湯川石橋

在縣東十三里。猪浦川石橋 在縣南五里。

〔佛宇〕正覺寺

郡覺寺

兜率菴

俱在望月山。

〔祠廟〕社稷壇

在縣西。

文廟

在鄉校。

城隍祠

在縣北七里。

厲壇

在縣北。

〔孝子〕〔本朝〕田漢老

年九歲。父得泄痢。漢老嘗糞。及歿。不食鹽菜。三年廬墳。十三歲。母歿。亦如之事。聞特拜司勇。

〔題詠〕桑柘烟深作一村

李孟常詩。男耕女織送朝昏。云云。

燕岐縣

東至清州界十五里。至文義縣界十五里。南至公州界十三里。西至同州界十三里。北至全義縣界二十六里。距京都二百八十七里。

〔建置沿革〕本百濟豆仍只縣。新羅改今名。爲燕山郡領縣。高麗顯宗。屬清州。明宗置監務。後以木州監務來兼。本朝 太宗六年。析置監務。十四年。并于全義。改稱全岐。十六年。復析爲縣監。〔官員〕縣監 訓導 各一人。

〔郡名〕豆仍只 全岐

〔姓氏〕〔本縣〕全耿 荑河魏

金康 並王開 續王京

〔風俗〕民勤稼穡。無告訐之風。

〔山川〕城山

在縣東一里。鎮山。

元帥山

在縣南五里。○高麗忠烈王十七年。哈丹侵軼。王請兵于元。世祖遣平章薛闡于領兵來

助。王以韓希愈。金忻等。將三軍偕元兵。與丹兵戰于縣北清州之界正左山下。大捷。追至公州熊津。伏尸三十餘里。斬獲不可勝計。俗至今呼駐軍之地。爲元帥山。○尹頎詩。停驂西望燕歧山。浮雲靄色何蒼蒼。路人咨嗟行復止。云是前年大戰場。賊騎來時知幾萬。滿空旌纛雲飛揚。初從江東掠四境。一經變作丘墟荒。誇雄恃力屯此地。氣勢赫赫誰敢當。幕中美人絕世色。車中金帛兼四方。縱情耽樂日不足。烹萬牛兮復千羊。黃金瓶白玉罍。醉舞高歌遊興長。天兵一舉俱潰散。何異巨轍摧蟻蝻。笑哉區區不量力。計窮一朝就滅亡。吾君德業配兩儀。坐令四海富農桑。閭閻熙熙共樂業。商旅不復行賫糧。愚儒何幸逢聖代。更覩中天日月光。行歌聖德祝君壽。願君萬歲壽而昌。龍帥山 在縣南三里。正左山 在縣北十五里。五峯山 在縣北十五里。屯智山 在縣南五里。東津 在縣東五里。其源有三。一出鎮川縣頭陞山。一出清州赤峴。一出全義縣。南流入于公州之錦江。

〔土產〕磁器

陶器 蟹

〔樓亭〕燕喜樓

在客館東。○申槩詩。十載重登百尺樓。世情人事水荇流。獨憐元帥青山色。萬古興亡只麼留。○含孟轉覺此心寬。把鏡還羞

久客顏。不用更登樓上望。北來何恨有雲山。

〔學校〕鄉校

在縣西一里。

〔驛院〕金沙驛

在縣南五里。

松峴院

在縣北二里。

新院

在縣東十四里。

東津院

在縣東五里。

〔佛宇〕安禪寺

興泉寺 俱在五峰山。

〔祠廟〕社稷壇

在縣西。

文廟

在鄉校。

城隍祠

在縣東一里。

厲壇

在縣北。

〔古跡〕土興部曲

在縣北十三里。

燕川所

在縣南十里。

城山城

石築周二千六百七十一尺。今廢。

〔名宦〕〔本朝〕許晚石

爲政勤儉。縣北十五里。防川大堤。灌注千餘頃。堤在清州之境。其始築也。晚石親督之。清人千百爲群。發不遜

語折晚石所據胡床。晚石彎弓逐之。清人不敢近。堤成。民賴其利。至今稱頌。

〔新增〕〔人物〕〔本朝〕金俊孫

登第。參靖國功。封燕城君。官至知中樞府事。

〔題詠〕水入錦江明

徐居正詩。龜領行多險。燕岐路自平。山連鷄岫翠。云云。有客頻來往。何時了送迎。淒涼孤館夜。惱殺遠遊情。

新增東國輿地勝覽卷之十八終

新增東國輿地勝覽卷之十九

洪州牧

東至大興縣界二十五里。南至保寧縣界二十九里。西至結城縣界九里。北至德山縣界十六里。距京都三百四十五里。

〔建置沿革〕本高麗運州。成宗十四年。置都團練使。顯宗三年。改知州事。後改今名。恭愍王七年。以王師普愚之鄉。陞為牧。十七年。降知州事。二十年。復為牧。本朝因之。世宗時。置鎮。屬縣。新平縣。在州北九

十里。越入沔川郡東村。本百濟沙平縣。新羅敬德王改今名。為樸城郡。領縣。顯宗九年。來屬。〔鎮管〕郡五。舒川。瑞山。泰安。沔川。溫陽。縣

十四。平澤。鴻山。德山。青陽。大興。庇仁。藍浦。結城。保寧。牙山。新昌。禮山。海美。唐津。〔官員〕牧使 判官 教授。各一人。

〔郡名〕運州 安平 海豐 海興 洪陽

〔姓氏〕〔本州〕洪李韓宋白趙 尹甫盧並張崔萬並〔新平〕李宋方扈

〔興陽〕表趙崔李羅金〔高丘〕李全任申盧〔驪陽〕朴孫羅郭陳村李州洪

吳州海康宋並京朴朔朔合德文金 李續用和崔政聲崔李白雲川金

李太山白龍泉裴躬耕同

山川月山在州西三里鎮山 已城山在州東四里三尊山在州西十七里八峰山在州北八里即德山

鳳首山在州東二十一里大興縣界 烏栖山一作烏聖山在州南十八里又見保寧結城二縣 吾里峴在州南四

十七里青海新平高丘興金馬川在州東五里源出烏栖山入德山縣新橋川 驪陽川在驪陽縣南源

出烏栖山入新昌縣井浦渡 元山島周四十七里有牧場 冬乙非島在元山島傍周一百一十三里 苻盆島周九

沙邑時島周五十興兒音島周七十古台島周二十九里已上興島俱在州南海中

陽串即古興陽縣周四十九里有牧場 大山串在大山部曲連瑞山郡境周九十里有牧場 大津在新平縣北一百一十四里

新增元堂山在州北四十里三峰山在州東二十三里杖鼓島與古台島對峙周十里沙

兒音島周二十五里外也代島周三十里於乙草代島周二十五里出箭竹 橫巾島周

三里已上島俱在州南海中 土產青魚 廣魚 鯊魚 洪魚 烏賊魚 鰻 絡締 蛤 石花

土花 大鰕 中鰕 紫鰕 黃小魚 錢魚 麻魚 江瑤柱

石首魚 秀魚 海衣 黃角 青角 竹 莞草 鐵出生 天浦

白魚 真魚 蘇魚 鱸魚 蟹新增竹箭 城郭邑城石築周四千九百十五尺高十五尺內有三泉改事新書周五千八百五十尺

烽燧興陽串烽燧東應保寧縣助侵山高丘城山燧烽南應結城縣高山西應瑞山郡都飛山

新增宮室客館曹偉記俠城宋侯遙年以謹厚篤實之才早登膺仕蜚英當世嘗倅西原守沔陽牧尙州皆有惠政至今有去後思成化

丙午又出爲洪州牧洪湖西之巨邑其地沃以廣其民繁以庶號稱難治侯用仁恕平易簡教條去煩苛闔境晏然民樂爲用一日坐後廳按簿書謂通判曹